



PERILLVSTRI ac REVERENDISSIMO  
DOMINO,

D. IOANNI  
GEORGIO  
KVNICK

SS. Theologiæ & V. I. Doctori,  
Płocensi Varmieni

CANONICO,

PRÆPOSITO  
Łomżensi;

GENERALI AUDITORI  
Causarum Curiae,

Illustrissimi & Reuerendissimi Domini  
Episcopi Płocensis &c. &c.

Domino Patrono & Benefactori  
obseruandissimo.

*in Inoula Vigrensi*

*PP. Etano Camacho*

Obsequentissimus Client,

MARTINVS STANISLAVS LEYMAN,

SS. Canonum & Philosophiæ Auditor

Offert dedicatque



# PANEGYRICAS ORATIONES

Rúdi P. MARTINI KRETZMER SOC. JESV  
SS. Theologiæ Doctoris,

Eiusdemq; & SS. Canonum Professoris Ordinarij.

NEC NON:

Superiorum Scholarum Præfeti, in Collegio Var-  
saviensi Societatis JESV;

*Sparsim antehac  
in diuersis Collegiis dictas  
ac publica luce sub alieno Nomine donatas,*

Nunc in vnum fasciculum collectas.

Cum Superiorum Licentia.

FACULTAS R. P. PROVINCIALIS.

**E**go infra scriptus Societatis IESV per Lituaniam Pro-  
uincialis, potestate mihi facta ab Adm R. P. N.  
Ioanne Paulo Oliua Præposito Generali, facultatem concedo,  
ut Orationes panegyricæ P. Martini Kretzmer Societatis  
nostræ Sacerdotis ab aliquot Societatis eiusdem Theologis lectæ  
& approbatæ, typis mandentur. In cuius rei fidem has literas  
manu propria subscriptas, consuetiq; officii Sigillo munitas  
dedi. Vilnæ die 20 Iulij Anno 1678.

Ioannes Blazkowski mppria.

VARSAVIÆ, Excudebat Carolus Ferdinandus  
Schreiber Anno 1679.



# DEDICATIO AD PERILLVSTREM ET REVE-

RENDISSIMVM DOMINVM.

**L**ibrum, cœli perenne immortalis sapientiæ monumentum, inter regias delicias diuitiasque æstimatum, Magnus olim habuit Macedo. Librum & ego regium, quia Regina Eloquentiæ, tanquam charum apud sinceros literarū æstimatores depositū, in manibus Tuis colloco. *Perillustris ac Reuerendissime Domine.* Volumen hoc beneficiorum Tuorum index est; in quo, quot literas atq; apices notaueris, tot trophæa Tux munificentia in me collatae puta assurgere; quæ meipsum, animatum Tibi stare trophæum, occulto licet, quia amoris stylo loquuntur. Pretium operis literarij, partim ab ingenio authoris, partim ab affectu dedicantis æstima. Scilicet erudita ingenia, auro gemisq; nobiliores gignunt opes; hoc ipso sole mineralium parente feliciora, quod illas non è natali rerum omnium puluere, aut aquarum glareis, sed ex insula sibi diuinioris mentis particula eduxerint. Nos verò Clientes, pretiosis sapientiæ diuitijs legendis, ingenia ac labores sacramus; quibus postquam Mecænatum amor, pondus & pretium imposuerit, profusæ in nos liberalitati, vel impar saltem exhibemus gratitudinis monumentum. Thaumaturga sanè munificentia est, quæ novos procreat Marones, si novos viderit Mecænates; & Plinios è sepulchris suscitât, si Traiani faueant. Atq; ista librum hunc meumq; simul animum libro conclusum, ad Te expedit, imò potius pertrahit magnetes illo, quem Tu & sanguinis cognati vinculo &



## D E D I C A T I O.

liberalitatis nexu appendisti. Ipsa etiam Eloquentia pa-  
 ginis hisce circumsepta, quæ in pluribus liceis, & illu-  
 stribus Vniuersitatibus, non ingrata hospes, Auditorum  
 pectora & affectus occupauerat; apud Te domestica,  
 Tuiq; pectoris inquilina pridem fieri postulabat: vt per  
 varias cathedras diuisa ac dispensata, tandem in vnum  
 corpus collecta, pro rostris manus animumque Tuum  
 possideret. Illa enim est, quæ vt in lucem nasceretur,  
 vitam & vitæ vigorem à sanguine Tuo accepit, in ipso  
 Authore Tibi consanguinea. Vnde nondum typi ob-  
 sequio, in libertatem atque communem lucemeducta,  
 & adhuc intra sui Plasmatoris ingenium, veluti intra pri-  
 mas fascias hærebat vinculata, & iam Tibi vitam & lu-  
 cem debebat, quæ Tui sanguinis impensis & splendide  
 viuebat, & splendidius erat victura. Ipse quoq; animus  
 Tuus, in viam Eruditionis palæstram formatus, gran-  
 de Eloquentiæ posuit illicium, quo illa pertracta, per-  
 petuum manuum, imò pectoris Tui incolatum satage-  
 bat profiteri. Iste scilicet est literarum genius, in amo-  
 rem atq; cor sapientum sese insinuare, ac in corde posses-  
 so veluti in atrio vetustarum imaginum, & sibi & suis  
 Fautoribus immortalitatem inscribere. Amant itaque  
 Sapientum oculos & dexteræ literæ. Vnde ipsa etiam  
 Minerua tum demum sudorem de eruditis frontibus ex-  
 pressum in gemmas nouit conuertere, cum illum pro  
 amoris deposito in manus æquè eruditorum virorū col-  
 legerit. Frustra quoq; sub onere docti laboris sudarent  
 ingenia; si hic sudor intra noctes Atticas decoctus, in  
 tenebras solas ac inanes nebulas abiret; solem nunquam  
amicum



## D E D I C A T I O.

amicum, in illustri doctorum virorum oculo habiturus. Frustra in obsequio literarum, studiosi calami fatigaretur, si pro atra sœpia nunquam candidam lucem in præmium acciperent. Affudisti Tu lucem satis de se illustri huic operi; dum ei in pectore Tuo omnibus scientijs atq; facultatibus, quemadmodum sideribus coruscanti, amoris stationem assignasti.

Neq; miror diuinas æque ac humanas scientias apud Te suum fixisse domicilium: pro quibus Tu veluti fixis sideribus, in animo Tuo architecta virtute fabricasti cælum, vaga & errantia phænomena fatuosque ignes nunquam admissurum. Virtuti enim sapientiam superædificabas, & præiactis literarum ac Sapientiæ fundamentis, iterum Virtutum molem superimponebas. Ruit enim sumptuosa scientiarum fabrica, carioux instar domûs; cuius basim solida virtus non sustentauerit. Desipit ipsa Pallas, vbi illi sanctior Themis, Magistrum lese non præbuerit. Quare Tu ad prima statim ætatis Tuæ rudimenta, vtrumq; hoc Numen Magistrum habere voluisti, dum æquè à Virtute beatè atq; à Pallade doctè viuere discebas. Vnde Brunopoli in Hosiano Societatis IESV Collegio, humanioribus literis nauans operam, cælestem quoq; Humanitatem, vrbana morum modestiâ & pacatâ affectuum malatiâ ita efformabas; vt viua vultus Tui Pietas, facundè pro se perorare videretur. Ostendisti etiam cælis suam Rhetoricam esse, quæ pro rostris ad Diuorum aras, suos erudiat Oratores: inter quos Tu cælitum cultui deuotissimus, palmam præferebas. A mansuetioribus literis ad seuiores ibidem, felici



## D E D I C A T I O.

passu progressus, atq; cursu philosophico ad terminum deducto; postquam pro corona sub coronato nomine Illustrissimi ac Reuerendissimi Principis Stephani Widzga Episcopi pro tunc Varmiensis decertauisses: fortunatum Stephanoma ac triumphale Epinicion, sub coronatis tanti Præsulis auspicijs obtinuisti. Quanquam caput Tuum, opibus ingenij pretiosum, planè ipsum sibi erat Corona; quod & multorum spes de Te præconcepas coronabat, & plurimorum amorem in continuati circuli Philosophici ambitum pertrahebat. Atque hic amor & æstimatio Tui, non contenta inter minores subsidere populos, magna quoque sublimium Ecclesiæ Prælatorum infederat pectora; præcipuè illius digni fastis perennibus Antistitis (qui Senatoriam purpuram, Pontificiæque Tiaræ lucem cum vmbreis religiosis permutauit, vt in abdito splendidior Superis luceret) Illustrissimi inquam Thomæ Vieyski Episcopi tunc Kiouiensis: à quo tanquam certissimo ratæ fidei oraculo illud habuisti virtutis & sapientiæ suffragium, quo Tua indoles ad magna Ecclesiæ & Patriæ munia, diuinatione non vana designabatur. Comitantibus demùm imò succollantibus Illustrissimi Capituli Varmiensis affectibus, Principem Poloniæ Urbem Cracouiam petijsti: vt in capite orbis Poloni, scientiarum arcana acciperes; quæ olim per membra eiusdem Reipublicæ eras dispensaturus. Et quidem à vetusta literarum Parente, simul ius in affectum atq; in literas accepisti; postquam ciuili & canonico iuri, vnaq; scientiarum Principi Theologiæ in Auditorem Te mancipasti. Accepisti simul à Gratiano & Iustiano,



## DEDICATIO.

niano, grátias Sapientiae & perpetuum erroris iussitum; simulq; è pectore Aquinatis Solarem lucem, vt grandibus Ecclesiae negotijs, humeros caputq; supponere maturè disceres atq; Te in Athlantem ferendo oneri publico parcm formares, monstraturus hoc in viridi herba, quod olim in adulto culmo tempora & mirari & amare debebant. Multos sanè Phàetontes vñdit & defleuit orbis, qui iuuentutem suam studijs clarissimam effecturi, solis currum conscendisse & iam triumphantibus similes, cælorum tractus superasse videbantur; cùm sine directrice virtute, temerariè audaces, ruinam & casum pro scopo itineris tenuerunt. Nescit Sapientia feliciter & securè iuueniles regere annos, si illis virtus frena non iniecerit. Vnde Tu triennium illud studij Academici, æquè ad fundandam in animo Tuo virtutum Vniuersitatem ac scientiarum notitiam in Cracouieusi Vniuersitate comparandam conuerteras. Omnibus certè virtutibus totum Te studiosè impenderas, singulariter tamen admiratores oculos tenuerat, tenera in Augustam cæli Reginam Tua pietas & deuotio: quam vtpote Sapientiae sedem & gratiarum vniuersitatem singulari obseruantia Tibi deuinxeras, eidem cum indefessa constantia, ad vsq; omnium innocentem inuidiam, & Præsidum Tuorum non vulgarem commendationem dedisti. A Poloni Orbis Metropoli ad Varmiensem Cathedralē rediit, nouam eamq; potentissimam Illustrissimorum Præsulū ac Procerum cordibus, infestissimè planè Herculis Gallicani catena; quā virtutis & eruditionis Tuæ laudatores omnium animos ita suspendisti.



## D E D I C A T I O.

**M**, vt Tuos Tibique deuinctos efficeres. Neque hic affectus Magnorum Prælatorum intra solas pectorum angustias continebatur, prodijt in effectum; atq; vt in facie orbis & summo scientiarum ac virtutis theatro, Tuam magis probares exerceresque indolē, Romā Te expedijt, singularibus Preikianæ foundationis impensis accumulatē donatum. Vt scilicet præclaram mentem, mansuetioribus leuerioribusque facultatibus in patria satis politam, extra patriam quoque polires, externos accepturus, domesticos externis dispensaturus ingenij splendores. Habet enim id quemadmodum morum ita scientiarum venustas, vt tum demum maximè placeat, cū maximè dissitis regionibus quæritur. Peregrina & aduectitia pulchritudo, vt plures spectatores, ita plures sui habet inuestigatores: quæ si scientiarum tantum & virtutum lineamentis, & non furtiuis vitiorum coloribus quandoque depingeretur; omnibus etiam pretiosissimo labore esset emenda. Pudet certè plurima secula, quod non paucas viderint indoles, ad domesticū foculū natiua fuligine obtenebratas: quæ splendidè orbi luxissent, si maternas umbras lucifugæ tanti non æstimassent. Vnum de numero talium accusat noster Pœta.

*Alter reducto lentus in otio,*

*Paullum sepulto distat, inutilis*

*Belli domiq, & ante letum*

*Heu virides malè perdit annos.*

Correxisti Tu hanc temporum labem, cultissimamq; iuuentutem Tuam Romanæ culturæ & Scientiarum Urbanitati, in Vrbe terrarum Domina excolendam permisi.



## D E D I C A T I O.

fisti. Vbi Theologicâ & Vtriusque Iuris laureâ redimitus, ostendisti exteris, extra Alpes quoque Musarum sedem ingenia esse, & sub frigidioris Arcto, inueniri calentiores virtutis & sapientiæ igniculos, qui in lucem gloriæ soleant excitari. Vt liuor alioqui magnorum gloriæ iuratus insidiator Te metueret, & à longe veneraretur; honores & fortunas quæ liuoris illicia sunt, vel vltro Te ambientes, vltro fugiebas: Talem Te conatus exhibere, qualem olim quendam Heroum, Polonius Horatius descripserat.

*Sed ipse liuor Nominis in Tui*

*Occumbet ortu: Tu Dominus Tui*

*Diuesq; non debes caduca*

*Ludibrium opprobriumq; Diuæ.*

Nihilominus etiam fugientem Te honor sequebatur. Æstimauit ad pondus Honorum dotes Tuas æquissima Vniuersi æstimatrix Roma: atque easdem, collatâ tum Præpositurâ & Canonicatu Callisiensi, tum Oppatouienti Scholasteria, quam pro modestiæ Tux genio honorum minimè ambizioso non recepisti, ad altiora omnia excitauit. Tandem aureo Piscatoris annulo consignatum, ipsaque Apostolica autoritate firmatum, priuilegium pro stalli Canoniciatus Varmienfis contulit. Verùm magnis passibus ad honores Ecclesiæ, cuncti Tibi, minimus etiam scrupulus è trita regiaque via amouendus erat. Vnde censori Romano Præsulum oculo, Tuam habilitatem ad sacri Senatus dignitatem ecclesiasticam, luculenter ac abunde probasti: vt aureæ virtutis & Sapientiæ approbatorem lydium lapidem

††

à Petra.



## D E D I C A T I O :

à Petra orbis Iudice haberes. Sequebatur Te in patrias  
oras reducem, auspicijs & fauoribus suis assistens Ro-  
ma, quæ etiam vt probitatis & doctrinæ maturitatem  
pressius in Te notaret; fauoris Apostolici prærogatiuis,  
æquissimo ac sincero eruditarum Tuarum virtutum æsti-  
matore Primæ Procerum Varmiensium, condecora-  
uit. Accepisti hîc stylum gloriæ, quo siue ad latus  
Nunciij Apostolici Tua Te virtus ferret, siue Plocensis  
Diæcesis causas & intricatas lites dissolueres, siue cætera  
quæque Antistitis ac Senatus Ecclesiastici onera ac nego-  
tia robustè ac feliciter per alia diuersa subsellia deferres;  
vbique famam bene gesti muneris, perennibus ceris tran-  
scriberes. Efficacissimâ & potentissimâ ad expugnan-  
dam benefici pectoris arcem machinâ vsus es; scilicet be-  
ne meritis sapientiæ, virtutis robore firmatis. His pos-  
sedisti cor Illustrissimi ac Reuerendissimi Antistitis Plo-  
censis; qui cum in humeros Tuos, negotiorum Episco-  
palium molem, grandium curarum pondus & Consi-  
storialium causarum Maiestatem securè deponeret: si-  
mul animum suum fauoremq; Pontificium, & sublimes  
Plocensis Canonicatus honores in virtutis Tuæ ornanda  
merita deposuit. Habes Magni huius Antistitis enco-  
mia pro virtute Tua disertissima; habes totam aulam in  
amore ac æstimatione Tui hærentem; quam constanti  
modestia, sedula pietate, officiosa demissione, atque  
comi morum temperie, in laudes Tuas coniurare fecisti.  
Applaudit sibi ipsa Plocensis Diæcesis, quod Te Gene-  
ralem Causarum Consistorij Auditorem habeat; in  
quo & eximiam Sacrorum Canonum notitiam, & sa-  
pientiæ



## D E D I C A T I O.

pientia pondus ad lancem iustitiæ bene trutinatum suspicit & adamat. Gratulatur Cathedræ suæ. Te Canonico Collegio, veluti terrestrium Numinum Senatui grata apotheosi inscriptum. Adest socia plausuum Pul-touia, quæ Te nuper suum Officiale, venerationis officio prosequabatur, nunc Tuæ virtutis & sapientiæ perennem recordationem, in debitum sibi officium assumit. Eandem scenam induit Lomza, quæ Te Præposito & Pastore gaudet, tuisque humeris innixam sacrae suæ felicitatis molem læta contuetur. Successisti in hoc onere Magnis Atlantibus Alcides, non impar illustrium nominum & honorum baiulus. Ipsæ sponte ecclesiarum dignitates ad Te confluisse videntur; potius accepturæ quàm daturæ ornamentum. Conscendisti sublimium fastigia honorum & Cathedralium subsellia ecclesiarum, non vt otioso duntaxat fulgeres honore, verùm vt ex alto, pluriū commodo, operosa Tua illusceret virtus. Quare Te, etiam, viua Dei templa experiuntur Patronum & Protectorem; quæ partim in pauperibus ac Orphanis munificâ Tuâ dextrâ subleuandis erigis, partim vestitu donando contegis, partim studiis applicando erudis, cæterisq; beneficijs ac liberalitate Tua sustentas. Non tacent Religiosorum cænobia, Tuæ munificentia laudes, quas in amplas beneficijs Tuis excitas panegyres. Loquitur plurimorum Sacerdotum dis-ferta egestas, diuitem Tuam protectionem & exhibitum coram Illustrissimo Loci Ordinario patrociniū, illudq; tot seculis quot votis apud Superos benegestorum remuneratores commendat. Verùm quia per cæteros spar-



## DEDICATIO.

sa, in me vnum collecto ad compendium aluco, Tuae beneficia confluerunt; qui largos beneficentiae latices sum expertus, è Varronis monito, fontem coronaturus accurro: tot triumphales herbas pro corona offerens, quot flores pro sermo Reginae eloquentiae aptissimi, hoc [quem in manus Tuas depono] libro continentur. Cum his vt adamantinam multorum annorum coronam induas, ipseque immortalitatem gloriâ, tempora fortunis, Patriam & Ecclesiam meritis, nos Clientes auspicijs diu corones, animitus opto voueoque.

Perillustri & Reuerendissimæ Dominationis Vestræ

*Clientis obsequentissimus.*

MARTINVS STANISLAVS LEYMAN,  
Ss. Canonum & Philo: Auditor.



# PANEGYRIS

## De Immaculata DEIPARÆ Conceptione

### ARGUMENTVM PANEGYRIS.

*Quemadmodum magnum gratie miraculum est, Virgo MARI-  
A in Deiparam electa & à peccato Originali præser-  
uata ; ita magno miraculo, maius foret monstrum, si  
Dei Mater peccato, quod malorum omnium maximum  
& turpissimum est, fuisset contaminata.*

### Panegyris.

**P**rodigij instar proclamatum est vniuersis MA-  
RIAM hæreditaria humani generis labe prodiis-  
se immunē. Aud. Et est, cur attonitus super  
inuiso à sæculis prodigio stupeat animus, est  
admirandi seges copiosissima, est miraculi co-  
pia multò maxima. Communi enim lege natam prodire, &  
communi non fuisse conceptam iure ; è mortalium nume-  
ro censerì, & mortalibus non adnumerari ; è puluere &  
auito cinere nostra ducere stemmata, & astra Cælorum in-  
signia plantis calcare ; tot certè prodigiorum genera sunt,  
quot superioribus patrata sæculis Natura vidit nunquam.  
Septena orbis miracula rudibus & obliuione hodie sepul-  
ta, ostentauit olim mirabunda Antiquitas : quia in coecæ no-  
ctis caligine magnum quodpiam suspexerat, quod nos in  
orthodoxæ lucis meridie, tanquam ingeniosa artis huma-  
næ crepitacula ridemus ; cur inter prodigiosa facinora po-  
tiori iure non numeremus illud, quod vnius facti dignita-



re, sexcenta vincit naturæ atq; gratiæ miracula. Melius hodie, quàm olim, Romanus caneret Vates,

*Barbara, Pyramidum sileat miracula Memphis,  
Assiduus iactet nec Babylona labor,  
Nec triuia templo molles laudentur honores,  
Diffimuletq; Deum cornibus ara frequens.  
Aere nec vacuo pendentia Mausolea  
Laudibus immodicis Cares in astra ferant.*

Vnum illibatæ MARIANÆ Conceptionis miraculum, vniuersa superat fastuosæ antiquitatis prodigia. Ergo vnū pro cunctis fama loquatur opus. Prima integritatis MARIANÆ exordia dum maternis adhuc stringerentur angustijs, iam summos sanctimonix apices è grauissimorum Patrum sententia excefferant. Dum Patrio adhuc tenebatur carcere mens tenella, iam libertati ante libertatem asserta, ad maximi imperii habenas destinabatur. Necdū infans, & iam VERBO concipiendo electa, necdum nata, & iam augustissimæ Principis dignitatem nacta. Concepta, sed ex acutissimo diuinæ mentis conceptu, sine auita labe concepta. Nostræ stirpis sanguinisq; nostri propago, sed cuius necessitudinem Angelica ambiebant nomina, magnisq; se inclaruisse meritis existimabant; vbi orbi adoratum MARIÆ nomen flexo salutassent poplite. Non hæc Ægyptiarum, fateor miracula sunt pyramidum, sed fastuosos tamen transcendunt suâ celsitudine Cælorū pyropos. Non superba Babylonis sunt pergama, sed diuinæ amplitudini circumfusa sunt moenia, DEIq; immensi terminus sine termino. Non pensiles floridæ voluptatis hortos, & delitiantis Veris thronos cum Cæsarum Panegyrista



negyriffa dixerō, quorum ſpecimina multoties noſtri tex-  
 tores edunt aranei. Non fabuloſi Numinis profana appel-  
 lauero ſacraria, ſed ſanctiſſimæ Triados auguſta, & augu-  
 ſtiſſimis maiora pallatijs domicillia, [atq; vt cum ſacro Græ-  
 ciæ Oratore Chryſoſtomo loquar] veris ipſius & floridæ  
 maiestatis amoeniſſima Tempe. Vnum conceptæ Virgi-  
 nis primæuo ſine crimine opus, totam quā patet implet  
 æternitatem miraculis. Non tanta vaſtiſſimorum Cæli ter-  
 ræq; finium amplitudo, quanta vnius MARIANI prodi-  
 gij eſt maiestas. Verum enimvero, ſicut maximi prodi-  
 gij loco cenſetur, mentem illam diuinæ integritatis æmu-  
 lam auitæ neſciam turpitudinis, communi mortalium ab-  
 ſolutam lege prodiſſe; ita ſpectrorum, omniumq; monſtro-  
 rum genera exitura omnino fuiſſent, ſi ea, quæ ſanctimo-  
 niæ eſt pelagus, rea fuiſſet criminis: quæ puritatis eſt aby-  
 ſus, immunda; quæ lucis ætheræ Mater eſt, tenebrarum  
 filia; quæ diuino Numini iura dixit, mancipium ſtygiæ ſer-  
 uitutis, apud gentes omnes populoſque, Cœlo terraq;, mor-  
 tales inter atq; immortales, ſempiterno cum dedecore au-  
 diuiſſet. Magnum igitur miraculum ſit, MARIAM omni  
 iurē puriſſimam, auito non ſubiacuiſſe næuo: ſed magno  
 miraculo maius turpiuſq; monſtrum futurum erat, ſi labe  
 ſeſe contaminaiſſet leuiſſima, quæ pulchritudinis Diuinæ ab-  
 ſolutiſſima inter mortales eſt idea. Grande inquam prodi-  
 gium ſit MARIAM omnibus titulis puriſſimam, nullo nomi-  
 ne ream ſcleris; intemerato partu in lucem eſſe effuſam:  
 ſed hoc fieri conueniſſe, ſacra atq; profana omnia exigebāt  
 iura, antiquiſſima populorum terebant ſancita, ipſius re-  
 ctæ mentis atq; rationis humanæ lumina, à Cœlis mutuata,



persuadebant. At si turpissimo refractariorum Parentum dedecore Virgo contaminata, lucem an tenebras mortales aspexisset, quod deniq; futurum fuisse monstrum censeatis? quale naturæ gratiæq; dissidium ex ipsis odiis & iuratis inimicitijs compactum futurum fuisse existimatis? nam & sanctam futuram fuisse Virginem, & grauissimo scelere obligatam; & sole puriorem, & stygiis obscuriorem tenebris; & augustissimam Principem, & orco addictam famulam; & imperantem Cæsarum Regumq; solijs, & scabellum stygijs proculcatum plantis; necesse erat omnino. Quemadmodum enim ab vno diuinæ Parentis nomine vniuersa illa gratiarum agmina promanassent: ita quoq; recensita antiqui sceleris dedecora, pari iure in eandem fuisse promanatura, est manifestum. Suam sibi vendicassent matrem, ornamenta filij cum Matre communia, sed suam quoq; postulassent stygij ignes prædam, vetusto crimini addictam. Suam tanquam Imperatricem maiestatem, siderum solisq; regna efflagitassent, sed æternæ noctis chaos suas quoq; in eadem damnasset tenebras. Acri vtrinq; studio pro MARIA fuisset certatum. Flagrasset bellis mutuis orcus & astra; tela vibrasset triumphatrix humani generis labes, tela quoq; torsisset victrix omnium thaumaturga gratia. Cui amabo victoria cessisset? si victor vterq; victus vterq; foret, foret quoq; MARIA, & sancta & peccatrix; & pulchra & sordida, & DEI Mater, & stygis filia. Quantum verò hoc, quamq; inuisum, inauditum, horridum, ipsi naturæ expauescendum monstrum! iurata rerum aduersissimarū odia in eam conspirasse Virginem, quæ pulcherrima sit formanda: infensissimos, & æternis flagrantibus litibus hostes



in eam conuenisse Virginem, quæ Arca foederis, pacis De-  
vm inter & hominem initæ idea sit statuenda; summæ tur-  
pitudinis & infamis ignominiae omnia dedecora in eam  
confluxisse; quæ venustissima & Coelitum hominumq; for-  
mosissima sit fingenda, Non sic certè,

*Non sic Herculeo prostrata illa hydra furoro*

*Infami terras fadarat nomine monstrum,*

*Non sic turpis Erinnis erat, monstrosaq; Virgo*

*Igniuomo teter quam fudit Cerberus ore.*

Non sic quidquid monstri orcus vnquã aluit, quidquid  
furiae, artifex fabularum finxit antiquitas turpe fuit; non sic  
naturæ rerumq; omnium fœdera, sancita, & ipsius hu-  
manæ mentis leges, proculcari vnquam potuissent, sicut  
in vna contaminatæ Virginis labe, vniuersa reuixissent  
monstra, omnia fuissent extincta, atq; pessum iuissent na-  
turæ atq; necessitudinum Sacramenta. Facilius factu  
naturæ leges admiserint, vt

*In caput alta suum, labantur ab aquore retro*

*Flumina; conuersis Solq; recurrat equis,*

*Terra ferat stellas, Cælum scindatur àratro*

*Vnda ferat flammæ, & ferat ignis aquas*

Quàm vt MARIANO ortui vel tenuissima vetustæ noxæ  
fuerit aspersa labes. Faciliore negotio dabunt Ægyptiorū  
annales, vt Herculeis manibus clauam extorserit victrix  
omnium stygia potestas, quàm vt concedat bene sana or-  
thodoxorum veritas, MARIANIS manibus ereptum illud  
fuisse sceptrum, cuius ope, vt Princeps & Angelus Theo-  
logorum D. Thomas loquitur, anima naturæ imperat v-  
niuersæ. Facilius dabit Vatum fides, vt Tantalus luden-



tis arboris decerpit poma, quàm vt quisquam concedat  
 innocuas Virginis manus ad fatale illud Paradisi malum  
 fuisse extensas. Facilius fieri posse naturæ indagator Phi-  
 losophus arbitrabitur, vt aquarum abyſſos, maria, flamma  
 tenuis exurat, quàm vt gratiarum & omnigenæ puritatis  
 mare MARIAM, ſcintilla auiti incendij exſiccârit. Ante  
 Aſtronomorum dogma concedet, vt eadem regio ortus ſit  
 & occaſus, quàm vt quiſpiam aſſerat, in ortu MARIANI ſo-  
 lis, diuinæ lumen gratiæ occidiſſe. Potiori iure futurum  
 dicet Oratorum lumen Tullius, vt lex nata, quam non di-  
 dicimus aut legimus, ſed ex ipſa natura accepimus, hauſi-  
 mus, & expreſſimus, ad quam non docti ſed facti, non in-  
 ſtituti ſed imbuti ſumus; vt inquam lex naturæ ſuffragio ſta-  
 bilita, infringatur: quam vt hoſtium manibus permittat  
 Matrem is filius, qui & legem natam condidit ipſe, & ſua  
 promptiſſima in Matrem obſeruantia, eandem immortalis  
 Sacramento confirmauit. Æquius deniq; eſſe dabunt ſuo  
 cum Iuſtino Iuris Conſulti, ne Auguſta gaudeat Priuilegio  
 Principis, neuè Imperator eadem Priuilegia tribuat Augu-  
 ſtæ, quæ & ipſe habet; quàm vt ſuſpicemur tantâ flagraſſe  
 inuidiâ Filium in Matrem, vt concolorẽ candidæ mentis Ma-  
 ieſtatem non fauerit Principi Parenti. Iniquum certè eſt, ex  
 Iuriſperitorum ſententia, Patrem vel Matrem egere, cuius  
 filius ſit in facultatibus; iniquius etiam multò eſt, Parentes  
 crudeli hoſtium iugo mancipare, quorum regia ſoboles iu-  
 ra dicit populis; iniquiſſimum verò cenſetur, Capiti Iuriſpe-  
 ritorum Iuſtino, opprobrijs proſcindi per Filij diſſimulatio-  
 nem Matrem è cuius honore vel opprobrio colitur vel de-  
 ſpicitur natus. At quid dicam? ſi Domina gentium, re-  
 gnorum



7  
gnorum Imperatrix, optimis quibusq; melior, sanctissimis  
sanctior, solo Ter Maximo minor, extremâ diuinarû opum  
laboret penuriâ, & Filius amplissimas inter diuitias delitie-  
tur: si colla tartareo submittat iugo Mater, & Filius impe-  
rij habenas capeffat: si publicis Apostatarum spirituum san-  
nis excipiat Parens, & nomen Filij cælestium, terrestrium  
& inferorum flexo colatur poplite? Prius certè, prius or-  
bis credet,

*Quadrupedesq; homines, cum pectore pectora iunctos,*  
Quàm in pectore MARIANO turpissimum peccati mō-  
strum recubuisse, Citiùs fatebitur,

*Tergeminumq; virum, tergeminumq; canem*  
quàm Mulierem illam, quæ virum circumdedit, stygio  
fuisse mancipatam cani.

*Sphingaq; & harpyas, serpentipedesq; Gigantes*  
*Centimanumq; Gygem, semibouemq; virum*  
faciliùs admiserit, quàm peccati monstrum omnium foedis-  
simum in MARIA omnium pulcherrima olim extitisse.  
Et tamen nisi quis lectissimum Virginis animum paterno  
absoluat nœuo, omnia terræ stygisq; monstra in orbem ci-  
eat, est necesse; & imma summis, celsa infimis, sacra profa-  
nis, ignes vndis, Cælum orco, Numen ter sacrum, ter exe-  
crandæ Erinni iungat oportet. Verùm audite diuina Ec-  
clesiæ oracula, magnos illos doctrinæ & sanctitatis laureâ  
conspicuos Oratores, quale quantumq; puritatis miraculû  
sentiant MARIAM. Illa est MARIA, quæ flos de spina,  
spinâ carens dicitur, Hieronymo. Illa puritate nitet MA-  
RIA quâ maior cogitari sub Deo nequit, teste Anselmo.  
Illa est candidissima Virgo quæ ab exordio suæ Conce-  
ptionis,

ptionis, asperſione Spiritus Sancti tota Deitatis gratiâ eſt perſuſa, teſte Cellenſi Abbate. Illa eſt MARIA quæ ſchola & collegium ſanctitatis appellatur à Chryſologo, conuentus virtutum nominatur à Damiano. Illa eſt MARIA, quam DEVM verum eſſe credidiſſet Dionyſius, niſi aliud diuina docuiſſent eloquia. Illa eſt MARIA, vt quanquam eſſet pulcherrima, à nullo tamen concupiſci potuerit docente Ambroſio. In tanta porro ſanctimonia quis næuos ſcrutetur, niſi in ſole cœcæ noctis caliginem ſe reperire poſſe credat? quis deformitatem in tanta pulchritudine indaget, niſi in ortu occaſum, in die noctem, in oceano flammâs ſe piſcari poſſe autumet? O admirandum omnipotentis dexteræ facinus MARIA! ô Cæli terræq; prodigium ab orbe condito inauditum! ô intemeratæ pulchritudinis abyſſus diuiſſima! Depingere vis animo ter ſacra- tiſſimum hoc æuiternæ Triados miraculum? ego certè cōcipere nec auſim nec poſſim, ita omnem conditi ingenij facultatem perſtringit, ſemper pulcherrima & ab omni labe remotiſſima DEIPARÆ maietas. Si quid pulchri amæniq; vnquam protulit venuſta florum genitrix tellus, ſi quos lectiſſimæ formæ & placidiſſimi odoris partus orbis edidit, ſi quæ oculorum amæna ſpectacula, veris gratias, vernantia hortorum ſidera, vilo vnquam tempore genuit: totum hoc in DEIPARÆ ceu in formoſiſſimo naturæ gratiæq; flore, diuina congeſſit munificentia. Si quid lucis ſtellatum illud collucentium gemmarum regnū habet, ſi quid maietatis ipſe ſiderum imperator ſol oſtendat, ſi quid amœnitatis in amœniſſimo illo cœleſtium luminum theatro ſpectatur, totum hoc perfectiore modo in

Virgine



Virgine collegit artifex Cœlorum dextera. Si quid sancti-  
 moniæ per humanas cœlestesq; mentes diuina liberali-  
 tas sparsit, si quid specialium donorum, si quid munerum  
 vniuerso Cœli terræq; ambitu conclusit, si quid celsi, ma-  
 gnifici, diuinæ opes possident, totum hoc ornandæ Matri  
 DEVS FILIVS impendit. Illa est quam ex celsissima-  
 rum virtutum ac gratiarum omnium pulchritudine con-  
 flatam, excitauit thaumaturga Maximi Numinis dextera,  
 concepit rerum omnium idea diuina mens, amorum om-  
 nium & animorum amor beatissimus genuit, educauit vir-  
 tutis alrix viriumq; parens omnipotentia, auxit liberalis-  
 simum donorum omnium pelagus DEI munificentia, con-  
 firmavit infractum diuini brachij robur, paut cœlestium  
 deliciarum ambrosia; vt scilicet legum orthodoxarum ser-  
 uaret integritatem, stabiliret religionum sanctimoniam,  
 scepra Regum moderaretur, pacis ac salutis publicæ tue-  
 retur incolumitatem. Quid igitur augustum, si MARIA  
 non fuit semper augustissima? quid sanctum si MARIA  
 non fuit semper sanctissima? quid pulchrum si MARIA  
 non fuit semper pulcherrima? Cogitate bis senâ cœlestiū  
 gemmarum coronâ ornatâ Reginâ; Regina hæc est MARIA  
 ornatissima. Cogitate Palladem, cuius vim stygiæ expau-  
 escunt phalanges! Pallas hæc est MARIA fortissima. Propo-  
 nite animis vestris Bellonâ, cuius castra magnus exercituū  
 Imperator adeò ambiat, vt eius insignibus sua dedecet no-  
 mina, deuoueat trophæa, inscribat triumphos, Bellona hæc  
 est MARIA, terribilis vt castrorū acies ordinata. Recolite  
 mente bellicosissimam Amazonem, cuius victricia signa,  
 secutæ religiosarum mentium turmæ, ita triumphalibus

B

eius

eius insistant vestigijs, vt alij capitis integritatē exponant, alij linguam vice clypei obijciant; alij spinarum aculeis ceu telis contra inuiolatæ Matris hostes vtantur, alii ardentibus flammis incendia Cyprii Martis extinguant. Amazonum Princeps sed castissima iuxta ac fortissima Princeps est M A R I A. Quis igitur Stygias cohortes prostrauit? quis centimanos inferorum Gygantes vicit? si non prostrauit, si non vicit M A R I A. Nulla in dominantium vultu dignitas, in Cæsarum solijs Maiestas; nulla in Cælorum astris pulchritudo, in vastissimis Poli spiritibus decor, si augusta, regia, venusta, decora, non fuit semper M A R I A, Nunquam in ea discordes affectuum lites efferbuerunt, nunquam animi rebelles pugnarunt motus; non cæca offudit caligo subtilissimæ mentis aciem, non animi libera imperia seruiles subegerunt iræ, aut effrenes vicerunt cupiditates, aut ambitiosæ edomuerunt cogitationes, aut deniq; tempestas quæpiam turbulenti affectus agitauit. Fuit illa scimus, corpore mortalis, sorte communi condita, sed animo supra mortales omnes fuit euecta, virtute Numini fuit proxima, sanctimoniâ Cælitibus superior, gratiarum omniū complexione, superis & inferis admiranda. Quisnam ergo mortalium DEO charus vnquam extitit, si MARIA DEO aliquando fuit odio? quis virtutibus fuit ornatus, si MARIA næuo deturpata? aut igitur ob omni næuo Virginem pulcherrimam absoluamus oportet; aut ipsam pulchritudinē pulchritudine exuamus, Maiestatem spoliemus Maiestate, puritati detrahāmus puritatem. Quod quidem si quispiam per summam legum omniū & naturæ iniuriam temera-



rio ausu attentet, nã ille omnia terræ, inferorum atq; vni-  
uersi orbis monstra (Dicite) in orbẽ esse prouecturus. DIXIT

*Panegyris hæc, Anno 1666, fuit à Sodalitate MARIANA  
Collegij Brunsbergensis Societatis IESU, inscripta Reue-  
rendissimo Clero Varmienfi, Dedicatione sequenti.*

**M**aximum orbis miraculum, DEIPARAM Virgi-  
nem, sine labe originali conceptam, breui panegyri  
vobis exhibemus legendam. Qui in absolutissimo  
hoc diuini fauoris opere nœum scrutatur, tot monstra fin-  
gat oportet, quot artifex monstrorũ antiquitas finxit nun-  
quam. Non potest inter mortales venustissima, nœuo con-  
taminata argui, quin ipsa pulchritudo turpis, informis for-  
ma, venustas sine venustate, sanctitas grauissimo scelere se  
obstrinxisse, portentoso malè sanæ mentis partu concipia-  
tur. Sed dedimus hoc illibati ortus Virginei argumentũ,  
superiori dictione adumbratum. Propositi nostri res mo-  
dò est, grande MARIANÆ integritatis miraculum, reis  
vetustæ noxæ natalibus, sine noxa ortum, Vestris conse-  
crare manibus: vt quæ ter maxima Incarnati Numinis pro-  
digia, sacras ad aras toties tractant, MARIANVM quo-  
que Augustissimum gratiæ & naturæ prodigium suâ com-  
plectantur beneuolentiã. Par alia tanto miraculo dextera  
reperiri poterat nulla, quàm Thaumaturga, quàm Vestra.  
Quæ patrandis miraculis iam assueta, hoc etiam non gra-  
uatè, vti confidimus, admittet. Nostræ ad hæc obseruan-  
tiæ in Patronos & Benefactores fauentissimos nomina plu-  
rima exigebant, vt quibus gratis obsequiorum studio, co-  
ram esse non licet, liceret saltem in vicem debitæ gratitu-  
dinis,

dinis, laudibus MARIE esse disertis. Admittite igitur, prodigiosum Sacræ Triados opus ab omni næuo non purgatum sed præseruatum. Admittite inquam, [ita supplex orat. Sodalitas] orbis Dominam & Patronam, sub fauoris & gratiæ vestræ patrociniū. Quod si cultissimo cæli terræq; miraculo, labentis error calami, aliquam dictionis maculam fortè aspersit, à sacris Vestris manibus, quibus toties ipsa cæli venustas DEVS inest, fiet ornatissimum.

## COMITIA REGNI POLORVM

In Nazareth celebrata, Breui Panegyri  
exposita.

### DEDICATIO.

*¶* **S**ua sunt terris regnorum Comitia, grauisissimi Procerum, Patriæq; Patrum consessus, amplissimi Equitum & nobilissimorum Ciuum Ordines; suæ quoque sunt Polis, altissima Calitum Concilia, sacra Diuinissimæ Triados Senatusconsulta, magna & à sæculis in DEO abscondita Sacramenta. Scilicet nec calum, licet in omnem orbis partem oculatissimum, temerè sua precipitat consilia, aut pro arbitrio & effusus impetu, sua condit decreta. Non rarò namq; integra euertit Regna, præcox consilium, sustulit indeliberato iussu exercitus, re- & factorum gloriam, plurium annorum meritis comparatam, inopinata & eterna obliterauit macula. Sanum proinde corpus, non immerito Plutarchus ex sanis dignoscebat consiliis, grauem contra colligebat languorem, si affectus,



non ratio, reget populos. Quemadmodum Cymmeris necesse est omnia sepeliri tenebris, latere rerum venustatem, & tot orbis pulcherrima velari decora, si magnus ille calis oculus, illustre sydus, sua non dispenset terris lumina; ita turbis & confusa tumultuum caligine remp. inuolui oportet, ubi lux consiliorum, mentium non fugat tenebras. Ordinatissima Polorum Respublica, idea Regnorum omnium, & Comitiorum rectè instituendorum speculum; ut rei humana commodis prospiceret, & pericula salutis publica, in qua mortales ceco Protoparentum ducti consilio, incidimus, auerteret: Comitii in Nazareth coactis super grauissimo salutis nostrae tractauit negotio. Ut verò consiliorum confusio, quae à multitudineti meri posset, caueretur, lectissimis viriisque parvis Consiliariis, res vniuersa committitur decernenda. Porro quid vniuersi partium consensu sit conclusum, quid pro vindicanda humani nominis libertate, pro restauranda calum inter terramq, amicitia, quid pro inauguratione Augustissima Virginis, in Polorum Terrarumq; Reginam decretum, breui oratione adumbratum, ceu rudem Comitiorum imaginem rerumq, gestarum seriem vobis legendam offerimus. Legite & alta mente reponite consilia, quae Calum Oratore Angelo, & Terra, partium humanarum Patrona Virgine, pro communi mortalium emolumento inuit. Suspiciate Venerabundi profusam Calitum beneuolentiam, quam prodigioso planè amoris inuento, & inaudita amicitiae necessitudine pro Comitii prolixè sunt testati. Tantum boni, rebus humanis optant, donantq, quantum illi cupere possunt, nos capere non possumus. Exhausto diuinarum opum arario ad reparandas Generis Nostri collapsas fortunas, & redimenda maxima debitorum nomina; tandem ipsum

*quoq; Numen, Deum Ter Optimum Maximum, perenni Sacramento, immortalis iure, commodis nostris addixerunt.*

## Panegyris Allegorica

De B. MARIA Virgine ab Angelo salutata.

**C**omitia Regni Polorum, cælitum atq; mortalium Concilium, in quo fortunata inauguratione, in Reginam Dominamq; vniuersi, Imperatoria non minus genere quàm virtute Virgo est electa, decreta orbis publica salus, composita perpetuo foedere summorum Principum amicitia, exactus terris, humani nominis infensissimus hostis; comitia inquam, auspice è coelis Magno Oratore feliciter inchoata, feliciore negotiorum tractatione continuata felicissimo mutui partium aduersarum consensus epilogo conclusa; in Nazareth, regia initi Deum inter & Hominem, connubij sede, nominatissima à florum Verisq; gratijs Metropoli celebrata, festiua hodie recohimus veneramurq; memoria. Auditores.

Multis retro sæculis, quin ab ipsis Orbis conditi incunabulis, magnus hic Comitiorum dies, consultantium sæculorum conuentus, diuini humaniq; senatus consultū expectabatur. Oppressa misera seruitute regna, liberi nominis expetebant vindicias; collata diuinæ nobilitatis iura, restaurari oblitteratam tanti stemmatis petebant imaginem: omnia demum quæ o'im sancita polos inter atq; terras steterunt, firmari sacro hocce comitiorum consulto exoptabant. Adest polis submissus Nuntius, cælestis consilij & negotiorum baiulus, diuini connubij paranymphus,



phus, cui, cælū terris conciliandi, & concordī cælitū voto,  
 Virginē, imperij vtriusq; Principem deligendi, integerrima  
 concessa est potestas. Ingreditur Nazareth altissimis con-  
 silijs destinatam comitiorum urbem, ipsā sui nominis glo-  
 riā, toto florentissimam orbe. Meritò amānam florum  
 patriam dixero, in qua, decoctus humanæ nobilitatis flos,  
 iterum à pluuio gratis cælo reffloruit: meritò urbium om-  
 nium caput, & Dominam apellauero, in qua, Regiam  
 primò fixit sedem DEVS, in terris hospes: meritò Mar-  
 tium Bellonæ campum, in quo, calcibus foeminæ pro-  
 tritus est hostis, qui superbo ausu, manum in caput ge-  
 neris humani extulerat: meritò Regale coronati Princi-  
 pis solium, in quo primū cœpit apparere publico & mor-  
 talium sensibus vsurpari, nemini hætenus spectata Maie-  
 stas. Et iam Polorum Caduceator, Orator Diuinissimæ  
 Triados, & Legatus commissa orditur proponere in Co-  
 mitiis negotia. Fortunato vt ominor, exordio, quod au-  
 spicatur à salute & gratia. Procul hinc dissidentium parti-  
 um studia, personata bono publico priuatorum emolu-  
 menta, procul factionum monstra, versipellium ingenio-  
 rum partus, è Stygijs antris euocata consilia, fraudum  
 mendaciorumq; adorata oracula. Gratia comitiorum  
 Præses, & Primas est, firmum vinculum animorum, con-  
 cordiæ conciliatrix, amorum nutrimentum amicitiae pa-  
 rens, bonorum omnium communicatrix. Nullus hic odij  
 dissidijq; locus esse potest, quem plenitudo gratiæ præoc-  
 cupauit: vbi pleno pectore, Cælitum fauores, humana-  
 rum partium Patrona, Virgo collegit: nullus euentus  
 commune bonum priuatis commodis; vbi de regnorum  
 omnium

omnium atq; adeo orbis vniuersi vitæ, consulitur: nullus  
 speciosis factionum consilijs; vbi immortali decreto, à se-  
 culis fixa stat publicæ salutis sententia. Quoniam verò  
 optima comitiorum ratio est, altissimo concedere arcano,  
 consilia; ne si publicâ circumferantur aurâ, & per omni-  
 um ora volitent, ad longas, & ad aliena vsq; regna expor-  
 rectas, hostium externorumq; aures deueniant; igitur pau-  
 cissimorum quoq; stant consilijs inita comitia. Quemad-  
 modum enim vt augusta moles assurgat, alta humo defo-  
 ditur basis; ita consiliorum momenta, quibus publicæ rei  
 cardo vertitur, & tota ciuium salus innititur, profunda  
 firmare deliberatione & altissimo occultare silentio opor-  
 tet. Facile subruitur machina, quæ aperto superstat solo:  
 facile conuelluntur consilia, senatusq; consulta quæ popu-  
 laris auræ permittuntur arbitrio. Principem vitæ sedem  
 cor, è quo in cætera, viuendi vigor propagatur, multis vn-  
 diq; fibris, & occultis permeantium spirituum flexibus,  
 natura implicuit. Adeo latentibus omnino consilijs, vi-  
 tæ beneficium, in vniuersam corporis humani rempubli-  
 cam, natura dispensat! Qui igitur in ciuili regnorum cor-  
 pore, media summis, infima medijs, domestica pace vult  
 cohærere; qui firma valetudine vigere corporis artus, ritè  
 recteq; statim fungi munijs; qui Principem regni partem,  
 Caput, optat serenum: perspicaces in periculis commo-  
 disq; prospiciendis oculos, impavidum ad discrimina pe-  
 etus, promptas ad confligendum manus, stabiles paresq;  
 ferendo patriæ oneri, subditorum pedes; is profecto sana  
 Procerum consilia ignotis vulgo comitijs, ceu latentibus  
 venis, spirituum vitæq; vigorem ad animandos fouendosq;  
 Reipub.



Reipub. artus dispenſet eſt neceſſe. Ita cūm exanime iaceret à lethali vulnere mortale genus, vitæ beatioris ſenſu, ac nobilium gratiæ functionum officijs deſtitutum; occultiſſimo nulliq; mortalium cognito conſilio, magno ſcilicet & à ſæculis in D E O abſcondito Sacramento effectum eſt, vt diuini vigor Spiritus ad vniuerſos exanimis corporis artus reduceretur. Eluſa deniq; eſt arcano hoc conſultandi genere, hoſtium exſpectatio: quorū iurata vota erant, quacūq; poſſent fraude & conatu, Cælitum atq; mortalium interturbare amicitiam; impedire priſtinæ ſortem felicitatis, & omni adlaborare operâ, ne collapſa ſempiterno cum dedecore generis noſtri propago, auito reſtitueretur honori. Fefellit inſolentem hoſtium ſpem, cōſilium altiſſimo ſemper conditum ſilentio: nec ante publicâ vulgatum famâ, quàm mutuo diuinarum humanarūq; partium conſenſu pro comitijs eſſet confirmatum, & irreuocabili ſtabilitum ſententia; ne vllâ tumultuantium aut refractariorum licentiâ infringi poſſet aut labefactari. Periculofa ſcilicet & penè fatalis conſiliorum peſtis eſt, ſana Procerum ſenſa, æquo librata examine, & ad communis boni rationes, longa deliberatione expenſa, arbitrarie populi licentiæ permittere. Hoc enimuerò eſt excuſſo nauis clauo, amoto nauigationis moderatore, nauim expanſis volitantem velis, fluctibus & ſcopulis committere. Hoc enimuerò eſt furenti inter bellica clafſica equo laxare habenas, vt militem inter medios hoſtium cuneos mortiq; fauces inferat. Hoc demum eſt poſtquam maximo labore ſublimia erexeris vrbium moenia & arcium præſidia, cuniculis ſub terram deſoſſis momento vno, omnia

in auras explodere. Ita planè honorū omnium luctu acci-  
dere posset, si quæ pro aris & focis, pro capite & fortu-  
nis vniuersorum, optimi Reipub. Ciues, sinceri Patria Pa-  
tres decernerent, effrenata cuiuspiam licentiâ, ceu subor-  
natis clanculum cuniculis in tumultum abirent. Quantò  
melius Diuina Regni Polorum comitia, paucorum con-  
credita fuerunt pectori? in quo suam quæq; pars salutem,  
tutò iussa est ponere. Quemadmodum olim confœdera-  
ti in paterno pectore, infelices filij; vniis arbitrio, in per-  
niciem consensimus; ita meliore sorte in Virginis incor-  
ruptæ voluntate, quæ sine fraude, sine dolo, sine priuatæ  
utilitatis studio omnium complectebatur commoda, no-  
stram securè deposuimus sententiam; vt illâ nutui Cælitū  
obtemperante, nos alienæ referremus præmia obedientiæ,  
illâ in perpetua pacis fœdera annuente, nos DE O iun-  
geremur; illâ humanæ cum diuina natura connubium  
adpromittente, nos nouo gratiæ partu filij adoptaremur;  
illâ communi suffragio in Reginam hominum cælitumq;  
adscitâ, nos in partem regni admitteremur socij; illa ter-  
ris, cælisq; imperante, nos misera seruitute redempti, sub  
eius præsidio tuti viueremus. Tanti est paucorum sincero  
pectori publica comittere consilia! Tanti est, quæ o-  
mnibus oportet esse communia, non diuulgare omnibus!  
quæ olim arbitro orbe & ipsis collaudantibus hostibus  
probabuntur, populari non proclamare sententia. Neq;  
hâc inutilior altera illa rectæ consultationis ratio est, eiuf-  
modi Moderatorem deliberantium circulis præficere, pe-  
ries quem & consilia regendi illustri sit prudentia, & con-  
ficiendis regnorum comitijs apta indoles magnorumq;  
sectator



19  
sectator animus, & deniq; complanandis altercantiū partium studijs non impar autoritas. Multum nimirū refert qua prudentia & moderatione Præsidis, aduersæ partium dissertationes confligant, quàm sincero studio consiliorum Moderator in publicam feratur vtilitatē, quanta vi gratiaq; polleat in disceptantium animos, quàm scitè dextre q; sinistras in Rempub: mentes ad recti amorem possit flectere, quàm præsentī deniq; auxilio tumultuantium animos & efrænnatas corrupta libertate voces componere. Quemadmodum enim humano jure sublimius quidpiam est, valere in liberas mentes imperio, nè beatissimū illud sentire quod velis, affini dissolutæ licentiæ vitio, contaminetur; ne uē amplissimum illud Reipub: theatrum, regnatricis eloquentiæ forum, ac quædam veluti ingeniorum Academia [regnorū Comitā intelligo] in duellā animorum, & sententiarum, in odiorum bellorumq; officinā mutetur: ita qui tanti muneris provinciā maturā consulendi regendiq; consulentes prudentiā exæquauit, nā illum humanis celsiorē ingenijs, Angelicæ comparandū dignitati dixerō. Et certē talem eum decebat esse qui cæli terræq; difficillimis conciliandis dissidijs, Numinis suffragio lectus, mensuram tanti Nuntij impleret. Impleueritne verò polis submissus ad cæli terræq; comitiā Orator, illustri argumento est sæculis omnibus fastisque in seram vsq; posterorum memoriā commendata, susceptæ expeditionis & felicissimè exantlatæ Prouincia. Ardebat Orbis bellis & litibus? ille pacem intulit, Martioq; mense auspicatus pacis negotia, Martio nomen Martis ademit. Flectendus erat obstinatus castimonix Sacramento animus in prodigiosa Maternitatis assensum.

flexit animorum flexanimâ suadâ Orator disertissimus. Summa & Angelicis sublimiora mentibus Myſteria Diuinæ Metamorphoſeos erant explananda? explanauit. Liuinorum ſenſuum interpres facundiſſimus. Atq; vt omnia paucis complectar, eâ facundiâ legationis munere functus eſt, vt nullus Oratorum hætenus tam felici & ad rem ap- poſitâ dictionis Metaphorâ ſit uſus, quàm ille VERBUM feliciffima translatione è ſinu Patris in Virginis vterum, è cælis in terram, è Regali ſolio in animos noſtros inferuit. Iam quod attinet Auguſtiſſimæ Virginis in Reginam Polorum Populorumq; Dominam inaugurationem; ſummâ omniû lætitiâ votorumq; conſpiratione perfectâ eſt atq; conſummata. Neq; enim vllus in dubium vocare poterat, eam populis regendis admouendam, quæ Matris prærogatiuâ imperaret Numini; ſolio Reginam extollendam, cui domesticorum honorum cenſum, multis retro temporibus, Regnatricis Familia, in vicem ſuffragij ſuppeditabat; coronâ regni cæterisq; imperij inſignibus exornandam, cui à primis incunabilis tot Principum & Dynaſtarum venerabundo cultu ſubſternebantur diademata. An non ſupremo Imperatricis dignitatis honori erat admouenda? quæ inſolito ſubmiſſionis teſtimonio inter vilia ancillaris ſortis cognomenta, Reginæ nomina depoſuit. An non ad jura dicenda populis prouehenda? quæ iam prompto obſequio in Numinis nutus inclinauit ſententiam. Et quæ in Reginam alia legeretur Virgo, ſi non legeretur MARIA? quæ polorum ſiderumq; inſignia mereretur? ſi non mereretur illa, cuius plantas ſupplex adorat Cynthia, cuius corpori maiestatem vndiq; paludamenti loco  
impe-




imperatorium sydus explicat, cuius verticem bis sena  
cingunt coelestium gemmarum ornamenta. Quæ digna  
imperio, populis grata, coelis expetita, vniuersis Superum  
hominumq; ordinibus exoptata? si non grata, gratijs  
plena; si non digna, Deo proxima; si non exopta-  
ta, sæcolorum omnium desiderium, si non expetita, mor-  
taliū omnium asylum. Annon videbatur emersisse di-  
es, vt extrema ad festinationem vniuersalis ruinæ, pro-  
duceret, libertatem impulsu vltimæ seruitutis fatigaret,  
nutantem humanæ rei statum penitus conuelleret, nisi  
imperio supponeret socios humeros MARIA? Nihil ad  
pacis publicæ negotium poterant humanarum cognatio-  
num iura, nihil necessitudines familiarum, nihil vete-  
rum Patrum, Maiorumque longa merita, nisi Regia po-  
testate sublimis Virgo, noua admitteret humanæ diuinæq;  
cognitionis sædera. Infirma totius naturæ vincula erant,  
ad spem humanæ tranquillitatis; Supremi discriminis co-  
gitatio, perbreues ferias ab interitu persuadebat, nisi Vir-  
go ruentibus in præceps populis pectus in præsidium obi-  
jceret. In MARIAM igitur omnibus animi votis, sum-  
mi infimiq; feruntur ordines, hanc suam regnorumq;  
Principem esse volunt; non quod ipsa Imperij fortunâ  
egeat, cui hæreditaria in filio polorum sedes est; sed quod  
omnes altissimam terrarum pacem speremus sub Mariæ  
patrocinio. Ergo Augusta polorum soliq; Regina Vir-  
go, triumphalem sedem iam conscende, & dum auitâ  
Maiorū gloriâ, Tuâq; virtute sublimis inter acclamations  
oculosq; admirantium effulges solio, venerabundam ab  
vtraq; parte accipe gratulationem. Rege, Regna, Im-

pera, Princeps, Regina, Imperatrix, Coelitum, terrigenum, inferorumq; . Et quam in Te orbis vterq; communi suffragio personam deposuit, splendide miseris exhibe. Habes ad hoc collectum maxima gratiarum profusione comitatum, qui numero amplius, apparatu diues, insignis cultu. Tua stipat latera, exornat pectus, longe lateq; regiam ostentat Maiestatem. Video iam in confinia effusos coelitum exercitus, qui Te admirantur; video vndare illos syderum exultantium campos, nouâ insolitæ lucis pompâ concertantes. Video oppletas terrestris ordinis occursum vias ad Neo Reginæ honoris primitias exhibendas. Quaquaversum perges, subditorum vbiq; calcabis deuptam Tibi ditionem. Nulla non via latè ducto itinere, vestigia regijs plantis aperit : sed omnium patentissimum in Tuorum pectora habes ingressum. Dixi.

## EXPEDITIO ROMANA B. STANISLAI KOSTKA

### Allegorica Panegyri adumbrata.


 Ost relatas de stygio cane tergeminas victorias, post præclara, magnorum ausum in Austriaci orbis theatro, data specimina ; post calcata patris fratrisq; acerbissima odia : tandem ad triumphale trophæum, quod in Romanis collibus, Dux erexit Ignatius, iter apparat, Victor STANISLAVS. Auditores, Obtentâ nimirum in Austriacis campis victoriâ, ad Romanam atq; Impe-



Imperatoriam triumphantium arcem, cæli monitu, pro-  
vehitur. Ut toti spectanda orbi, celsissima victoris vir-  
tus effulgeat, Principis in orbe vrbs fastigio, tam decet  
attolli. Cum inferorum Duce, Cerberi furias menti-  
tum, ter acie exuisset; Romanæ inferorum victrici Petræ,  
victoriæ suæ trophæa insculpturus, Romam contendit.  
Verum siste Magnanime inferorum Victor Stanislae!  
In ipso victoriæ aditu, noua triumphanti incunda sunt  
prælia. Ut triumphalem benè gesti prælij lauream cæli  
voce Tibi destinata, Romæ occupa; iterum per bella  
perq, mille bellorum discrimina est eundum. Bello vi-  
ctoria occupanda est, nouoq; conflictu triumphus cele-  
brandus. Neq; iam domesticos inter lares, lectulo affi-  
xus, cum tricipite certabis Cerbero, sed totâ Germaniâ  
atq; Italiâ immensam aduersantium aciem sustinebis.  
Compara imperterritum ad instantem pugnam pectus &  
quo potissimum stratagemate, suprema belli alea sit ten-  
tanda, discute maturè. Quid agit Stanislaus, grauissi-  
mum belli molimen, auspicatò exorsurus? Ne difficilli-  
mæ expeditioni bellicæ, quæ in longa atq; peregrina  
regionum itinera est extrahenda, bellicus desit comme-  
atus accuratè annonâ sese præmunit Eucharisticâ. Quis  
fortissimum hunc iam superet Achillem? quem verius  
leonum medullis pastum dixerim, quando vincentem  
Iudæ leonem in militarem sumpsit alimoniam, quâ n fa-  
bulosum illum Chironis alumnum, leonino pastum pecto-  
re, veteres comminiscuntur Poëtæ. Ambulabit certè in  
fortitudine cibi huius, per terras peregrino sole calentes,  
contra hostium omnium incursus imparidus; cui leoni-

nus

nus cibus iste non modò militaris congiarij loco futurus est, sed Dux etiam viarum & militiæ Princeps. Quàm fortunato ausu, magnanimo pectore, in hostem mouebit Stanislaus, cui ad incundam pugnam cælitus alimonia submittitur? Et iam Bellonæ coelestis cœlorumq; Reginæ hortatu, vt militiæ Societatis IESV sese accingat, quasi classicum ad pugnam occinitur. Perge diuinissime Heros, cælitus ad prælium inaugurate! Si Polonæ non præuolant Aquilæ in augurium fortunati successus, habes è polis aduenas, candidissimos cygnos, Angelicos spiritus, qui cælico candore, cælestem Militiæ IESV Candidatum, non dubio omine præsagiunt. Ne dubites cœli auxilio, rem prosperè gerendam, quæ capta est non obscuro cœli consilio. Non fallunt sequaces ad Imperia animos, Cælitum promissa. Tàm felicem esse licet, quàm placet esse obsequiosum. Non sunt auxilio præsidioq; inania, quæ veniunt ab astris consilia. Video Auditores; hodie etiamnum, quod multis retro annis accidit, ingenioso pictorum calamo, iconi Herois nostri, turrium quæpiam præsidia, & Angelicas copias cælestem comœtatum secum deuehentes, passim adstrui. Num hæc ipsa suppetiarum cælitus submissarum monumenta, ad immortalem posterorum memoriam consignata crediderim? an fortè familiarem D. STANISLAI cum cælitibus consuetudinem, tàm arcta ligatam Societate, vt eidem mensæ cum Angelis accumbat, & eodem quo vescuntur alimento Angeli, alatur Angelorum amicissimus & intimus Stanislaus? Quicquid piæ commentationis, non minùs ingenioso quàm sincero pictorij operis monumento lubesse possit,



possit, integerrimam deuotis animis facio sentiendi potestatem. Hoc luculenta fide palam asserere ausim, perturrium illa adumbrata præsidia & cælestes phalanges, diuinâ instructas annonâ. Castra Herois nostri, indubio effigiari testimonio. Familiare est gnaris militiæ Ducibus, bellica consilia, alto celare silentio, aut e mentitâ ad fraudem facie ita colorare, vt incautum & ad alia intentum hostem inopino ludant stratagemate. Sic magnis ab Austria Heroibus Belgijque Principibus, teste Historicorum cultissimo Strada, sæpe desperata, ad votum tamen cecidit belli alea, dum rei gerendæ seriem lectissimis, & quos longa Sacramenti militaris fides probasset, concredebant. Ita vnus ille Græcorum & Orbis Magnus Alexander, etsi plurimos numeraret copiarum Duces, teste Curtio, paucissimos tamen censebat bellici Senatus consiliarios. Nullis enim patent domesticorum fraudibus consilia, quæ ex arcano prodeunt; & insperato Ducis iussu, diuturna rimandi otia præcidunt. Ad genium & cellam Heroum indolem factus Beatus Stanislaus, vt susceptæ expeditionis arcana latebris inuolueret, lacernâ mendicabuli tectus, prodijt in campum. Quis hoc cultu in hostem mouere crederet? quis sub vili amiculo, regium Codri stratagema suspicaretur? Latet inopiæ apparatu securus, quem ne sol quidem, luce meridiana insequentium oculis potuit detegere. Ita paupere induti lacernâ, virtutem publico æquè ac periculo eximimus. At fucato vestium splendore illustres, facile in prædam spectatores vocamus oculos. Pergit graui vanitatis pondere deposito, exauthoratus seculi miles; vt qui contra fe-

roces Orci impetns pugnam edixerat, nudus cum nudis  
 luctam ineat. Nihil enim maligni spiritus, docente Ma-  
 gno Gregorio, proprium in hoc seculo possident. Qui  
 ergo contra laruatas stygis furias ad certamen properabat;  
 meritò terrena omnia, tanquam corporis indumenta ab-  
 iecit, ne succumberet; Pergit inauguratus ab astris, sacrae  
 Militiae Candidatus, prouocante, quæ in pectore glisce-  
 bat, virtute; ardentibus flagrantis animi desiderijs, ceu  
 euibratis in hostem ignibus, anhelante atque in æthera  
 subnixo spiritu, ceu ignitis excussis iaculis. Et iam è lon-  
 ginq̃uo Romana Ignatij Castra, flagrantissimis desiderijs  
 ceu arcta obsidione vndiq̃; cingit. Assurgunt interim  
 aduersa acie, contra obsidionem erecta, alta rupium ca-  
 cumina, infirmo & malè stabili vix superanda vestigio.  
 Verùm non fallit, Stanislaum rupes scandentem, vesti-  
 gium, qui nunquam reuocando gradu, virtutis tenebat tra-  
 mitem. Non terret illum, vix oculis metienda, cacumi-  
 num altitudo, qui æthere tunc altior incedebat. Non  
 retrahunt anfractuum & mille flexuum mæandri, quem  
 securum de recto tramite reddebat viarum angustia. Nul-  
 lo nimirum itinere rectius ad virtutum ardua contendi-  
 mus quàm angustissimo. Licentiosa immoderati animi  
 spatia, confinia sunt vitiorum, virtutumq̃; præcipitia. Vt  
 magnis passibus ad virtutis metam eluctemur, licentiam  
 in deuia exerrandi, angusto tramite iubet circumscribere  
 Philosophus Romanus. Minus enim periculi est, ubi mi-  
 nus est libertatis. Qui molli dextera effusum in pericu-  
 la animum tractat, præcipiti impetu agit in ruinam. Vix  
 feruæ minaces & arcta Moderatorum imperia quandoq̃;  
 valent



valent, vbi spatiosa inualuit in scelera, licentia. Viarum igitur & mille difficultatum angustijs, ceu regio virtutis tramite circumseptus Stanislaus, securò passu, immensum gloriæ calcabat iter. Artubus defessus, sed infractus virtute; robore infirmus, sed ipsa robustus infirmitate: stabat sexcentos inter casus, animo supra mortalia caducaque omnia erectus, nec, si fractus illaberetur orbis, opprimendus ruinâ. Ea scilicet est comparati non modò ad pugnam, verùm etiã obstinati adprehendendâ victoriam animi vis, vt (quod solenne Annibalis dictum fuisse memorat Liuius) non ante campo excedat, quàm aut viuâ obtineat palmam dextrâ, aut inexpugnabili immoriatur ferro. Et verò nullo circumstantium à fronte tergo atq; latere, hostium impetu, tenax coepti animus, suam elidi patiebatur constantiam. Urgebat indefesso conatu, grauissimæ expeditionis molem, & victricia per Austriam & Germaniam castra, sensim Romanæ obsidioni propiùs admovebat. Difficillima & penè desperata putabatur deditio; partim quod ingens belli tempestas è Polonia timeretur, si Stanislaus ad Ignatij castra, pateret aditus; partim quòd aduersas difficultatum copias non crederetur constanti impetu perrupturus. At nihil intentatum reliquit Stanislaus; quod videbatur ad eorum animos expugnandos facere, penes quos nôrat residere dedendi potestatem: Quoniam verò belli genus erat eiusmodi, quod virtutè non armis, animo non dextera, firma in virtutem voluntate, non stricto in hostem ferro gerebatur: innumeras lectissimasq; Virtutum copias, quibus obstacula omnia atq; impedimenta perrumperet, per-

vniuersam Germaniam atq; Italiam circumduxit. Et quid solida longoq; exercitata discrimine virtus, non possit expugnare? Diuino quodam robore valet in arbitratu nostros, teste Paterculo, quos cum nulla minarum aut opum vis flexerit, nutu suo triumphat virtus. Suspendi, differri imperium illius potest, sed eludi & elidi non potest. Premi, periclitari, fluctuare quandoq; solet; sed opprimi, succumbere, naufragari, mergi potest nunquam. Venit tandem hora, quâ sub triumphatricis fascēs, prospera atq; aduersa omnia suas submitunt acies. Atq; hoc sinceræ virtutis robore succinctus Stanislaus, facile vniuersum prosperæ & aduersæ fortunæ, exercitum profligauit. Cuniculorum vice, quos euertendis turrium mœniumq; machinis, militaris supplantat industria, Stanislaus profundissima submissione & seruilibus obsequijs, [ quæ immortali venerabitur memoria Dilinga, ] machinas difficultatum omnium, ceu opposita votis suis mœnia, ex ipsis planè fundamentis disturbauit atq; inexpectato triumpho in auras displosit. Instantissimis adeundæ Societatis desiderijs, nullâ vnquam fractis repulsâ, quasi validissimis balistis contra repagula omnia arietabat; donec tandem arctissima hacce, rogandi, instandi, vrgēdiq; obsidione, eò Moderatorum animos flexit, vt Romanam dederent stationem, atq; militandi in castris Ignatij copiam facerent. Quis tum Stanislai animus, quæ animi lætitia, qui lætantis triumphi plaususq; fuerint, difficile est oratione complecti. Iple suas non capiebat vices, neq; satis poterat animum explere gaudio, quod tandem aliquando, post tot discrimina rerum, tandem in tuto se  
locas



locasset. Ingens gaudiorum vis est, tunc potissimum, ubi longo conflictu laceffita virtus, victrix aciem tenuerit. Ex æquo ferme, gaudiorum malorumq, diuisi sunt sensus: vt quo acrior animum exstimulauerit ærumnarum perpeffio hōc sublimior vulnere medeatur felicitas. Sed ecce ferreos torques & vincula, ferreus in filium Patrens, minacibus intentat literis, ni Religiosa decedat statione, recens inauthoratus Ignatij miles. Verū ferro potius firmat militare pectus, quā emolliat ad defectionē. Maius Religioso pectori à seruilibus ferri vinculis auctoramentum, affore existimat, quā mutuari se credat, à collecto tot sæculis, domestico splendorum censu. Stabit ille super victrice Romana Inferorum Petra immotus; neq; vllis ferreorum compedum terriculamentis à statione demoueri poterit, donec ad aureos præmiorum torques, in Cœleste Beatorum Capitolum, eius ope assumatur, cuius hortatu difficillimam hanc suscepit finiuitq; expeditionem.

*Oblata fuit hæc Panegyris Sodalitati B. MARIÆ Virginis anno 1669 Brunsbergæ: sequenti Prefatione.*

**E**Xpeditionem Romanam, Illustris à Natalibus & Virtute Herois, Vobis presento, qui in sublimi fortune fastigio positus, ad vestigia Religiosa sortis calcato sæculo sese demissit. Sodales MARIANI Precipitantis fortuna casus est, in sublime elatum, inopino subruī motu, at libero virtutis passu, honorum apices calcare, id demum Principem & ad alta natam sapit indolem. Facile est gratiæ presidio attolli, difficile firmam labentis gratiæ tenere stationem, at difficillimum, cum secunda possis gaudere sorte, contemnere ex alto virtutis genio, fortune celsitudinem. Ea præditum indole, celsaq;

30  
 planè virtutis genio, D. STANISLAVM, testatur  
 suscepta & feliciter exantlata, renitentibus domesticis, Roma-  
 na Expeditio. Prensabant ambabus manibus, magnum il-  
 lustrissima domus decus Fortuna & Honor; & quàm subli-  
 mi essent repositura sorte, tantorum decorum Hæredem; magnis  
 lætabant uniuersa Familia promissis. Sed in religiosa feli-  
 citatis conditione, non humano, oculo intentus STANISLAVS,  
 IGNATIUS Lacernâ orbem triumphare maluit, quàm auribus  
 Kostkarum splendoribus, ad pauca temporum momenta efful-  
 gere, ac demùm in communi mortalium omnium puluere euane-  
 scere. Admittite tanta virtutis fastigia, venerabundo cul-  
 tui gratoq; animo Sodales Parthenij; quæ ego Oratorij calami ob-  
 sequio in immortalem tanti Herois memoriam, & vestram ad  
 virtutis amorem, accendendam emulationem adumbravi. Si  
 ad tantam celsitudinem humilis non satis assurrexit calamus,  
 vos pietatis vestrae in Diuum amplitudine, dictionis tenui-  
 tatem supplete.

Magnum & à Seculis absconditum in DEO  
 Sacramentũ, seu intima DEVM inter & hominẽ Amicitia  
 IN ARCA FOEDERIS

VIRGINE DEIPARA, Angelo Caduceatore, conclusa,  
 & Breui Oratione, exposita.

Anno à conclusa Cœlum inter & Terram Amicitia 1667.  
 Octauo Kal. Aprilis, Brünopoli.

NON sub diuerso cœlo nata ingenia mutuis possent  
 coalescere affectibus, doctissimæ olim dispu-  
 tarunt Athenæ, Præsides & Magno Magistro  
 Solone. Auditores. Sua & magna rationum  
 momenta, negantibus; sua quoq; & potiora  
 fuerunt



fuerunt asserentibus. Illi parem morum cultum, patrij cognitionem sanguinis, communem dicendi & degendi consuetudinem, à diuersis astris trahi non posse contendebant, & quia non possent, nullum mutux necessitudinis vinculum vnquam futurum statuebant: hi ampliora amicitix iura, liberiores amoris & animorum affectus opponerant, quàm vt patrij soli sinu duntaxat arctarentur. Feruebant doctissimæ lites, sapientum ingenijs & alternantibus disputantium sententijs animatæ: donec vno Solonis ore, ceu ipsius Spientix oraculo, patrios sinus amantium, affectata exanimaretur opinio. Stetit igitur Athenarum tanquam orbis vniuersi iudicio; nullo gentium aut syderum ambitu, circumscripta esse amicitix Sacramenta. Non astra, non astrorum Principem, libero amantium arbitratui dominari, sed potius si sapientum amores sint, ipsis etiam imperaturos syderibus.

Sincero, an sinistro fortè affectu, Græcorum Lycea concluserint, nostra & superiora nostris sæcula necdum deciderunt. Hoc viris sincerè in causa amicitix sentientibus; potissimum autem, eloquentix Parenti, Magnoq; amicitix Mecænati Lelio, indubitatum est, orbis totius amplitudinem angustam esse amantium affectibus. Nulla hîc iura dici posse ab astris, nulla à corporum temperamento, nulla à morû patrijq; ritus dissidijs; quò minùs animis iungantur, quos terræ spatia, populares ritus, siderû diuersitas distraxerunt. Verùm vtrum mortalis amicitix iura, Superiorû necessitudini coæquanda sint, nondû Athenis & è Sapientum Athenæis thesis prodijt. Laborauit super hoc argumento orbis Theologicus & altitudine veritatis fessus, recubuit

recubuit solius fidei fultus præsidio. Myſterium omnibus altius eſt ingenijs, nulli etiam ſubtiliſſimorum Spirituum perſpicaciæ cognitū, à ſæculis abſconditum in Deo. Scilicet amores humanos ad diuini pectoris faſtigia poſſe per-  
tingere, & eo quidem pertingere auſu, vt in mutua mor-  
talis carnis vincula Deūm pertrahant. Pertraxit tamen  
victor inuicti pectoris amor, & Maieſtatem ſæculis aſtriſq;  
dominantē, pulueri noſtro miſcuit nexu amiciffimo. Sub-  
ſcripſimus ſanguine noſtro tantæ amicitiae, quam etiam  
calamus Scribæ velociter ſcribentis ad perennem initi fæ-  
deris memoriam in Arca fœderis Deipara Virgine con-  
ſignauit. Quid dicam? Amicorum legibus exorbitarunt  
iura amicitiae? violata ſunt æterna animorum fœdera?  
quando diſpare cultu, immenſis diſtractos interuallis, na-  
turâ ipſâ diſſitos, amor in arctiſſimæ coniunctionis vincula  
compegit? Minimè. Quid poſſit Dominator vniuerſorū  
amor, quid vis amantium valeat, nouo hoc amicitiae pro-  
totypo didicimus. Effracta ſunt, fateor, obſiſtentis na-  
turæ repagula, emoliti rerum diuerſiſſimarum obices, cel-  
ſiſſima inſimis ceſſerunt, inſima celſiſſimis ſunt æquata,  
puluis gemmæ inſtar, diuino inſedit diademati, mortali-  
tas æternitati ſe miſcuit, corpus è limbo compactum, an-  
gelica ſuperuectum eſt ſolia. Quid ergo? Peſſum iue-  
runt ſancita amicitiae? Quod nimirum iurata odia, inti-  
mis amoribus ſunt ſtabilia? Minimè. Triumphat Supe-  
ros, & ferreas naturæ leges perrupit aureus amor. Nul-  
lam huic amicitiae legem ſtatuat Sophocles, non iura mu-  
tuae beneuolentiae alleget Lælius, non boni communionem  
Regiæ amicitiae inſtitutor Ariſtoteles, non ſanguinis, pa-  
triae,



triæ, consuetudinis vincula, requirat in Lelij dissertationibus, Romani & vniuersi orbis Orator Tullius. Omnibus enim communis amicitia legibus hæc amicitia est soluta, sed omnibus amoris numeris est absolutissima. Sint sanè naturæ interuallis, fortunæ fastigio, honorum censu, opum ornamentis, maximè dispares: limo & puluere progenitus homo, sæculorum & naturæ author Deus: at amoris ingeniosissima indole, nobile hoc & ignobile, par & impar naturarum; ita coniunctum est, vt quod amicitiaë amplitudinem superare videtur, amplissimas amoris sine lege leges nequaquam superet. Colisit antiquitatis & sapientiæ oraculum Pythagoras, disparia pretio & indole metalla; argento ferrum, nobili ignobile, pretiosum vili commisit. Tantum tamen abest, vt sorte dissimilia, naturis dissita, dignitate imparia aduersos gignerent sonos: vt potius in argenti amicitia suam mutaret indolè ferrum, & ab argenti coniunctione, ferrum resonaret argento. Discrepat humile vocis murmur, à concinnis & sublimè petentibus modulis: tantum tamen abest, vt dissonis discrepent vocibus, vt potius nil hæc concordie vocum discordia sit gratius, nil hac discordie concinentium concordia sit iucundius. Laborat Musurgorum Schola in scita concentus gratia, sed nullos auribus vnquam fauentiores dedit modulos, quam ab ipsa dissidentium vocum cōtentione & vniformis toni odio petitos.

Sic ad ima vsq; Tartara descendat licet, vox auita, quæ rauco à pomo gutture prodijt: at si amoris cythara, è sublimi montis fastigio resonet, si nouus à polo Apollo septenis concinat Patri vocibus, totus utiq; è canentis ore orbis pendebit attonitus. Sic ferream licet induerit

indolem, obſtinatum aſtris peſtus mortale, at candidi ſu-  
 auitate metalli reſonabit, vbi dilecto illi, qui non mo-  
 dò totus candidus eſt, ſed ipſe etiam lucis æternæ candor,  
 fuerit coniunctum. Verùm enimverò duorum com-  
 plexu animorum, amicus amor totam explet amandi ne-  
 ceſſitudinem; quomodò verò, ſi hominum, quorum im-  
 menſus propè eſt numerus, familiare ambiat ſtudium,  
 quomodo inquam in tantæ turbæ diſſidijs, vnanime men-  
 tium & ſtudiorum coaleſcet vinculum? Quomodo ab-  
 euntibus in diuerſa animis, delicatus amoris nexus non  
 rumpetur? Iurauerant in perpetua iura amicitix, Pilades  
 & Oreſtes, ſed duorum numero, totam amoris ſphæram  
 definiuerant. Subſcripſerant æternis amandi legibus,  
 animo & ſanguine Caſtor & Pollux, ſed tertij nomina  
 perenni odio eiurauerant. Iungebatur Æneæ fidus A-  
 chates, ſed bina tantùm peſtora, amica iunxerat fides.  
 Deſicit vel ampliffimum aquis flumen, ſi innumeris diui-  
 datur riuulis. Deſicit latè ſparſum incendium, ſi ſudes di-  
 uidas ſingulas. Deſciunt etiam regiæ cum robore opes,  
 vbi numerofior Principum ſoboles, paterna imperia in  
 partes diſtinxerit. Multitudine & numero, rerum pretia  
 decreſcunt, & ipſa vileſcerent diademata, ſi augerentur.  
 Aurum ferro, pari pretio æquaretur, niſi illud raritas, hoc  
 copia diſtingueret. Sparſus igitur per tot peſtora, amo-  
 ris igniculus, quomodo non in ipſa deſiciat copia, & in  
 tanto non minuatur numero? Circumſcripti amoris hoc  
 argumentum eſt non inualidum; at contra ambientem  
 cæli terræq; ſpatia, valet nihil. Neq; omnibus iungi, vt  
 omnes amicitix ſenſu fruantur, eſt necelle: iungatur vni  
 cate-



35  
cæterorum optimo, pulcherrimo, sapientissimo, animi & corporis dotibus ornatissimo, per quem reliqui amicitiaæ honore nobilitentur. Sic ab vno cœli Principe Sole lucem cætera astra capiunt, sic à radice vitam rami, à parentibus Filij nobile nomen, ab Oceano flumina hauriunt vndas. Quod si Spiritum corporis concretione liberimum, Deum dicas; ab homine verò cognosci nil posse nisi corporis interuentu: Quod si Deum altissimâ & remotissimâ cœlorum domo hospitantem, & luteas nostras despicientem casas obtendas: quod si Maiestatem & amorē non benè conuenire, nec in vna sede morari opponas, quod si amicorum omnia debere esse communia obijcias; nulla verò inter eos mutua officiorum & amorum posse esse studia, quorum alteri summa sit sapientia, alteri offusus caligine intellectus, illi inuicta nulliusq; opis indiga dextera, huic infirmum & puluere exiguo leuius robur, illi longè latèq; sequentium & latera stipantium clientum corona, huic nil præter seipsum suppetat, quin & ipse suus non sit, sed alterius totus. Quod si tales inter, tam dispares tam dissimiles, nullum posse esse animorum studium asseras, maximum & si nillimum ego aio futurū. Corpus enim assumat Deus, & similem nobis per omnia factum aduerter, nihilq; quod ad sinceræ amicitiaæ nomina spectet, desiderabis. Nam corpore indutus, & oculis cerni & datis vtrinq; dexteris ceu familiaris amicus noster saluari poterit. Sanguinis & sortis nostræ notâ insignitus, dedecori utiq; non ducet lutea corporis nostri ergastula. Totus ad amoris leges factus, utiq; metuedo Maiestatis nomine non terrebit amantes. Totum sese

liberalissimo pectore nobis impertitus, utiq; amicorum fa-  
 ciet omnia communia. Nihil igitur ex vniuersæ amici-  
 tiæ legibus afferri potest, quod corporis interuentu inge-  
 niosissimus Amor complanare non possit. Sed ecce cæ-  
 li Nuncius, Amoris diuini Caduceator Angelus, fæderis  
 ineundi de quo differimus, acturus negotium, Arcam fæ-  
 deris, Virginem cœlo terræq; charissimam conuenit. Tra-  
 ctatur agente pro terris Virgine, pro cœlis procurante  
 Angelo, de magno, ineffabili, incomprehensibili, Deum  
 inter & hominem ineundæ amicitiae Sacramento. A salu-  
 te, quæ amoris & amicitiae solet esse prodromus, nego-  
 tium contrahendæ necessitudinis auspicatur. Magnâ ver-  
 borum gratiâ quid aliud quàm beneuolentiam captat &  
 amicitiam? Tanta dicendi vi, tanto argumentorum pon-  
 dere disertus cœli Orator in rem nostram perorat, ut iam  
 commoueri ab eius sermone Virginis animus incipiat.  
 Stupet propositos cum Deo ineundæ amicitiae fauores,  
 & oblata tantæ necessitudinis vincula non respuit quidē,  
 sed ut magis prouocet amantem, indignam se summi Prin-  
 cipis cognatione censet. At da verbum, da dexteram pa-  
 cilcenti Deo, Virgo: supplicat en plantis tuis, quæ alstra  
 calcant, aduoluta Adæ progenies. Prospicit e cœlestis  
 Palatii limine Amicus amor, & auream amicitiae torquē  
 quā se tibi nobisq; deuinciat, tuo gestit iniicere collo.  
 Submitte humile diuinissimo vinculo caput, & Deum vte-  
 ro mancipa Virginali. Quid sit Auditores? Submittit An-  
 cilla vinculis caput, & Princeps ab ancilla vinculatur. Fit  
 Virgo Deipara, Deus homo, cælum terræ iungitur, ima  
 summis



summis neſtuntur. Concluditur in Arca ſœderis magnum & à ſæculis abſconditum in Deo, Amicitix Sacramentum.

## AQVILA à FVLGINE IMMVNIS

S E V

DEIPARA VIRGO, à Noxa Originali intacta;

Breui Panegyri celebrata.

Dicta in MARIANO Oratorio Hoſiani Collegij Brunsbergenſis Societatis Ieſu, Anno ſalutis humanæ 1669. Decemb. 15.

¶ Vm fatali Proto-parentum crimine, ceu inevitabili fulminis ictu, mortalium genus, occidimus; & vna duntaxat proſtrata ſtirpis, intaminata proles Virgo inter communes ruinas ſtetit inconcuſſa; quaſi Reginam volucrum Aquilam, ſolam cæteros inter alites, illæſum à triſulco irati Iouis fulmine ſeruafſe caput, ſuſpicimus & admiramur vniuerſi. Auditores. Fama eſt Pœtis diuulgata, Principem pennatarum animantium aquilam, Maximo illuſæ Antiquitatis Numini, tantâ fuiſſe obſtrictam amicitia, vt dum vindices ſclerum ignes, in cæterorum capita, iratus Iupiter vibraret, ſoli pepercerit Aquilæ: utpotè, quam, & incorruptæ familiaritatis prærogatiua, & imperatorij honoris nomina, communi jure poſtulabant immunem. Umbra hæc eſt, ( ſi vatum fide, luculentam licet adumbrare veritatem ) integerrimæ ab hæreditaria culpa Virginis. Quæ orbis cœlitumq; ſaſtigia, merito ſubmiſſionis ſuperuecta, & diuini conſors honoris;

E 3

ſuffra-

suffragante Maternæ dignitatis prærogatiua, adscita; tan-  
 quam Regina ætheris, æthereique dominatrix Imperij  
 Aquila, supra humana terrarum consortia, longissimo se-  
 se extulit interuallo. Excepimus nos interim, æterna  
 Labe & irreparabili damno lethalem fulminis aleam,  
 confœderati in rebelli Patris pectore Filij. Illa altiore  
 Numinis consilio & gratia, [quid enim supremo, nullisq;  
 legibus adstricto humanarum rerum Arbitro non lice-  
 at?] à communi mortalium concilio & conspiratione e-  
 xempta, non modò à decretorio fulminis telo fuit intacta,  
 verùm etiam à tetro grassantis flammæ odore ne leuiter  
 afflata. Quod dum ego sincero erga immaculatum in-  
 tegerrimæ Virginis ortum obsequio, planum vobis face-  
 re, exili dictione contendo: Vos sub grandis argumen-  
 ti dignitate fatiscentem dictionem, pietatis & beneuolen-  
 tiæ, in Matrem purissimam studio subleuate. Nolo hic  
 memoriâ relegere, dulce illud in tenui malum, malorum  
 certè omnium pessimum inq; paruo licet, maximum: à  
 quo tam fertilem, copiosamq; in communem interitum  
 materiem, vindex cœlum collegit; vt, quot nostrum o-  
 mnium sternendis ceruicibus satis forent fulmina, abundè  
 ultore solis iustitiæ radio inde excoxerit. Nolo etiam  
 stygium illum fulminis auiti fabrum, Tænariorum Magi-  
 strum Cyclopum, Vulcanum, Enceladumue, retexere;  
 quem ingenioso commento, ob præcipitem ab astris rui-  
 nam, grauitè pede saucium cecinerunt Pœtæ: an ideo for-  
 san serpentem, ab orco prodijisse ad technas eudendi ful-  
 minis, cum male sanis non posset pedibus? vel potius pe-  
 ctori innixum serpsisse, vt toto corde illum in mortalium  
 perni-



perniciem grassari constaret? Nolo deniq; terribilem illum totoq; orbe reboantem excussi fulminis fragorem, consternatis mentibus iterum reuocare. Nam tinnit adhuc in omnium auribus atq; animis, repercussi à refractario posterorum pectore, echo fulminis, minis longè latèque in sera vsq; tempora intentatis. Hoc tantùm ex unanimi orthodoxi orbis sententia & diuino summi Antistitis Oraculo assero sentioq; , Virginem illibatam, cæteris omnibus ad cædentis ictum fulminis exterritis atq; corruentibus, solam gratiæ præseruantis adminiculo ceu alarum remigio, pericula omnia superuectam, ibi sedem fixisse vbi tum mortalibus sedes nulla erat. Ardebat rebellis orbis, vindice communis sceleris incendio, & graueolente pestiferæ exhalationis odore, quem contagiosa pomi lues diffundebat, omnem circum afflabat regionem. Sola terris sublimior, consortio criminis & supplicij exempta Virgo, tetrum grassantis in omnes flammæ odorem, nec corpore nec animo sensit lenissimè. Verum est nec diffiteor. Comuni mortalium carne fuit prægnata, generis humani socia & hæres, indiuiduo necessitudinis & cognationis vinculo, omnibus nobis obstricta, Sed voluntate saniore & diuinarum partium studio discrepabat ab omnibus. Neq; eadem semper est stirpis & virtutis necessitas. Sæpè obscuris natalibus, illustris prodijt animus. Sæpè angustis Laribus, augusta virtus imperatorijs fascibus est adlecta. Ramis duntaxat ineuitabilem patriæ stirpis virtutem, natura posuit, vt degenerare non liceat à primæua radice indole, quæ vel amarum vel dulcem surculis transcribit gènum. Alia longè multumq; dispar  
 obti-

obtigit Partheniæ menti, diuinæ puritatis capacissimæ ;  
 ortûs felicitas ; vt nimirum è spinis prodiret rosa, è tene-  
 bris lux splenderet, è terra sentibus & tribulis obnoxia,  
 innocua Vitæ Arbor pullularet. At quomodo carnis ne-  
 cessitudine, parentibus noxa vetere corruptis ptoxima Vir-  
 go, à grassante sine discrimine in omnes telo, non fuit cor-  
 repta ? Typum rei formo, vos lineamenta notate. Erexe-  
 rat nos, altissimi montis instar, ellatus atq; rebellis contra  
 coelitum imperia animus, & cæca dominandi libidine ab-  
 reptus, etiam fasces diuinos insana captabat ambitione :  
 Diceres [ quod ingeniosi de Gigantæo fastu commini-  
 scuntur Pœtæ ] machinas machinis montesq; montibus  
 ab humana temeritate superstrui, vt ad Diuinitatis fastigia  
 execrando ausu eluctaretur. Aberat tum procul ( ita æ-  
 terna Coelitum sententia sanxerat ) ab ambitioso, perduel-  
 li, refractario fastus aususq; nostri consilio, religiosissima  
 diuini nutus obseruatrici Virgo. Dumq; nos refractarias  
 in venenato pomi epulo mentes ceu montes gigātos cōtra  
 sidera, siderumq; Princeps Numen erigeremus ; illa humi-  
 lis vallis fastigia, profunda animi demissione tenebat. Er-  
 go dum vindex mortalium arrogantiae Deus, trifurca quæ  
 ipsi euderamus fulmina, è nubibus excuteret, quidni al-  
 tos ferirent fulmina montes ? Illa verò cū studio submis-  
 si animi ab ambitioso Diuini Nominis consilio procul se  
 distraxisset, procul quoq; à vindice humanæ temeritatis  
 fulmine aberat. Ita verum est illud. Procul à Ioue,  
 procul à fulmine. Vt vt igitur paterna maternaq; ortûs  
 lege nobis fuit cognata, noxæ tamen societate non fuit  
 contaminata. Neq; mirum cuiquam videri debet, filiam  
 super-



superstitem extitisse, dum Mater extingueretur fulmine; immunem à telo seruata prolem, dum communi incendio inuoluerentur parentes. Contigit id quidem raro diuinioris consilij prodigio, sed quod alias non infrequenti naturæ euentu accidere, Meteorologis est indubitatum. Sic valida fulminæ flammæ vis, teste Naturalium peritissimo Plinio, non semel ferreos enses liquauit, innoxia enim thecâ. Sic non rarò in cineres vertit quercina, cæteraq; id genus durissima liquorum receptacula, etiam ferreis circum-solidata munimentis, nullâ interim liquoribus illatâ iniuriâ. Sic quandoq; defæuij in alterum, quin alteri proximum corripere. Fuit hæc altissima Imperatricis alitum omnium Aquilæ prærogatiua, quæ tonante in perduelle hominum genus coelo, nubes iaculi fulminei latibulum, perniciosissimo gratiæ volatu superuecta, in Sole candoris & puritatis fede, tabernaculum posuerat. Mens est arcanioris naturæ peritorum, Lauro eam immunitatem, naturæ dono obuuisse, vt ceu publica victoriæ tessera, etiam contra excandescens coeli fulmina, illæsa triumphet. Ita Tiberium Cæsarem teste Suetonio, Lauro caput induisse accepimus, vt qui hostium tela, ferro armatus non timebat, lauro munitus, etiam coeli minas non expauesceret. Nobis ea laureæ ferendæ prærogatiua iam olim erepta est, dum turpissima clade victi, in alto paradisi otio occubuimus. Extulit victricia hæc laureati verticis insignia, triumpharix stygij serpentis Aquila: quibus coronata, sereno vultu, immanes illas fulminantis coeli tempestates sustinebat. Iam verò quis cætera imperatorij huius Alitis amplissima decora, virtutum le-

Altissima ornamenta, gratiarum donorumq; maxima prodigia, oratione recensere, nedum celebrare valeat? Quis niueum pennarum candorem, il libatæ inquam virginitatis insignia; quis acutissimum oculorum obtutum, exporrectam aio ad altissima Diuinitatis mysteria, mentis aciem; quis perniciosissimam volandi vim, expeditissimam intelligo intellectûs indolem, dicendo, non dico, laudando, complecti possit? Videtis vt irretorto oculo in meridiano solis fulgore hæreat suspensa? hæc MARIÆ primo ortus sui momento, in ardentissimos Numinis amores defixæ species est. Videtis vt rerum humanarum fastigio altior, inter sidera sedem figat? hæc Deiparæ recens natæ prima fuerunt incunabula. Videtis vt expansis alis; quâ Oriens atq; Occidens patent, omnem latè subiectam regionem contegat? hæc Virginis immaculatè conceptæ, amplissima toto orbe est gloria. Videtis vt grandis hæc magnarû alarû aquila plena plumis & varietate, medullâ Cedri ferat eamq; transportet in terram Chanaan? Hæc DEIPARÆ Deû coelo ad humanæ consortia naturæ detrahentis, il libata est castimonia. Videtis deniq; vt circumfusæ populorum turbæ, Reginam ætheris, Imperatricem cælorum, terrarum Dominam, flexo vbiq; adorent poplite? hæc vnanimis & publica Orbis orthodoxi erga Virginem illibatam est veneratio. Quæ cum ita sint, assurge iam in plausus & gaudia, prostrata olim vindicæ auiti criminis fulmine, moesta posteritas. Erige quo potes conatu, iterum in bella, fractas paterno crimine vires. Prima licet belli alea infausto ceciderit euentu, iam sub auspicijs triumphatricis de tortuoso colubro Aquilæ, des-  
 rare



43


rare de victoria non potes. Victoriæ prælagæ & præ-  
 nuntia est Aquila. Hæc auspiciatò affulgente, Romanos  
 rerum dominos gentemq; togatam, ad imperij & victo-  
 riarum fastigia gradum fecisse, scribente Liuius accepimus.  
 Hac auspice Marianus Imperator & Basilus Macedo te-  
 ste Zonara, ad supremos Regiæ fortunæ apices aspirarunt;  
 quorum alter soli expositus, dum ab Aquilæ aduolantis  
 vmbra est tectus, in vmbra Regiam serenitatem, & in So-  
 le regium solium non vanè est ominatus; alter ab impe-  
 ratoria auct etiamnum in fascijs salutatus, paulò post in im-  
 perij fascibus Imperator est adoratus. Nos sub vmbra  
 Partheniæ Aquilæ longè latèq; expansa; & indubitata cō-  
 tra hostes præfidia, & certa exoptatæ victoriæ trophæa,  
 multò luculentiorè possumus sperare argumento. Ar-  
 ma circumspicimus? dabit Aquila armigera Tonantis.  
 Classicum expectamus? iam in altum subleuata, non de-  
 generes prouocat pullos; iam tubæ instar elangit, litto-  
 ra voce replens sub utroq; iacentia Phæbo. Versipellis  
 illius colubri technas & robur pertimescimus? Hac Duce  
 & Auspice rebelles septemcipitis Laruæ cernices teremus.  
 Victoriæ ominatrix aquila est, cuius fauore & auspicio, su-  
 perba illa terræ monstra iam olim vindice Iouis fulmine ce-  
 ciderunt. Tibi verò Augustæ salutis publicæ Matri, Trium-  
 phatrici tortuosæ hydræ Aquilæ, ob signa furiasq; Tenarias,  
 fatali imperio inter illibatas ortus primitias, pressas & op-  
 pressas, Stygius Draco sub Virgineis p'antis in perpetuos  
 sternatur triumphos. Vna demum exististi, Dominatrix  
 cælitum terrigenumq; Virgo, cui ludus esset ille, qui o-  
 manibus ludit, velut tesseriis, delusor orbis serpens. Ce-

cidit tantæ Emulæ Alitis impar, olim sæculorū pauor, nunc  
vnius in illibato tuo ortu momenti ludibrium; Si tamen  
ille habuit, quò vltteriùs in vltimo Orci sinu prolabe-  
retur. Stetisti in rebeli Draconis stygij capite, Viatrix,  
cuius plantis nunquam grauius, credo, aliàs sensit onus.  
Habes infra te, quidquid vniuersas gentes populosq; su-  
pra esse videbatur. Quod si quoq; deuota illibato tuo  
Nomini pectora, triumphalibus tuis plantis subiecta esse  
pateris (quod omnium nostrum vota vnice efflagitant)  
nunquam nos altiore reponi fastigio censebimus, quàm si  
sub plantis tuis infimos vltimosq; Clientes, recenseas.

## Allegorica Panegyris de VIRGINE DEIPARA ab Angelo Salutata.

*Sub allegoria Aurora, Angelum; Solis, Verbum Incarnatum;  
Celi, MARIA M Virginem indicantis.*

Dicta In Oratorio Sodalitatis MARIANÆ, Brunopolitano.  
Anno à partu Virginco 1667. Martij 25.


 Rodromum solis, lucis Antesignanum, diei  
 primitias, coeli purpuram, Auroram nouam  
 & insolitam hodie prodijsse aduerto, dum  
 aureo circumfufum lumine Angelum, au-  
 gustum coeli Principem, Magnum ter Ma-  
 ximi Nuntium & Legatum, in cella vel coelo potius  
 MARIANO affulfsse contemplor. Auditores. Rubet  
 coeli MARIANI facies, pudore verecunda, ad Ange-  
 licæ confpectum Auroræ; rubet inquam roseo rubenti-  
 um genarum suffusa lumine Virgo, & auream exoptæ  
 diei



diei horam iam aduenisse, satis luculento rubentis Auroræ docet argumento. Procul auitæ calamitatis longæua nox, procul Maiorum lacrymæ, filiorum confusæ lamentis, iam foelix bonæ diei auspiciū; Ave, sub primum illucescentis Auroræ crepusculum insonuit; iam ad Auroræ ortum, pleni gratijs MARIANI rorant cœli, iam florida à coelesti rore Nazareth, vernantia hororum sidera explicat, rosarum gemmas protrudit, argentea liliorum decora parturit; atque inter tam pulchram florum coronam, florentisq; aulæ Maiestatem, ipsum florum Principem, è MARIANI cœli beneficio promittit. Suspiciate interim, dum Magnus cœli oculus Sol sese aperiat, nec stellæ diffugiant, suspiciate Virginei cœli longè latèq; se explicantem astrorum apparatus. Splendet nebulæ omnis expers, multa conspicuus luce, innumeris decorum distinctus ornamentis, Olympus MARIANVS. Fulgurant aurea virtutum sidera, gemmæ gratiarum scintillant, gratiosi diuinæ pulchritudinis ocelli, toto promicant æthere. Oculatissima, sine oculo, excubat sensuum custodia; vigilem cœli Phosphorum rectè dixeris. Sine æstu, flammescit Virgineæ decus pudicitæ; Booten brumâ ardentem meriritò putaueris. Lucet sine die, submissi splendor animi, Cinthiam noctu lucentem, non incongruè appellaueris. Coruscat serenum augustæ charitatis iubar, & nulli apparet; Solem nube velantem sua lumina bene credideris. Irradiat clarissimis virtutum gemmis, magni animi palatium & angustis Nazareti occultitur latus; cœlum caliginosa nocte obductum non immeritò

credideris. Magnum pulchritudinis & splendoris theatrum, in orbe, MARIA: sed adhuc sine publici & oculorum applausibus. Quamquam quid de orbis conscientia & oculorum applausu laboret, quæ in solius pectoris abdito, suæ virtutis crexit theatrum, actore animo, Deo spectatore. Sua sunt gemmis pretia, sunt pretiosis metallis congeniti splendores, etiam dum altis terræ visceribus conduntur. Vile & fucatum est, quod ab oculorum iudicio mendicamus pretium. Sui apparatûs conscientiam magnus Olympus MARIANVS, cur apparere ambiat, insincero & mille fucis corrupto publici oculo? Decrescunt rerum dignitates, & angusta fastigia suâ penè exuuntur magnitudine, ubi de minorum favore laborauerint. Veniet dies, qui clausum MARIANÆ virtutis theatrum aperiet, qui occultam Virginæ landis scenam deteget: quando nimirum ipse astorum Princeps, coeliqûe Imperator Phæbus, non alio sublimis fulgebit solio, quàm Virginis utero, MARIÆ sinu, coelo MARIANO. Tunc rectè factorum pulchritudo, sibi vni olim conscia, vniuersorum spectatores & encomiastas merebitur oculos, tum ingentes æquoris diuitiæ, exiguis inclusæ conchis, lucem publicam aspicient, tunc cæco terrarum specu abstrusæ auri opes, sub solis aspectum prodibunt, tunc Virginei splendor Olympi, nullâ insciæ noctis aut inuidæ nebulæ umbrâ obfuscabitur. Verùm miseret me tui, ô infelix Hæbrea tellus! hâc infelicior dicenda, quàm benigniori polo & faustioribus subiecta es syderibus. Hem! quàm altæ noctis tenebras, quàm rigidæ hyemis frigora tibi incum.



47

incumbere, est necesse: quæ ad sexcentas illustrissimi ætheris faces, apertis oculis vides nihil; cuius pietas, media inter coelestium ignium incendia, frigore emoritur. Ita planè Cimmerijs sepeliri tenebris orbis solet, dum stellantes gemmæ sua decora produnt clariùs. Ita gelidior terras solet stringere bruma, dum gemmei illi ignes ardent illustriùs. Nos Auditores, fausta poli MARIANI sidera tum respiciebant; nobis hoc cœlorum regnū appropinquabat, etiam dum multis distaremus seculis, & non modò toto aberraremus cœlo, sed ipsa quoque aberramus terrâ. Nobis aureum hunc cœli fornicem extruxit fabricator cœlorum Deus, ut protectrice MARIA securi viueremus. Nobis coeleste hoc paludamentum, ut pellem Deus extendit: ut quos tunicis pelliceis vestitos, paradiso excluderat, MARIÆ paludamento tectos, cœlo reciperet. Quemadmodum verò, toto orbe expansum cœli paludamentum, innumeris fulget stellarum ornamentis; ita multò pluribus ornata gratijs MARIAM cogitare fas est. Immensis propè interuallis, à terrarum complexu, coelestis ille orbis se distrahit, at celsior MARIÆ terras superuehens est altitudo. Coelestes illi astrorum cardines perenni motu se circumagunt; at celerior MARIÆ in virtutis stadio decurrentis vigor est. Altissima illa cœlorum regna, astris ceu oculis, montium & mentium fastus despiciunt; planetis ceu plantis, mortalia omnia subiiciunt; at altior Virginis, sublunaria omnia, ipsamque lunam calcantis est sublimitas. Cui amabo MARIANVM hoc cœlorum regnum assimilabo? exiguo sinapis grano?

no? orbe toto maius est. Thesauri diuitijs? possidet illum, in quo thesauri omnes sapientiæ & scientiæ Dei sunt absconditi. Virginum pudicitia? Angelicos spiritus castimoniæ integritate longè antecellit. Regijs nuptijs? Diuinam humanæ naturam æterno iunxit connubio. Pretiosis negotianti margaritis? plures hominum cum Deo vniones gratiæ opibus pretiosissimas protulit quam cælum numeret stellas, terra & pontus habeat margaritas. Iacienti bonum in agros semen? tulit sine semine granum, florem sine germine, sine plantula vitæ arborem. Sagenæ missæ in mare? ex MARIÆ genealogia piscariam nexuit ac deduxit lineam Deus, teste D. Petro Dam. lineæ Diuinum Verbum quasi hamum per incarnationem adstrinxit, hamo autem MARIANAM carnem, velut escam innexuit; vt leuiathan illectus ad carnem, ferrum Diuini Numinis sublentiret, homines verò quasi pisces maris, diuino hoc capti pabulo, ex abyssi profundo ad litus æternæ felicitatis extraherentur. O cælum nominibus omnibus pulcherrimum, nullo non laudis argumento ornatissimum! Si duodena illa Principum fiderum ornamenta requiras, explicat regiam duodecim stellarum coronam. Si motrices cœlorum Intelligentias desideres, affulsit magni baiulus consilij Angelus, atque vt in salutis publicæ vota MARIANVS verteretur Olympus, eadem motrice laboratum est intelligentiâ. Si vmbra, si placidos spirantis auræ Zephyros anheles, iam is cælum aspirauit & obumbravit spiritus, qui leni blandientis auræ sibilo fessa recreat pectora, & languentes laborum æstu animos



animos, diuini vmbra fauoris refocillat. Sed iam ab vmbra ad imminentis diei lucem nos excitat prominentis Phœbi oculus. Iam

*vigil nitido patefecit ab ortu*

*Purpureas Aurora fores, & plena rosarum*

*Atria; diffugiunt stelle, quarum agmina cogit*

*Lucifer, & cali statione nouissimus exit.*

Affulsit tandem post diuturnæ atq; inueteratæ calamitatis noctem, diei exoptatæ diuinissimum iubar, orbis inferi & superi amoenissimus oculus, Maximum cœli MARIANI sidus & siderum omnium Princeps Sol DEVS. Affulsit inquam, sed Maiestatis splendorem, ne caligantes orbis oculos perstringat, temperaturus, sub Virgineam candidamque se recepit nubem. Clauditur magnus cœli terræque oculus, angustis latebris, inferitur exiguo annulo Sol, septuaginta elegantiarum gemmâ pulchrior, hæret vteri latere abditum lumen, quod nullæ possunt occulere tenebræ; delitescit mortalitatis nostræ cinere coopertus ignis, quem in terram venit mittere Virgineam Sol igne amoris flagrantissimus. Iam verò ingressus cursus sui stadium, quàm celeri motu Iudææ montana Sol noster supergreditur, vt noctem illam auiti criminis dispellat. Prospicit inter materni vteri nebulas Phosphorus diei Ioannes, & solis præsentiam imminere sentiens, celeri prosilit motu, abeundum minori sideri ratus, vbi maius illuxit. Muneris sui memor vt solem præcurrat Phosphorus, ad currendam viam exultat. Pingitur gestientis vultûs gratiâ sterilis terra Elisabeth, & florum fructu antè arida, gratiosissimum,

quin ipsam florum gratiam Ioannem parturit. Resonat  
 suavis calorū concentus, qui olim Iobo fuit auditus, &  
 alternantibus lætantis terræ choris, Vox clamantis in no-  
 ua prorumpit gaudia. Non latet sub opaca nube Sol no-  
 ster, etsi appareat nemini. Vultus Maiestatem lucisq; ra-  
 dios abscondit, sed radiorum vice spargit beneficia. Cœ-  
 lo affixus, aurum optimum in sterilibus terræ visceribus ex-  
 coquit & à congenitæ labis scoria perpurgat. Agit hoc  
 in sterili Elisabetha solo, quod posthac in pleno sentibus &  
 tribulis orbe est acturus. Prorumpet non multò post,  
 prorumpet in publicum Sol noster, & meridianam lucem  
 media nocte faciet splendescere. Tum primam vitæ no-  
 stræ diem ante diem auspicabimur, tum noctem sine nocte  
 agemus lætissimam, tum Aurorâ Angelis, Sole Christo,  
 cœlo MARIÂ, renascentis orbis natalem celebrabimus,

## Oratio In Laudem S. CATHARINÆ

*Quinquaginta Philosophis & Maximino Imperatore  
 triumphantis.*

**I**mbelle Philosophorum fuisse ingenium est ne-  
 cesse, quod tenellæ Virgini victas cessit acies,  
 Quamquam nunquam nobiliorem retulistis sa-  
 pientiæ palmam ô Philosophi, quam dum in-  
 fœcitæ notam, flammis corpori vestro inussit Ma-  
 ximinus! Pulchrum erat dedecus, gloriola labe,  
 doctissima ignorantia, Fæminæ vni esse imparem dispu-  
 tando; quæ, quibus sauciabat telis vestra ingenia, iisdem  
 insanas curabat mentes. Habent hoc orthodoxæ sapi-  
 entię



entiae spicula, ut quorum victa prosternunt ingenia, animos ad veritatem euehant victores. Nullis nimirum in Christianae veritatis praelio datur victoria, nisi victis. nulli triumphare conceditur, nisi subiugato: qui armis & castris passus est se exui; qui ex acie profligatus, captiva in fidei obsequium colla, ultro submisit. Sed videte magni certaminis inuictam Amazonem D. Catharinam. Videte immaturam aetatem in virtute adulta; imbellem pectus martijs generosius Heroibus. Videte Ducem sine armis armatam; sine Castris & exercitu, magna virtutum agmina explicantem; videte innuniteris munitam contra Maximinum praesidijs; & solam. Rara pugnae species, peregrina militandi ratio, inuisa castrorum facies; ubi contra irae ferociam mite pugnabit ingenium, contra speciosam turpitudinem intem perata dimicabit pudicitia; contra errorum noctem veritatis splendor decertabit. Non hanc mitis animi aciem noleat Maximinus, quem impotens mentis furor, in meridiana veritatis luce excaecavit. Non hoc illibati pudoris robur superabit enervatus Caesar, quem insana voluptatum libido ante pugnam prostravit. Non haec sapientiae spicula versutus observabit Philosophus, quem caeca Deorum idola, Cymerijs involuerunt tenebris. Deligat furoris sui theatrum Alexandriam, furibundus Imperator; explicet amentiae suae castra toto orientis imperio; accersat publico edicto, vniuersam ad Deorum sacrificia Aegyptum: tota haec Caesaris furoris scena, in victoriam mitissimae Virgini aperitur. Bene conditoris gloriam celeberrimam Alexandriam, pugnae designat, non alia e-

nim vrbs tantæ Virgînis nomini suffectura erat, cuius virtutum amplitudo, non vrbs unius, sed orbis totius spatia exæquat. Confluat huc artifex fabularum Oriens, vt festam errorum noctem celebret: dabit meliorem diem pientissima veri Numinis Cultrix D. Catharina, facietque inaudito stratagematis prodigio, vt caliginosus errorum Oriens occidat, & occidens orthodoxa veritas oriatur. Felices incorruptæ sapientiæ Philosophos! quos sine partu pariet pudicissima Virgo; cùm illos antè non tam in lucem quàm tenebras, sæcunda errorum Mater Ægyptus edidisset. At frustra nomini suo ostendendo Alexandriam aperit Maximinus, quàm prudentiùs clausisset suæ occultandæ ignomiæ. Et optaret ille quidem suo cinere, & incineratæ Alexandriæ tumulo tantum sepeliri claudiq; scelus; nisi victrices Virgînis lauri è fœcundo illo candidi roris imbre, perpetuò renascerentur, non modò ad immortalem Virgînis gloriam conseruandam, verùm etiam ad perennem Tyranni immanitatem contestandam. Prospicit ex alta obliuione inglorius tenebrio, sola celebris immanitate, & in pompam triumphatricis nostræ rediuius, sub triumphata delitescit purpura. Quemadmodum deformes larvæ & horrida visu monstra, pulchra spectacula solent exornare, ita quauis larvâ monstroque fœdior Maximinus, scenam Virginei triumphi sua condecorat turpitudine. Adest Virgineæ pugnae, copiosa sacrificantium multitudine cinctus; inter omnes quæ immolabantur animantium victimas, ipse solus immanissima bellua. Adest aureo sublimis solio, sed animi superbia, toruoque arroganter supercilio



lio magis elatus. Frontem impudens & seuera exasperavit Maestas, oculos non minùs inflammatus furor, quàm insanus libidinis æstus accendit. circumstat insolenti strepitu armis instructum satellitium, fremit supersticiosa Mystarum cohors, omnes dispari studio & officio tenentur, sed pari omnes furore in Catharinæ exitium conspirant. Adest quoq; præuiso certamini impavida Herois, sola virtute contra sexcentos furoris, amorisq; insani impetus munita. configunt vtrinque diversissima hostium agmina. Bellona nostra superstitiosas aras, sacrilegis contaminatas victimis redarguit, sacros honores delubris exhibitos detestatur, ipsumque Maximinum tanquam summum inter tot scelera scelus imperterrita execratur. Alio stratagemate vtendum ratus Cæsar improbissimus: iras intra blanda vultûs lenocinia abscondit. Vt Marti Virgineo, acerrimo impetu se opponat, opponit nullo; maximas se exerturum vires, contra illibatum pectus opinans, si aut omnes contineat, aut exerat minimas. Quos igitur ad Religiosam severitatem obtutus virgo pijsimè atrox composuerat, & ad castigandam scelesti Principis impietatem vibrauerat: ille amœnis & fallacem blanditiam ementitis oculis reprimebat. Quos hæc asperos monitus iaciebat, ille sermone blandissimo retundebat. Quæ foedi sceleris vituperia, Virgo in scelestum vibrabat, ille encomio venustissimi corporis in Virginem refringebat. Certabatur vtrinque acri telorum agmine, sed acerrimè certabat Maximinus, quia blandissimè. Cecidere tamen irrito conatu, acerrima Tyrani sine acrimonia lenocinia:

tantumq; vanus potuit sine viribus amor, quantum len-  
 nis imperium in leonis valet magnanimum pectus. Ni-  
 hil totius orientis Regna, imbellis foeminae pectus fle-  
 stebant, quam ad coelorum sceptrum Deus destinauerat: nihil  
 ingentes opum thesauri, totaque Imperatoris opulentia  
 vano auri fulgore oculos sapientissimae Virginis perstrin-  
 gebant, utpote quibus mixtus cineri splendor luce me-  
 ridiana clarius apparebat. Nihil deniq; Caesarei gloria  
 diadematis, augusti magnificentia solij, inconcussam pul-  
 sabant mentem; quae totam orbis vastitatem puncto vno  
 definiuerat. Maius ac amplius Catharinae pectus erat,  
 quam ut Orbis totius imperia illud explerent. Altiora  
 fastigia occupauerat, celsissima Virginis virtus, quam  
 ut humi repentes Tyranni blanditiae eo pertingerent.  
 Perstitit illa ceu rupes Marpesia, ad omnes impotentis-  
 simi hostis assultus; neq; quicquam illibatum integritatis  
 decus corrupit olitor. Quemadmodum tot amnes, tan-  
 tum supernae deicetorum imbrium, tanta medicamentorum  
 vis fontium non mutant saporem maris, nec remittunt  
 quidem: ita aduersarum impetus voluptatum, non ver-  
 tunt magnae mentis cogitationes. Habet nimirum id  
 adulta animi virtus, ut si diuturna cum blando hoste ri-  
 xa ferueat, callum per iniurias obducatur; ne vnquam a pes-  
 simo bono emolliatur. Quanta verò voluptati quan-  
 toque gaudio superis immortalibus censetis fuisse, collu-  
 stantis Virginis cum impio Tyranno palastram. Fu-  
 it procul dubio tam rarum in orbe spectaculum, quod  
 in admirationem etiam empyreos Spiritus coelis euoca-  
 uit. Gratum Principum oculis scenam aperit, qui in-  
 trepi-



trepidus irruentem terram venabulo excepit; qui inter-  
 ritus Leonis incursum pertulit. tantòq; spectaculum est  
 gratius, quantò id nobilior fecit. Sed non sunt ista  
 humanæ leuitatis oblectamenta, quæ possint ter Maxi-  
 mi Numinis vultum in se vertere. Ecce spectaculum  
 dignum (Romanus olim dixerat sapiens) ad quod re-  
 spiciat intentus operi suo Deus. Ecce par Deo dignum  
 Animus fortis cum blanda fortuna compositus. Non  
 video, quid habeat in terris Conditor coelorum pulchri-  
 us, dum conuertit in mortales mentem: quàm vt spe-  
 ctet animum nostrum, siue inter publicas Orbis ruinas  
 erectum, siue inter euanescentis illecebras voluptatis, im-  
 motum. Stetit inuictissima Bellona nostra contra con-  
 tagiosas lenocinantis Tyranni blanditias, inconcussa;  
 stetit altissimo orbe altior, dum oblatos Imperij fasces  
 contemptu calcauit; stetit augustis superior capitibus,  
 dum fastuosa Maximini diademata minimi aestimauit.  
 Cecidit verò tenellæ Virgini impar Tyrannus, virgi-  
 nei decoris telo necdum intentato faucius. Neque mo-  
 dò ad Virginei Martis victoriam satis erat semel trium-  
 phatum cecidisse hostem; bis victus est, qui semel dun-  
 taxat pugnavit. Tanta hostis erat ignauia! tanta dimi-  
 cantis Virginis fortitudo! occubuit primùm vilis illa Ca-  
 saris anima, non ferro hostiliq; dextera; sed vt in Ma-  
 ximino maximam disceremus vecordiam, à flore Virgi-  
 nei vultus occubuit. Quanta Maximini qui Imperia  
 vincere debuerat infirmitas! quando imbellis formæ flo-  
 sculus, omnes Imperatorij pectoris vires elisit. Occu-  
 buit deinde proprio oculorum vulnere turpiter faucius,  
 quibus

quibus dum alienæ prædator inhiat virtuti, suam ipse e-  
 necat. Quanquam quæ virtus reperiri poterat apud  
 eum, qui Orientem sceleribus impleuerat, totoque nisu  
 in id vnum incumbibat, vt turpe facinus de Imperato-  
 re triumpharet. Huc eius munificæ spectabant opum  
 pollicitationes, huc Cyprij ignes vesano collucentes pe-  
 ctore, vt patrando crimini nefariam præferrent facem.  
 Sed frustra blando certamine, Virginis animum Tyran-  
 nus experitur, quem ad duriorē luctam ferrum euo-  
 cat. Frustra blandientis fortunæ risu, eius virtutem pe-  
 riclitatur, quæ rotarum & ignium pericula, sereno ri-  
 debit vultu. Ignaua ingenia, felicitatis intemperantiæ  
 subiacent: at calamitates terroresque mortalium, subiun-  
 gum mittere, hoc magni pectoris proprium est, hæc  
 Catharinæ genuina virtus. Pudet congrēdi cum hoste  
 vinci parato. Qui enim sine periculo vincitur, vinci-  
 tur sine gloria. Ignominiam Athleta reputat, cum in-  
 feriore componi. Languida indoles & in somnum itu-  
 ra, aut in vigiliam somno simillimam, inertibus neſti-  
 tur elementis: generosi spiritus duriorē fato opus habent.  
 Fortissima igitur calamitatum agmina, rotarum flam-  
 mæque aciem, Catharina sibi parem adſciſcit. Et iam  
 è cœco carceris antro educta prodit; non alio quàm  
 licitorum comitatu stipata. Sat tamen contra ferri flam-  
 mæq; vires munita, dum virtutum longè lateque ſtipan-  
 tium agmine cingitur. Quanquam neq; in profundis-  
 ſimi antri tenebris, à publico Catharina aberat: non e-  
 nim poterat latere, quæ in ſuæ virtutis ſpectaculum, Cœ-  
 litum oculos conuerterat. Sed iam licitorum turbam,  
 inma-



immanium Satellitum phalanges; Tyrannus enocet, iubet tormenta, cruces, rogos, instrui; expediat virgarum fasces, boum nenios; & à lacertosissimis hominibus, dirissima immanitate, toto corpore laceretur innocua Virgo: donec hiante passim cute, partim sanguine omnibus manet artubus, partim teterrimo spectaculo lineascat: plus Catharinæ virtus perferre quam Tyranni ferocia inferre potest. Corpora quidem exiguo concidunt vulnere, & magnarum virium molem etiam humana dextera impellit: at in alto latet spiritus, nec utiq; ferro erui potest. Non timet impresso vulnere sua explorari præcordia virtus, dum sincero hospitatur animo. Tota vrbs suis penè eutusa sedibus, in tantæ Virginis admiratione defixa obstupeleat, sola suam non miratur Catharina fortitudinem, quæ non peregrina, sed domestica semper in eius pectore versabatur. Quid verò impie Tyranne à maxima crudelitate dicte Maximine, quid iam agas? nondum Virginis integritatem, inuictam animi constantiam aduertis? nondum tuæ victtricem amentix pronus veneraris? tanta est (proh dolor!) obstinatio in flagitio mentis cœcitas, tanta vindictæ capiendæ auiditas, ut pari audeat certare robore cum solidissima virtute. Plenus ergo amentix immanissimus latro, Virginem lictorum securibus iubet ceruicem subijcere. Exporrigit illa impavidum collum gladio, lictor candidam ferro prosternit ceruicem, auellitur proh immane facinus, à Virgineo corpore innocuum caput. Non poterat tanta tam magna anima nisi magno exire vulnere. Impariam & angustum corporis spatium, cum eius ma-

50  
gnitudinem amplius non caperet, violentâ ad æternitatem viâ erupit. O felicem Virgineæ mentis exitum! non poterat illa meliore ostio stellatam illam adire Patriam, quàm lacteâ effusi roris semitâ. Agite iam quotquot integerrimæ Virginis Cultores adestis, quotquot veræ sapientiæ Magistram ambitis Clientes; discite lenocinantis fortunæ amicos temnere fauores, discite pro virtutis præmio, vitæ pretium liberali offerre pectore, discite non molle Partheniæ virtutis esse documentum.

Quinquaginta Philosophis & Martyribus,  
à D. CATHARINA Philosophorum Principe & Magistra, re-  
ctè Ratiocinandi Scientiam, edoctis, atq; inter trium-  
phales ignes, dum publica doctrinæ specimina  
ederent, ad immortalem Philosophiæ  
& Martyrij Lauream,  
euectis.

*Breue sed perenne sua Venerationis monumentum ponunt  
Brunopolitani Peripatetici.*

A N N O M D C L X I X.

**D**iuiniorem Philosophiam in Vobis de Vobis tri-  
umphantem Laureis vestris inscribimus, Diui  
Philosophi & Martyres. Nolebat aliorum patro-  
cinia ambire, princeps humanæ mentis scientia, quàm qui  
augustos Orbis vertices, Maximinos, victrice triumphas-  
sent sapientiâ. Habet enim hoc sapientiæ dignitas, te-  
ste Romano Philosopho, ut superbos dominantium fa-  
stus



Aus præterueta, Philosophantium honori duntaxat as-  
 surgat: neq; alijs suas inclinet lauros, quàm quos supra  
 populi fastigia, Ratio erexit. Neq; enim illa, utpote  
 fastigijs rerum humanarum altior, ementito splendori,  
 aut vanis à magno nomine Numinibus sese vnquam sub-  
 misit: sed si canente Claudiano, visa est victrices coelis  
 submittere laurus, ijs tantùm submitit, quos (iam olim  
 docente Græciæ & Antiquitatis Oraculo Solone) virtus  
 & scientia pari suffragio nobilitarunt. Non rapitur ni-  
 mirum Sapientum oculus, mixto pulueri splendore,  
 neque perstringitur rectæ rationis acies [ ut Traiano su-  
 us dicebat Panegyristes ] aureo Maiestatum Imperio.  
 Sublimior est Philosophi oculus, quàm ut quicquam cel-  
 si, inter humanas celsitudines miretur. Non si fractus  
 illabatur orbis, ruinam expauescet sapiens, multis retro  
 sæculis vaticinabatur Lyricus: nec, si confligentium po-  
 pulorum strage, regna intereant [ olim sapiens Philo-  
 sophabatur Seneca ] mutabit vultum, erecti animi vir.  
 Neque tamen sine prælijs aut viuit aut viget Rationale  
 studium. Vtut altissimo otio delectatur Philosophia,  
 nunquam pacem coluit sine armis. Decertare igitur  
 inter feruentes argumentantium conflictus assueta; quo-  
 rum patrocinia potius prensaret, quàm qui tanto pro  
 veritate feruebant certamine, ut illustris etiam flamma  
 coronaret disputantes. Indoles hæc erat dominantis in-  
 ter astra, coeli ignes, Sapientiæ: quæ flammarum instar  
 eluctatur in altum: neq; alibi sedem figere consuevit,  
 quàm vbi popularibus animis imperuium & ineluctabi-  
 le est fastigium! Quoties in arenam igitur prodit, Di-

Spuatatrix scientia, quò respiciat alio? quàm ubi facem, disputationi in triumphum præfert, victrix medios inter ignes Philosophia, scientiâ & virtute, quàm flammis illustrior. Admittite quocirca, Augusto Nomini vestro assurgentem venerabundo cultu Philosophiam, Cæsarum, igniumq; Victores Philosophi. Scimus spinarum & aculeorum cognomento, rationalem traduci facultatem, sed cum rolæ sitis, Virgineo satæ cruore, spinarum obsequia, in vicem custodiæ admittetis. Si verò victrices laurus vestras, tripudijs & plausibus celebrari dignamini, Organum & instrumentum est Logica, quam triumphis vestris celebrandis deuouemus. Si deniq; scientiarum altiorum clavis, communi suffragio audit Philosophia, Vestris manibus clauim hanc tradimus, vt scientiarum arcana, intimosq; diuinarum facultatū adyta nobis referetis.

**Aurum Carmeli Diuinis Eliæ ignibus à seculi scoria excoctum Lydioq; lapidi Christo, virtutibus & miraculis probatum.**

S E P

*Panegyris de S. Maria Magdalena de Pazzis Sacri Carmelitarum Ordinis Virgine Religiosissima.*

Ex nomine de Pazzis alluditur ad aurum in Hebræo.

**P**ost tot illibatæ castimonix decora, post tot infracta Martyrum inuictorumq; Heroumpectora, post tot Orthodoxæ Reipublicæ flummos Antistites, sacrosque Purpurati Senatus Patres, post innumeros non minis virtute



cute, quàm literis conspicuos Ascetas, quos Religiosissima Carmelitarum Familia magno rei Catholicæ emolumento orbi protulit; adhuc auita vetustissimi Ordinis virtus, tot sæculorum spatio non elanguit, inter iniquas temporum rerumque vices conflictata non succubuit, inter illabentium Regnorum ruinas non corruit, inter decumanas tumultuantis sæculi tempestates non est periclitata. Stetit inconcussa sacri montis moles, mentis Legisque primævæ semper duraturæ ceu gentilitia Carmelitarum tessera. Stetit præcellus Carmelus Religiosæ perfectionis vertice ad sidera usque exporrecto; intaminati nominis amplitudine famæque ambitu, terras omnes populosque longè lateque complexus, radicibus calcati fastus & protriti personati honoris, adeò altè in terram actis, ut nulla aduersantium vis eas conuellere, nulla licentioris vitæ insolentia labefactare, nulla iniquæ fortis iniuria potuerit perturbare. Dedit hætenus peramænum Carmeli solum ybere partu, vernantia florum sidera, candida Virginum lilia, purpuratas proprio cruore Martyrum rolas, dedit florum Principes, coronata sapientiæ & sanctitatis capita. Et iam ne quid opum ditissimo Carmelo aureoque monti deesse videretur, dedit post tot sæculorum interualla, raro naturæ prodigio, maximo coelorum fauore, vniuersi orbis solatio, Aurum donorum omnium facile primum, munerum omnium longè acceptissimum. Aurum inquam quod splendeat in aris, Diuûm exornet Basilicas, egenorum subleuet inopiam, collapsas reparet mortalium fortunas, Aurum, quod Superos flectat ad clementiam, coelitem fauores specioso

62  
mercetur pretio, quod publico Ecclesiæ ærario illatum,  
omnium commoda diuite censu exæquet. Verùm quod  
illud auri genus, quas tantas opes publico orbis bono  
natas, placandis superis, ditandisq; mortalibus suppare  
intelligitis? Aurum est Auditores, è Sacri Carmeli mon-  
tis visceribus erutum, diuinis Magni Patriarchæ & Prin-  
cipis Prophetarum Eliæ ignibus excoctum, artifice Spi-  
ritus Sancti gratia eleganter expolitum, Thaumaturgâ  
Sanctissimæ Triados dexterâ in absolutissimam sanctita-  
tis Ideam atq; pulcherrimam virtutum omnium Imagi-  
nem elaboratum. Aurum hoc optimum, non aliud quàm  
Sanctissimam iuxta ac Religiosissimam Virginem, Sacræ  
Carmelitarum Familiæ non degenerem à præcella Ma-  
iorum virtute filiam, D. MARIAM MAGDALENAM  
de Pazzis intelligo. Illam inquam quam publico ora-  
culo suffragantibus vnanimi voto Romanis Patribus, Ma-  
ximus Ecclesiæ Antistes Clemens Nonus exornandæ Cæ-  
litum coronæ, ceu pretiosum aurum inseruit; vt subli-  
miore fastigio tantum decus elatum, non modo illustrius  
terris irradiaret, verùm etiam aureo virtutum splendo-  
re coelos ipsos inauraret. Magnus auri splendor; quòd  
lucem possit addere astris, sed maior virtutis gloria, quòd  
inter acria difficultatum examina auream prius probaue-  
rit indolem, quàm dignum astris accenseretur. Septen-  
nis etiamnum Virguncula Diua Magdalena de Pazzis  
iam pauperum manibus munificam inferebat opem: di-  
ceres, iam tum auri indole præditam, quæ tam liberali  
genio inopum subleuabat egestatem. Nullus certè au-  
ri, potior vsus est, quàm dum liberali manu spargitur in-  
ter



83  
ter egenos. Etiam Diuum aris dicatam sacram sup-  
pellectilem distrahere fas est, dum pauperum datur vsti-  
bus. Alimenta potumq; quæ tenellæ ætati & infirmo ne-  
gabat corpori, pascendis potandisque addicebat egenis;  
dixerim non immeritò charitatis in proximum flammis  
æstuantem Magdalenam, in aurum potabile liquatam.  
Quàm facilè fuit dexteræ Numinis auream Magdalene  
indolem, à teneris & ab ipsis propè incunabulis ad om-  
nem virtutem fingere, quæ ceu fusile inter ignes aurum,  
nullo labore in omnem virtutis formam fundebatur.  
Aurum à congenitæ terræ labe quam scoriam dicunt, se-  
cernere est necesse; vt sinceram nobilis metalli indolem  
Lidio probet lapidi. Probauit non adulterinam aureæ  
virtutis indolem, Magdalena, quando amore in Deum  
succensa, à caducis vanisque sæculi rebus ceu scoria igno-  
bili ad Religiosæ vitæ institutum animum transtulit.  
Probauit inquam suam Lydio lapidi, Petræ Christo, non  
personatam amoris fidem, quam religioso votorum fœ-  
dere æternum stabiliiuit. Inhiabant auro huic, quod  
non modò generis splendor, sed natiuæ etiam for-  
mæ commendabat venustas, adblandientes procantium  
oculi, expetebatur ad illustria Principum connubia, vt  
ad seram vsque posterorum memoriam, Illustrissima Paz-  
ziorum nomina effulgerent. Promittebantur alta hono-  
rum fastigia magnis amplisque fulta opibus, vt è subli-  
miore loco corruscaret illustrius, & ultra natalis soli li-  
mites ad peregrinas vsq; exterasque terras Pazziani No-  
minis diffunderet gloriam. Flectebatur assiduus parentum  
precibus, & dum ad molles precum blanditias firmior

auri

auri vis obsisteret, quandoque minarum malleis, & flammis etiam, excandescantium furore cognatorum, ceu succensis in examinatória fornace paleis probabatur aurum. Sed ignibus Diuinis, & Artifice Spiritus Sancti operâ iam in religiosam sacri conubialis annuli formam cesserat, cui demum ceu aureo annulo, gemma septuaginta elegantiarum Christus, perenni votorum nexu est insertus. Delitescere maluit Magdalena inter religiosos parietes, quàm illustri effulgere connubio, & euanescentem propagati Nominis vmbra inter posterorum fastos emendicare. Tantum tamen abest, aurum Pazzianum Deo datum donatumque, priuatis hæsisse ignotum latebris, vt potius illustrissimum toto hodie effulserit orbe. Tantum abest religiosis claustris ad perennem obliuionem, Pazziorum nomina tunc fuisse sepulta, vt potius vel inde ad longè distitas & peregrino sole calentes terras emerferint. Coruscat Nobilissima Pazziorum Domus, multis Heroum, Comitum, Principum, Ducum, clara nominibus, fulget amplis meritorum & virtutum non vno in regio ornamentis; collustrauit Italiam, percrebuit Nominis tamâ per Imperium & Germaniam, impleuit Illustrissimis Heroibus, Præsulibus, Ducibus, Poloniam Lithuaniamque, alta vbiq; terrarum fixit gloriæ trophæa. Sed vna Magdalena de Pazzis cum delitescere vellet, cælo terræque, superis & mortalibus, sacra Pazziorum Nomina diuulgauit; cum tenebras quæreret, publicam prodiit in lucem, cum sanguine illustris videri nollet, Sancta toto orbe audiit. Magno quocirca splendoris auiti augmento accidit, vt prænobile hoc aurum à seculi

li scori



li scoriâ expurgatum Lydioque lapidi Christo probatum, Religiosis tantisper asseruaret, Laribus. Nullis certè opibus, auaræ mortalium manus magis insidiantur, quàm aureis. Prædonum audaciam irritat, qui aurum publico, sine custode, committit. Deprædari desiderat, qui thesaurum pulcè portat in via. Nullibi tutius aurum splendet, quàm dum delitescit in tenebris, ubi nativâ pulchritudinis conscientia securum, testes publici oculos & auaras manus non formidat. Expallefcit quandoq; & aurum, teste Cinico, sed magis timore insidiantium hostium, quàm deficientis argumento virtutis. Verum, quibus manijs quâue custodiâ Deo Sacratum, & diuino amore excoctum aurum seruatum creditis? Excubabat olim vigil ad Hesperidum hortos, terribilis visu, naribus ignem spirantibus, immanis toto corpore, formidabilis irâ Draco: qui cristâ linguisq; tribus præsignis, acutis dentibus horrendus, custos erat arboris aureæ. Sed non elusit ingeniosas insidiantis Iasonis fraudes, qui ubi excubantem belluam conspersit lethei gramine succi, verbaq; ter dixit placidos facientia somnos, quæ mare turbatum, quæ concita flumina sistunt, somnus in ignotos oculos tunc venit, & auro Heros Elonius potitur, spolioque superbo. Adeo nec ab inferis euocata monstra, terrent ab auri cupidine auaros mortalium animos! Tuiore præsidio aureæ de Pazzis opes sunt reconditæ, quando ad altissimum Carmeli montem Religiosa Virgo euecta, procul à rerum humanarum consortio, procul à seculi periculis, illibatæ Castimonix thesaurum extulit. Quæ hostium vis ad præcelsum Carmeli fastigium

eluctetur, quis dolus reconditas inibi auri opes depopuletur? Quas non stygiæ quidem draconis flammæ, sed igneus totus auriferi montis custos Elias, tutissimo præsidio seruauit illæsas, atq; ab humana auaritia intaminatas. Beatum tam vigili excubitore Carmelum, beatum tantarum opum custodiâ excubitorem! cuius à tot sæculorum spatio sollicitè omnem in partem excubantes oculos, necdum vis lethæa fatali somno consopiuir. Quod scelus sacrum hunc tentet adire montem, cuius Custos, vindices scelerum ignes, ad nutum, cælis euocat? Quod crimen in Sacrosancta Montis adita sese insinuet, vbi centum luminibus cinctum caput, & flammis formidabile pectus, velut ex altissima specula longè latèq; circumspicit. Securè igitur prænobile hoc aurum, Superis, religiosi foederis munificentia, donatum; in Carmelo ceu in Sacra noui foederis Arca est seruatum. Placent Superis aureæ Carmeli diuitiæ, quas sollicito sæpè explorant oculo & percrebra lustrant apparitione. Quanta auri fames! quæ antea mortalia cogebat pectora, modò etiam Superos ad sui amorem euocat. Quorsum enim panè quotidiana Cælitum præsentia? quorsum huc, illuc, vltro citroque commeantium sollicita inuisendi studia! nisi auro hoc Coelites quoque traherentur. Adeo vel Superum intaminatos animos, sancta potiundi huius auri incessit auaritia! Quanto verò aurum hoc, in sublimi Carmelitani Montis vertice repositum, cælesti circumfusum lumine resplendet? crediderim hæc Magdalenæ esse cælitus illapsa, diuina reuelationum lumina. Quemadmodum Imperatorium illud coeli sidus, dum in tersam  
auri



auri faciem flectit radios, natiuam magis accendit metalli lucem, & congenitos adauget splendores: ita dum fiderum Coelitumque Princeps Christus in tersissimam Magdalenæ mentem, omnis maculæ expertem, diuina vibrabat lumina; magis magisq; cælestem illum collustrabat animum, & ad altissima maximaque diuinorum sensuum eleuabat Sacramenta. Quantas verò à cælesti lumine Aurum hoc quàm ingentes conceperit flammæ, quas multæ non exstinguerent aquæ, sat Magdalenæ flagrantissima in Deum charitas edocuit. Tanta scilicet amoris diuini vi vrebatur Sanctissima Virgo, vt non modò animo sed ipso etiam corpore colliquefcere videretur. Et diffluxisset certè inter tanta amoris incendia à mortali corpore animus, nisi linteis aquâ frigidâ imbutis, depascentium vis flammarum tantisper fuisset sopita. Quòd verò inter examinarios aduersitatum & morborum ignes, Aurum hoc clariùs emicaret; Magdalenæ illustrior inter aduersa virtus erat. Quanto Stygij hostis impetu, constans eius. sectandæ Sanctimonix studium premebatur! sed pressum, nō oppressum, validiore surgebat conatu. Quantis tentationum fluctibus iactabatur? sed illæsum semper caput extulit vndis. Quàm feris rugientium leonum rictibus quinquennij spatio petebatur? sed vacuis semper immanium belluarum faucibus. Cernitis verò vt Cælitum animos oculosq; in aurei splendoris admirationem die noctuque rapiat? hæc Magdalenæ familiaris cum cœlitibus consuetudo est. Ornatur ab ipsa Coelitim Regina peplo, pascitur annonâ Eucharisticâ ipso ministrante Summo Sacerdote Christo, instruitur cœli-

astis destinatis & submissis Magistris : & cum sublimem  
 humilitatis doctrinam expeteret, à minimæ Societatis  
 IESV Sanctissimo Patriarcha Ignatio, humilitatem edo-  
 cta est. Cernitis vt terrena concreione liberum hoc au-  
 rum, ad sidera vsque aureos vibret radios! hæc Magda-  
 lenæ de Pazzis consumatæ virtutis celsitudo est. Cerni-  
 tis denique vt fatali quodam expallescit colore aurum,  
 sed illico meliori luce donatum, ipsa sidera immortal  
 vincat lumine? hæc Magdalenæ transcripta astris virtus,  
 cen sol inter minora effulsit sidera. Quantum decoris,  
 quantumque ornamenti, ardentibus illis Pyropis side-  
 rumque gemmis accessisse credimus? dum aurum hoc  
 inter astra repositum longè lateq; toto resplenduit coelo.  
 Coruscabant olim insolito fulgore Solymæ montes, dum  
 sol in aureos refulsit clypeos: quidni beatos illos æter-  
 nitatis montes insolito coruscasse fulgore crediderim?  
 quando Sol Christus in aureum hunc militantis Ecclesiæ  
 clypeum, immenso diuinitatis refulsit lumine. Vilius  
 argentum est auro, virtutibus aurum: Magdalenæ vir-  
 tus fuluo pretiosior metallo, ipsam siderum lucem im-  
 mortali auxit splendore; vt non tam ornata à sideribus,  
 quàm ipsa ornasse sidera videatur. Auro templa micant,  
 radiatque altaribus aurum: Magdalena de Pazzis, tem-  
 plorum nitor, altarium decus, vniuersæ est ornamentum  
 Ecclesiæ. Aurum quisquis habet. Superos mercatur &  
 astra, captiuosq; tenet sub ditione Deos. Quisquis Ma-  
 gdalenæ præsidio gaudet, Coelitum tutus est ope, & qua-  
 si aureo pignore, obsidem Superum tenet clementiam.  
 Aurum pacciuat, nec bello spernitur aurum: aurum pu-  
 gna-



graces mittit in arma viros. Magdalena de Pazzis, Paccis Nomen & Omen habet. Quidni iam aureos imbres coelum in terram depluat? quod tam copiosam auri materiam è Carmeli auriferis venis baiulo solis radio attraxit? Auratos Rodijs imbres nascente Minerua indulsisse Iouem perhibent canente Pœta, sed verius, mutato iam fabulosi Numinis nomine, hodie dixerim, aureis indulgentiarum gratijs coelum irrorasse, quando Summus Ecclesiæ Antistes aureas Magdalenzæ opes in Orbis vniuersi emolumentum liberali noxarum veniâ hodie dispensat. Aurea iterum rediisse sæcula gaudete mortales! quando tam nobile Carmelus parturit aurum, quod feliciore metamorphosi ferreâ æneamq; temporum necessitatem, in aureæ ætatis faciem commutabit, quam fabulosa olim Mydæ virga personato auri fulgore omnia superinduit. Neq; iam Superi ad mortalium vota supplicesque manus, ferro poterunt obdurescere pectore; quibus tam nobile auri munus hodie porreximus. Munus certè naturâ & gratiâ cultissimum; dignum quod æthereo figatur tholo, dignum, quod ad publicæ gratitudinis aras perenne populorum omnium Anathema pendeat, dignū quod Deus ipse ceu gratum amoris diuini pignus, nostræque obseruantiz monumentum, è pectore gestet suspensum. Exardescet forsitan in iras sceleribus nostris prouocatus Deus? apprimemus irato pectori flexanimum auri munus. Trifulca fortè in sceleratos volet vibrare fulmina? aureum munus dexteræ inferemus. Ardebit ignibus coruscus æther? placabimus auro. Bellis regna scindentur! pacem exorabimus auro. Pro populo-

rum incolumitate supplicabimus? exhibebimus anathema aureum. Persuadere dona & dijs fama est, doctissimi Euripidis ferebatur sententia. Munera quid possint testatur ferrea turris, quam victor fuluo Iupiter imbre subit. ingeniosa fuit vetustatis comimentatio. Finxit nimirum Magistra fabularum antiquitas ingenioso Ænigmatē, Danaen superstizioso Numini post tentata mille gratiarum stratagemata, tandem inito fœdere conciliatam, vbi personatus auro amor apparuit. At apage fabulas! Sanctius hodie ominari publicis mortalium votis fas est ex auro quod sacramus cœlitibus munere. Laborauit hactenus bellatrix Lithuania diuturno placandi Numinis studio; sed ferrea semper pulsauit precibus astra. Supplices populus tetendit Cœlitibus manus; sed in terga populi, ferrea etiamnum desæuijt cœlitum dextra. Subiectis Prouincijs acres indixerunt inedia Sacri Antistites; sed fame etiamnum optatæ pacis; & concordis charitatis caritate, exhaustæ laborarunt Prouinciæ. Statas precandi horas & Solennia Ecclesiarum Sacrificia toties iterauimus; sed puniendi finem necdum sensimus, etsi nulum faceremus finem poenitendi. Sed melius nunc omen in auro est, non vanè vaticinari licet, vbi è sacri Carmeli Montis Munificentia tam pretiosum munus, amplissima Diuæ Magdalenæ merita Superis hodie præsentarunt. Munera credite iam olim placabant hominesq; Deosq;, placatur donis Iupiter ipse datis. Quid verò aurum non expugnet munus? quas non perrumpat acies? quas non flectat iras? quos fluctus non componat? Aurum per medios ire Satellites, & perrumpere amat castra.



ſtra potentius ferro: Nil igitur non aureis Magdalenz  
 meritis; ceu aureis haſtis expugnabimus, nullaſque viſ  
 tam munita votis obſiſtet noſtris, quam aurea de Paz-  
 zis arma non cogent ad deditiōem. Subegit Græci-  
 am Philippus Macedo; innumeras gentes populosque ſub  
 iuga victor miſit; nunquam ferme, teſte Curtio, cum  
 hoſte congreſſus, quin palmam referret, nullam etiam  
 aditu inacceſſam; fortiſſimis ciuium vallatam moenijs,  
 annonæ comœatu opulentam, ducis conſilio paritèr, ac  
 militum robore munitam urbem aggreſſus, quàm victor  
 non ingrederetur. Sed quo armorum genere quâ Miſſi-  
 lium globorumq; grandine; quo conſilij bellici ſtratage-  
 mate, victricia ubiq; circumtulit arma Philippus? Non  
 Philippus, ſed Philippi aurum, Græciam ſubegit; popula-  
 ri canebat paræniâ triumphata Græcia. Aurato cornu  
 multas non viribus vrbes pulſauit Macedo. Tanti eſt  
 non plumbeas, ſed aureas in hoſtem iacere glandes! tan-  
 ti eſt non ferro hoſtium pectus, ſed manus auro oppu-  
 gnare! Quid iam præſidij quid roboris attrita bellicis  
 tumultibus Orthodoxa regna ſperare audeant, dum  
 fortiſſimam de Pazzis Ducem, inuictam militantis Ecclē-  
 ſiæ Amazonem, aurea ope quæ belli neruus dicitur, ſibi  
 ſuccurrentem conſpiciunt, nemo eſt qui non aduertat.  
 Quot inuictarum virtutum agmina educit in aciem, quot  
 heroicorum facinorum inſtruit exercitum, quot ſupera-  
 tarum difficultatum victrices Cohortes explicat: tot va-  
 lidiffima præſidia & auxiliares ſuppētijs labentibus ſuf-  
 ficit regnis, collapsis mortalium ſuppeditat fortunis.  
 Gaude iam tanto tuo tam excellenti bono vetuſtiſſima

iuxta

iuxta ac Religiosissima Carmelitarum Familia ! gaude  
 tam nobili fructu, non minus beate quam locuples Car-  
 mele. Tu vetustate originis, omnium Princeps es Or-  
 dinum, religiosi nominis fastigio, Mons in vertice mon-  
 tium ; sanctimonie celsitudine, astris par ; profunditate  
 humilitatis, submisissimus ; vernantibus virtutum floribus,  
 illibatæ castimonie lilijs, purpuratis fidei rosis, Elysijs  
 formosior campis ; & raris optimi auri opibus, Hesper-  
 idum hortis locupletior. Euomat ad depopulandas vr-  
 bes, flammas, Vesuvius ; iacet saxorum grandinem, fera-  
 lesq; cineres ad opprimendos mortales Aetna ; Carme-  
 lus omnium commodo natus, aurum pretiosissimum in  
 tanta orbis vniuersi egestate protulit. Beatas tuas au-  
 rifer Carmele venas, è quibus tam nobile aurum pla-  
 candis Superis, ditandis mortalibus prodijt ! Beatos San-  
 ctissimi tui Patriarchæ Principis Prophetarum ignes ! qui  
 à sæculi scoria Pazzianum excoxerunt aurum. Beatif-  
 simum deniq; ô Diua Virgo aureum tuum cor, cui gem-  
 meum pectoris sui cor Christus, velut gemmam aureo  
 annulo inseruit. Quis tùm Magdalenam à Christi cha-  
 ritate separauerit ? Quis Christum à castissimis Magdale-  
 nae amoribus sciunxerit ? quos idem animorum, amo-  
 rum & morum nexus indissolubili cordium societate con-  
 iunxerat. Gaude quocirca, iterum atq; iterum gemina-  
 tis plaudo vocibus, gaude tuo tam excellenti bono Be-  
 atissima Carmelitarum Religio ! gaude quoq; non mi-  
 nore lætandi argumento diues, Sacra ad quam venera-  
 bundi hodie confluximus, Coelitum omnium honori nun-  
 cupata, dedicataque Basilica. Tuo gremio hoc decus  
 aure-



aureum deponimus, cui iam pridem dicata est corona  
Sanctorum omnium. Ad tuas aras hoc aureum ana-  
thema Deo Ter Optimo Maximo appendimus, ad quas  
coelites vniuersi, sua fixerunt trophæa. Tuo ærario au-  
reum hoc pretium includimus, vt supplicantem pro no-  
bis coeli militiam hoc quasi militum stipendio ad auxi-  
liares nobis suppetias ferendas promptius excites. Tuo  
thesauro has auri gazas addimus, vt debitorum suorum  
nomina mortales hoc pretio apud Superos redimant.  
Tuo denique gazophilacio has auri merces inferimus,  
vt sacra auri huius fame illecti mortales promptiore post-  
hac studio Sacras Tuas Ædes coelitem omnium honori  
dicatas, venerabundi colant atque frequentent.

## Panegyris de S. FRANCISCO BORGIA

*Duce Gandiæ, Pro-Rege Catalauniae, ac post spretos seculi ho-  
nores Religioso Societatis IESV, eiusq. Generali Tertio.*

*Dum Vil-  
nae solenni  
Processione  
Imago illig  
in templum  
Academi-  
cum infer-  
retur.*

Principem Ducatus Basilicam, Magnus Dux  
Gandiæ hodie ingreditur. Auditores. Qui  
Polono Lithuanoque orbi auxiliares Socie-  
tatis copias, contra hæresum insultus, ab Vr-  
be orbis vniuersi Arce olim submisit, hodie  
ab astris ipse, ceu magnum rei Orthodoxæ præsidium, ad  
munitissimam hanc fidei & literarum Regiam descendit.  
Assurrexerunt aduenienti Hospiti, diuino planè euentu,  
erecta in altum noua Basilicæ huius tecta, diceres è ru-  
deribus & squallore, ad pristinum nitorem redanimata;  
vbi eum senserunt aduenire Hospitem, qui vitam olim

*Ipsc in Po-  
loniam &  
Lithuaniam,  
Societatis IESV  
contra hæ-  
reses misit.  
Eo tempore  
tectum quod  
hostilis flā-  
ma absum-  
pserat tem-  
plo imposi-  
tum.*

literis, fidei uigorem, Spiritum pietati, Societatem Lithuaniae donauerat. Assurrexerunt inquam, debito honoris cultu, Principi ac Moecenati suo gratulabunda; & in sublime erecta, quasi alta elataq; voce, effusa in Hospitis occursum, Vrbi perorant, cum hodie restauratis sacrorum Larium tectis succedere domesticum, qui olim longo terrarum intervallo dissitus, iacentem per Poloniam Lithuaniamq; fidei ac morum Maiestatem, succollantibus sociorum humeris erexerat. Stabat haec, Augusta haec Diuorum Penatum Basilica, barbari Martis ferro, saeuientisque Vulcani flammis deformata; tecto, ceu diademate decusso, triste atq; luctuosum Urbis stabat spectaculum, Bellici vulneris cicatrix, tot annorum spatio nondum obducta. Sed en, postquam ter geminis Coelium honoribus & Diuorum diademate redimitus, Sanctus ac Religiosissimus Dux, Societatis nostrae Parens affulsit, quasi ipsa quoq; Basilica laetitiae sensu tangeretur, exiliit inter publicos coeli, terraeque applausus, festino vultu, turritumq; tectum, ceu caput, in sublime extulit. Exiliit inquam, Ioannes in sua Basilica, ceu olim materno clausus in utero: caputq; Basilicae, quod Moschus sauior Herode Tyrannus decusserat, iterum mutilato imposuit corpori & ambitioso fastigij culmine, sideribus ipsis prope inseruit: Diceres aurem apposuisse resonantibus toto coelo D. FRANCISCI triumphis aut certe militantem Ecclesiam triumphanti, mutua associasse gaudia. Ita ad communis laetitiae consensum, ipsa ornatiùs prodierunt templa, & publicae Prouinciarum hilaritati, Augusta, tectorum fronte amoenius<sup>ar</sup> riserunt, quasi bonum suum & reducem

*Templum  
S. Ioannis  
sacrum*



reducem sacrorum nitorem in D. Borgiæ aduentu interpretari viderentur. Date locum Diuo Principi, Hospitalis Sacræ Basilicæ Penates. Atratum hunc, pullumq; adhuc à communi patriæ funere squallorem, quem fumosa parietum facies præsefert, ipse splendoribus Sanctorum, quibus toto conspicuus orbe effulsit, deterget, atq; in augustam superioris æui transformabit Maiestatem. Tangitur etiam nū veteri illo, quo Poloniæ commoda complectebatur studio, & ingenti illa animi amplitudine, qua societatis fasces, ubiq; terrarum moderabatur, adhuc omnium prospicit emolumentis. Felicem hodie Poloniam Lithuaniamq; tanto hospite, à quo non vano omine sibi polliceri audeat, fortunatos domi militiæq; successus; regni Optimatum concordiam, populorum ac Prouinciarum exoptatam pacem, hostium & rebellium subditorum debellationem. Neq; enim paucioribus Comitum gratiarum copijs, beneficiorum hinc inde latera stipantibus affeclis, victoriarum & triumphorum pompâ longè latèq; antecedente, Prorex & Dux aduenisse, & suis quondam facibus parentem Prouinciam obire est censendus, quàm cum olim auxiliaribus Sociorum suppetijs obiuerit, obitam muniuerit, munitam conseruauerit. Amplissimis eam cumulauit beneficijs mortalis, & iam immortalis, nullum benefaciendi & benefacta accumulandi finem, suæ liberalissimus Dux ponet munificentiae. Non sterilesunt grandes Diuorum Principum animæ, etiam si multiplici benefactorum partu, magnâ nominis gloriâ, totum orbem quasi numeroso virtutis exercitu impleuerint. Nulla à coelis inauthoratæ virtutis mensura est, quæ nec

ætatum serie, aut gestorum annalibus, nec regnorum  
 vastitate, auidam rectè agendi mentem, & nunquam ex-  
 haustos ad benefacta spiritus patitur concludi. Breue  
 vitæ & virtutis curriculum natura indulsit, sed immen-  
 sum gloriæ spatium extendit. Quo factum est, vt alij  
 infidam saxorum memoriam, contumacem ferri indolem  
 alij, alij incorruptam annalium fidem, ad perennem fa-  
 ctorum gloriæ, obsequiosæ artis imperio coegerint, vt  
 scilicet, dum in mortali corpore defijissent viuere, viue-  
 rent adhuc in mortalium animis, & quem inuida fata  
 eripuissent spiritum, redderet inanime metallum. Non-  
 dum igitur superioris æui sæculo, stetit terminata, par  
 immortalibus mortalium commodis, amplissima Diui  
 Principis beneuolentia. Quæ sicut nascentis in Lithuania  
 Societatis, literarum ac pietatis iecit fundamenta, ita ea-  
 dem auspice atq; coelitus patrocinate, solidata; læti ho-  
 die conspiciamus: vt celeberrimum literarum Lyceum,  
 scientiarum omniū vniuersitatem, totius Lithuaniae splen-  
 dorem summa omnium vtilitate & gloria sustineant. Mul-  
 tum profectò, diuina literarum Præses, doctarumq; men-  
 tium Imperatrix Pallas, Diuo Principi atq; Musarum Ma-  
 ximo Moecenati debes, sub cuius fortunatissimis auspicijs  
 & ductu, augustam hanc Lithuaniae Metropolim, Magni  
 Ducatus meditullium, cor vniuersæ Prouinciæ insedisti;  
 vt quemadmodum è cordis sinu, ceu vitæ meditullio, fi-  
 nitima & dissita corporis membra, spiritum atq; vigorem  
 deriuant: ita tu sapientiæ & eruditionis nobiliore vitam  
 in longè lateq; circumfusus vastissimi corporis artus, è me-  
 diterranco Sapientiæ Athenæo dispensares. Agnosce vene-  
 rabunda,



rabunda, Diuum Musarum Parentem Minerua Lituana, cuius paterno pectore atq; consilio, obstetricante Societatis opera, gloriosius in Lituanum orbem ad immortalem prodijsti lucem, quam olim è fabulosi Numinis cerebro diceris prognata. Non alia te nascentem hic excepit tellus, quam antiquissima Ducum sedes, cor amorq; Lithuaniae, Vilna. Sed neq; decebat nascentem alijs, quam Ducum incunabulis excipi, vtpotè quæ nō alio Parente, quam Magno Candia Duce prodijt in Lithuaniam. Occupasti hospitale solium, peruetustam Ducum Regiam, vt sciremus iam tum loci suffragium in auspicijs fuisse. Et decebat sanè Magistram Regum Ducumq; institutricem Sapiientiam, non alia, quam eminentissimā Ducatus sede conspici; inter Principum trophæa, doctas miscere lauris; inter Martis arma, Palladis figere hastas. Sed maius etiamnum decore hoc, decus tuum ornatissima Pallas censeo, quod Ducum incunabulis honorata, etiam ciuium amores & vniuersorum complexum, in Metropoli, corde Lithuaniae, occupaueris. Quanta igitur quam ampla nominis sui parte superstes degit, de Lechicis Lithuanisq; rebus plurimum optimèq; meritis Sanctus Franciscus Borgia. Patebunt tot immortalis illius nomini trophæa, per secuturas posterorum ætates, quot ex eiusdem diuinijs consilij oraculo & consensu, per Poloniarum & Lithuaniae subiectas ditiones, literarum Athenæa assurrexerunt. Non binis inclyta Herculis colossis perennat optimi Ducis ac Pro-regis arctata amplitudo, sed viuit viuetq; immortalis, tot eruditis impressa animis, tot erecta gymnasijs, tot celebrata cathedris, tot consecrata fanis

& aris; quot eiusdem annuente imperio, in Prussia, Mazouia, Russia, Lithuania, Maiore Minoreq; Polonia, summi infimiq; tot Prouinciarum & Populorum ordines, eruditionem in gymnasijs, pietatem in Marianis coetibus, fidei agnitionem in priuatis publicisq; congressibus, licentioris vitæ meliorem frugem ab Ecclesiasticis Cathedralis, religiosi instituti amorem à Magistrorum cohortatione, & intaminatæ vitæ exemplis; ad publicum regni decus & ornamentum, ad perennem propriæ salutis collegerunt beatitatem. Cuncta hæc per omnes fusæ beneficentiæ argumenta, ad te demum authorem redeunt Dux Sanctissime. Omnia per singulos dispersa, eruditionis pariter ac pietatis momenta, quoniam à te profluxerunt, in tuæ gloriæ amplitudine colligi est necesse. Atq; ita Oceano æquasti tuæ copiam virtutis, vt & intra capacem pectoris tui curam, Prouinciarum salutem contineres, & tandem recurreret ad cumulum, quicquid ex immenso zeli tui Oceano prodijt. Tua nostraq; est, quam Lithuania inuexisti, pietas & eruditio, & eò quidem magis nostra, quia Tua; tuis scilicet auspicijs, erecta, propagata, confirmata. Habes vestigales immortali Tuo nomini literas, & æternâ habebis obstrictas gratitudine. Quis verò oratione complectatur, quanta animo ipse possideat decora, quantoq; virtutum apparatu, ac domestico gloriæ censu affulgeat, qui tanta alienis ornamentis impendit commoda? Neq; enim angustam curtamq; domi suæ supellectilem esse oportet, quæ Prouinciarum exæquauerit vota, impleuerit commoda; aut domesticæ luci deesse fulgorem, quæ publi-

cum



cum serenauerit, & communes regnorum dispulerit tenebras. Ita nec Sol terrarum oculus, cæli illustrissimum sidus, minus natiui possidet splendoris, quàm subiectis impertiatur terris. Nec fluminum parens Oceanus, minus vndarum suo colligit ambitu, quàm circumquaq; dispersis flexibus, in continentis vsus diffundat. Sunt scilicet sua rebus, liberaliore naturæ indole indita pretia, quàm in alienas dispensata vires. Qui magnorum igitur commodorum Oceanum in Polonas Lithuanasq; terras exundat, quantis ipse bonorum ornamentis affluat est necesse! Illud illustri ornamento sufficiat, ad discernendam virtutum illius & sanctimonix copiam, quòd altissimo gloriæ impetu, terras eluctata; ad immortales cælitum honores, è diuino orthodoxæ reipub: Oraculo eualerit. Et meritò quidem, inauthorata à coelis eius sanctimonia ad venerationem sui orbem posuit in genibus: quem ille iam antea victori substrauit animo, substratoq; ad supremos religiosæ vitæ apices gloriôsè incessit. Meritò terrarum imperia nomini illius religiosissimo assurgunt, qui calcatis Pro-regis Ducisq; insignibus supra omne id, quòd in regnorum laudibus supremum est, se extulit. Meritò deniq; ex vnanimi Purpurati Senatûs Comitio Magnus Sanctusq; inter cælites audiat, qui luculento sinceræ sanctitatis & magnitudinis indicio, non Pro-Rex Catalaunix, non Dux Gandiæ, non Marchio Lombaix, sed Franciscus Peccator insigniri & consignari voluit. Nullo scilicet illustriore vestigio dignoscitur sanctitas, quàm calcati fastûs tramite. Quemadmodum enim fucato ementitæ gloriæ colore, virtutis Maiestas

non

non indiget: ita illam sola demissio, genuinâ adumbrat imagine. Quantis ille passibus in suimet contemptum ibat, postquam in Imperatoria Augustæ forma tucum humanæ venustatis deprehendisset. Facile tum erat perspicaci vanitatis oculo, dissimulare purpurati Senatûs Ducumque mitras, postquam euanescentem nitorem in puluere Isabellæ legisset adumbratum. In eminentissimo virtutum fastigio constitutus, infra infame illud Apostolici Collegij probrum tantam sternebat sanctitatem. Cùm ad Societatis clauum Supremus Moderator sederet, procubuit ad plantas Proditoris. Cùm, quâ Oriens, quâ Occidens patet, imperatoria potestate, pæne innumeris præesset sociorum domicilijs, ipse inter Stygis abdita habitabat demissione. Miram demissionis indolem! vt alta cælorum petas fastigia, imis Orci recessibus delitescere! vt astra teneas, inferos occupare! Hoc enim uerò est tenebris lucem adipisci, latebris mereri publicum, infima sede, ipsos gloriæ apices transcendere! Iam immanium belluarum cognomento, cultissimas suas reprehendebat virtutes, iam tussientis sputa inter altum profundæ noctis silentium, obstinatiores tolerantia suæ taciturnitate excipiebat, iam abiecta viliaque culinæ obsequia apud Hispaniarum Maiestates, summæ gloriæ locò referebat. Nil denique non agebat, exquisito ingeniosæ demissionis stratagemate, quod honorem omnem demissioni cogeret ad deditionem. Cùm, magno comitatu, virtutum agmina, duceret à latere, semper tamen latere ubique locorum voluit. Verùm quo magis illustrissima virtutum decora tenebris velabat, hoc clariùs promicabant publicum; non

secus



secus ac cæli stellantes gemmulæ, quæ inter atræ noctis caliginem illustrius suam produnt oculis claritatem. Scilicet vt vmbrae magnitudo, prodit molem corporis; ita virtutis Maiestatem quæ sita lucis absentia Neq; satis erat constanti victoria densa honorû agmina propulsare, nisi etiam corporis castrum Principi subiugaret animo. Si victûs igitur parsimoniam considerem, nil ex lancibus præter victoriam sui delibabat; quoties extendisset manum, toties eo id facere animo videbatur, vt cupiditati negaret. quô factum est vt opulentio rem corporis formã eoulsq; inediã affligerit; vt tandem arida & circumpendente cute exhaustum & emaciatũ circumuolueret corpusculum. Adeo crebris verò ictibus, ampla aperiebat corpusculi vulnera, vt quasi dolori patentem referaret aditum. Adeo spontaneis illud circummuniebat supplicijs, quasi omnem delitis aditum intercludere vellet. Faciebat nimirum id Sanctissimus vir, thesauri munienti solitudine cautus, cuius custodiæ vt vigilas poneret excubias, sæpe corpus obibat panis, nodosisque flagellis ad vigiliarum officium commonebat. O pulcherrimum fortitudinis campum, quo cùm corporis vires frangeret, infractum animi robur firmabat: vt purpureum virtutum decus tolerantia, amoenius floreret, flagellorum spinis Rosam hanc circumsepiebat. Cætera verò illius virtutum ornamenta, numero plurima, factis admiranda, sententiarum pondere grauissima, illustrissima splendore, quis aut dictione recensere, aut debito dictionis cultu exornare valeat? Dicamne barbarâ furentis cuiuspiam audaciã in Pro-Regis pectus stri-

Quum mucronem sola iniuriæ obliuione retusum? ab-  
 sinthio condita edulia vsq; ad delitias irritasse sui a-  
 marore auidissimam aduersorum mentem, cui in cru-  
 ciatum delitias, in delitias cruciatum mira vertebat me-  
 tamorphosis. Dicamne in sui oppugnationem ex æè-  
 ris coeliq; inclementia, alterna frigoris æstusq; acie,  
 quasi militarem quendam conslâsse exercitium, cui pro  
 certamine inuictam suam objceret tolerantiam? Di-  
 cam ad alienos nutus ita comparatum tanti Herois pe-  
 ctus, vt Laici hominis arbitratui ad amussim se addi-  
 ceret? Dicam eousq; oculatam intaminatamq; per-  
 coluisse mentem, vt cum perennibus supplicijs acrius te-  
 nuissimas horreret noxas, bis tamen diem reatibus dice-  
 ret in die, diuino supplex tribunali? Aut Seraphico  
 diuinitatis commercio ita perfruitum, vt ad aras quasi  
 ipsa litaret pietas, precationi tanquam corpore & sen-  
 sibus solutus, insisteret? Numini Eucharistico quasi  
 domesticus & ab ædibus familiaris, perpetuus adesset  
 cultor? Dicam cælestium insinctu oraculorum sapius  
 edoctum animum? vt & cogitatione cominus legeret  
 dissita, & abdita penitiori rimaret, mente, & quod be-  
 neficij maximi vice refero, Societatis nostræ Alumnis,  
 æuiternam, si perdurarent, felicitatem, disceret adpro-  
 missam. Cumulatè hæc omnia dictione persequi nec  
 orationis dignitas factis impar sustinet, nec pretio lite-  
 rarum illustrior virtutum splendor patitur. Illud solatij.  
 Dux & Parens Societatis Sanctissime inter com-  
 munes coelitem ac mortalium plausus capio, quod pu-  
 blica orbis gaudia sint suppletura, quæ desunt dictio-



nis tenuitati. Hoc ad extremum, omnium voto supplex  
oro precorq; , vt sicut sub Tuis auspicijs, Minima Iesv  
Societas, Colonias in Poloniam Lithuaniamq; tradu-  
xit , ita Te coelitus patrocinate suis semper indefessa  
fungatur laborib; ad perennem omnium beatitatem.

## O R A T I O

### De Institutione Sanctissimæ Eucharistiæ.

Stratagema sub specie Conuiuij

Luctaturus ad præcelli montis fastigia,  
**E** inuictus dolorum & amorum Achilles  
Christus; epulo vires antè instaurat Ar-  
duam atq; prædifficilem cum mortalibus lu-  
ctam initurus, tanto robore pectus ad arma  
communit, quanto ipse pollet Deus. Seu vi-  
cturus seu vincendus in formidolosa dolorum & mor-  
tis acie , non deseret fidissimus Dux milites ; quo-  
rum pectora æterno occupauit foedere: Quod vt im-  
mortali sanciret Sacramento, diuino ad perennem mi-  
rabiliū memoriam exarauit sanguine. Ne metuas ve-  
rò infractè periculis Heros Diuine, Inuictissime Bella-  
tor, aut longa protrahendi prælij tempora, aut arctam  
obsidionis necessitatem. Annonæ siquidem copiâ desti-  
tui non poteris, postquam Martij panis conneatum tam  
liberaliter inter tuos diuisti com milites. Nemo quo-  
que insultus hostium, inimicas Stygis phalanges aut ad-  
uersas orbis cohortes metuit; quem cibus fortium, vi-  
ctor cæli terræq; panis ad bella roborauit. Antè orbis  
illabetur & terrarum nutabit moles, quàm animo ille

concidat, quem ad prælia erigit solidatq; suo pane Deus. Nemo quoq; in Christi Castris, latebras insidiarum, inter occulta consiliorum Sacramenta metuat. Suaui licet Panis involucro, quod multorum fomentum consuevit esse malorum, bellicæ artis stratagema tegatur: dolo tenebrarum nihilominus obnoxium non est, quod Sol ipse, ipsaq; palliauit Veritas. Candidis licet occultitur nubibus, cæli Oculus; spargit tamen vel occulto meatu, sinceræ veritatis radios, quibus abdita pectorum dum minimè apparet, collustrat maximè, Ludit suæ artis methodo amor Deus. Vulgari foedere amicitiam cum hominibus sanciturus, dulci ambrosia, pectora demulcet. O mortales! si Panis potûsq; pretio, humanos non conciliat amores Deus, quo tandem doli genere, mortalia irretiet corda? Scio Hæbreos Pontifices, Vrbe, & si fieri possit, etiam orbe vniuerso, vrgere Eucharistici Ducis excessum, vt amplior sceleri pateat locus, pulsa virtute. Et dissimilaturus quidem crimina, longanimitis & patiens Deus, sub veli abdita tantisper transiit. Tanquam maximi in amore excessûs reus, proscribendus; ipse vltro exul, omnium se eripuit oculis; peregrino velatus amiculo. Hostium tamen conspectui duntaxat sublatus, Amoris tecta subiit & incolit domesticus. Vita mortali priuandus, ipse sibi adimit sensus, & tanquam è viuis migrasset, expalluit; mortuo quàm viuo similior. Non alio tamen quàm nostri telo amoris confossus, exanguis, pallorem mortis induit.

Apagè verò infamis è Christi castris transfuga, Apostolici Senatus probrum, dealbatum foris monumentum



tum, plenum intus auaritiæ furtiq; exsuccis ossibus. Antè Ducem Eucharisticum in perduelli foedoq; tumulasti pectore; quàm Iudæa illum perimeret Tyrannis. Quàm ipse hostibus crudelior, tot authorem vitæ sauciasti vulneribus, quot argenteis nummorum confodisti spiculis. At tu animorum nostrorum victor & incola Christe; coeptum ne destiteris prosequi stratagema. Adorna nouum triumphatoris in panis rota vehiculum, & corda subiectorum ceu triumphale inuehere Capitolium. Etiam rebellium triumphabis pectora, vbi bellum tuum esse conuiuuiū lautitijs instructum didicerint. Nul- lum amicitiae vinculum suauius, magisq; sociale quàm Cereris. Par ferme auri & panis, sacra fames, mortaliū plerumq; subegit mentes etiam ad fidei deditionē. Miro hoc Diuini astus adinuento, arces & castra, omnium scilicet animos, solus sine milite sine armis occupat. Candidus tamen etiam in astu totus est, quia ipso orna- uit dolum candore. Procul nihilominus vult esse sensuum experimenta, veritati explorandæ. Fallax mortaliū sensus est, etiam sub specie & innocentia candoris. Sub mellis nectare, virus latere solet. Sub pulchritudinis forma, criminum laruæ, virtuti insidiantur. Omni ergo erroris periculo nos exemptura veritas, oculorum fidem, è suorum militum castris proscripsit. Panem excucula- tus Saxoniae epulo credidit & pannica fide veram Ger- maniae fidem pæne extinxit. Stigmate notatus Gallia- rum Apostata, umbratilem duntaxat notam ceu cassum nucleo putamen putauit, vt nucleum orthodoxæ ve- ritatis, Gallicanis subtraheret Ecclesijs. Nobis quibus

sincerior à velato Sole affulsit veritas, indice diuinæ fidei radio; sicuti ex solæ sapiunt delitiæ, quas arduo cælorum fastigio repositas, fide prælibamus; ita alias nulas in cælesti hoc epulo æstimamus, quàm quas ipse deliciarum fons condiuit & suo probauit palato Deus. At erubescant ij, qui à communione vitæ & calidissimis Diuini amoris dapibus, non tantùm vitali calore non incalescunt, verùm etiã in medicabili torpore animi emoriuntur. Ita transfuga è diuino Conuiuio Iscariotes, in amentiam ab amoris poculo prolapsus; ab igne consumente, lethali frigore correptus, vndiq; ignes & faces ex aulis Pontificum collegit. Verùm mira antiperistasi, vehementiùs vas contumeliæ stringi cœpit, donec congelatâ, quàm lautius hausit, iniquitatis aquâ, tanto dissilijt impetu, vt ipsa corporis animæq; vincula disruperit. Sic vitæ proditor, mortis mercator, salutis remedio, necem sibi consciuit, atq; à maximis opibus ad extremam reductus est egestatem. Hoc scilicet est ingrata mente capere beneficia, vt post accepta fias egentior. Compensaturus tantam improbi animi labem, munerum suorum largitor Christus, ipse sibi gratias agit, ipse hymnum in liberalitatis suæ encomium occinit.


Et decebat sanè Panegyristam suarum laudum  
agere Deum, in cuius enarrandis encomijs,  
omnis deficit & conticescit  
oratio.



## P A N E G Y R I S

De Oratione Christi in Horto Gethsemani.

CHRISTVS Florum Princeps.


 Xpleto epulo, Hortum ingreditur, florum  
 Princeps Principumq; flos Christus. Et quò  
 aliò veris æterni amœnitas, Elyfiorum glo-  
 ria pratorum, cœlestium hortorum purpu-  
 ratus decor concederet? quàm vbi vernæ  
 pulchritudinis, ridentium prati syderum,  
 genuinum est theatrum. Decebat minores inter flores;  
 Principem vernantium terræ optimatum, in florido  
 horti folio tantisper delitiari. Et adest quidem, Apo-  
 stolicorum Senatu Triumvirorum stipata, nunquam  
 marcentis Paradisi amœnissima Maestas. Coronam Prin-  
 cipis nostri floridam non immeritò lectissimos recens  
 plantatæ Ecclesiæ flores, Apostolicos Proceres dixerim.  
 Sed hem! quæ vna nocte, siue ad ardentium faces igni-  
 um, siue ad Hæbreorum tyrannidem, tanquam deco-  
 tricem nouellorum florum pruinam, pene emarcuit!  
 Verùm vtvt sit, adest terno Discipulorum pignore, tan-  
 quam è recens gemmantis Ecclesiæ, ceu vitis, floribus,  
 contexto ornatus diademate. Sed abijs auulsus, Augu-  
 sto vertici, floridam coronam tantisper detraxit; vt in-  
 ter quietis noctisq; silentia; quibus Regia cum curis  
 diademata ponere solent Cæsares, & ipse prægrandes  
 mentis curas & maxima orbis negotia, oratione sultu-  
 rus, liberum animum, sibi Deoq; impenderet. Nihil ete-  
 nim nostræ cum summo Numine consuetudini inter-  
 esse

esse oportet, ipsi nos, sine nobis accedamus necesse est, ut totos nos astris & Coelitibus dicemus. Verum enimvero tenax floris nostri terra, tantum abest, ut eum à sui complexu dimiserit, ut potius humo affusum reclinemq; , familiaribus strinxerit brachijs. Terræ ergo affixus mœstissimus Servator, solum novellæ Ecclesiæ, in fecundam florum Matrem, diuini cruoris semente consecrat, atq; seipsum Regem florum consito implantat paradiso. Cresce ô pulcherrimum hodie sati Paradisi decus, cresce immortalis arbor vitæ, perennis felicitatis fructus, humano generi latura. Implanta florum sator, Angelicæ integritatis candida lilia; videbis olim candidiores lilijs prodire Virginum mentes. Intere purpureas innocui cruoris Rosas, spectabis olim augustiorem rosis pullulare Matyrum Heroumq; sanguinem: Infige cœlestium violarum decora; cernes pulchriora violis, inuiolata religiosarum mentium exurgere germina. Immitte deniq; sacratæ tuo sanguine glebæ, reliquam vernæ amœnitatis pulcherrimam turbam, ut amore iam iam te languentem florum Regem, florido stipet fulciatq; obsequio. Crescite iam artifice terræ cælorumq; manu sata germina, crescite inquam in vberem fructuum segetem, quando novellis plantis rigandis, cælum liberali calice irrorat, cœlestesq; affundit imbres. Quin & ipse florum sator Christus, commissa terræ semina diuino ad vbertatem humectat sanguine. Terræ creditus Gorgonis cruor, horrida monstra terribilesq; visu larvas peperit. Dabit monstrorum domitores, septemcapitum victores lanarum, Ecclesiæ gleba, ferti.



fertilissimo Christi sanguine culta irrigataq; ? At vnde recens confito horto; nobiliq; sementi, infelix illud sterileq; accessit lolium? quod noctis vnus spatio ceu terræ sanies putridumq; peccantis soli vlcus est enatum. Proh quàm pestilens aura à virulento fungo spargitur; vt fatali illius halitu afflatus flos noster, protinus marceat concidatq; , inter carpentium militum & perfidi Olitoris proditorisq; manus. Agnosco vestrum Hebræi Pontifices consilij partum, quo vrentes hæ vrticæ sunt effusæ. Cingite nihilominus regio sanguine satam Romanam aculeatæ fustibus gladijsq; spinæ. Terat contritatq; crebris ictibus ferrea militum manus, fragrantissimum cæli terræq; florem, dabit ille inuictæ patientiæ, fortitudinis, clementiæ, & sexcentarum virtutum gratissimos odores, in quorum fragrantiam Coelites ac Mortales, trahente doloris pariter ac amoris affectu curremus.

## O R A T I O

### De Spinea CHRISTI Coronatione.

Honor Honore illus.

**P**ost iniqua illa versipellium Pontificum, tribunalia, post luctuosum sanguinis naufragium, ad infamem columnæ scopulum, post iteratas accusationum & contumeliarum vi-  
ces; tandem Præses Romanus insigne Regnatricis Maiestatis Sceptrum, Christo inserit: non vt Regem Iudæorum denuntiet, sed Regi Regum illudat. Leuem arundinem, sceptri vice offert, satis illustri leuitatis suæ testimonio: qui populari aurâ, huc illuc se fle-

M

eti,

Et, instar arundinis vento agitatae patiebatur. Quam  
 quam saxo duriorum eum non immerito appellauerim,  
 cuius pectus ad conspectum viri dolorum, magis ob-  
 durnit. Porrigit, inauthorato patientiae & dolorum  
 Principi, Ignominiosum leuis sceptri decoramentum;  
 graue sceleris nostri pondus, suauis facilisque iugi Chri-  
 sti argumentum. Respondet sceptro; diadematis ratio.  
 Illud ludicra & probrosa adumbravit arundo; hoc cru-  
 deles spinæ & ferrea militum dextera formarunt. Le-  
 ue & hoc coronarium dedecus dicerem, nisi & sceni-  
 ca & sentosa hæc Maiestas, adoratum coelo terræque  
 verticem grauissimo sauciaret dolore, palmariq; contem-  
 ptu ad ioculare illusi Regis solium deprimeret. Leue  
 tamen diadema est; quia gemmarum auriq; pondere  
 è subditorum fortunis conflato, non grauescit. Imperat  
 vili sentibusque aspero redimitus ornamento Rex no-  
 ster: vt nos aureâ gemmeaque decori coronâ, perenni  
 beatitatis potiamur regno. Erubescat tamen, quisquis  
 leuium fluxarumq; sectator voluptatum, sub spinoso  
 Imperatoris capite, imperialia delitiosi regni ambit fa-  
 stigia. Mollibus rosis, floridoque stratum tramite iter,  
 ne quærite delicijs innutriti mortales. Via Regia Chri-  
 stus, spinis strata est, sentibus, angustum, ad Regni ho-  
 nores, callem indicat. At quanta vestra est immanissi-  
 mi milites in mitissimum Seruatorem crudelitas! quibus  
 satis non erat, orbis fulcrum, coeli Athlantem, terræ  
 baiulum, validissimis virgarum ictibus arietare vt im-  
 mobilem, in ruinam premeretis; nisi etiam speciosâ per-  
 sonati honoris scenâ, Maiestatem in ludibrij theatro ex-  
 hibe-



hiberetis. Ferenda fortè foret crudelitas, si fortitudi-  
nem infirmitate, tolerantiam cruciatibus, quasi commis-  
sa acie impeteret : at e mentitæ venerationis specie vir-  
tutem ridere, laruato cultu ludere authoritatem, hoc  
vtique est inaugurari Regem, vt faciās mancipium, co-  
lere Maiestatem vt eandem prostituas, honorem hono-  
re contemnere, venerationem veneratione elidere. Re-  
gia insignia, ioculari suffragio, nato coelorum Principi  
obtrusistis, vt adimeretis Hebræi imperij solium. Re-  
gem adorastis, vt regno eijceretis. Diadema infixistis,  
vt ad formam serui deprimeretis. Sed agnoscit perfo-  
natum clementiæ ingenium, vel ipsa aculeatæ asperæ-  
que indolis spina : quæ acri aculeorum stimulo coacta  
pungere Dei verticem, simulatæ vestræ exprobrat ele-  
mentæ. Minus illa pungit sentibus, quàm vos adscititij  
honoris studio debitum Numinis honorem confodiatis.  
Illa quasi aperto Marte arcem sacri verticis, dolore op-  
pugnat, sensum ubique excubantem vulneribus sauciat;  
vos fraudulentæ cultus stratagemate, ipsum dehonora-  
stis honorem, ipsam reddidistis gloriam ingloriam. O  
poli annularis gemma, ô Dei & hominum vnio Christe!  
itane spineo infereris annulo? Habet coelestem annulum  
Coeli oculus gemmaq; Sol, habent aureos suos orbes, cæ-  
tera coeli sidera, sola gemmarum pretiosissima, vnionū  
nobilissima vnio Christus, sentibus innectitur, spinis in-  
cluditur. An fortè mirando hoc noui nexus symbolo,  
summa imis, imaque summis neçtenda, auitum mor-  
taliū puluerem Deo sociandum, diuina adumbrat sa-  
pientia? Quicquid sit, cingite Rosam spinæ, vallate

vepres Liliū, circumdate hortum conclusum sentes;  
 custodite inuentum in agro thesaurum horridæ sepes.  
 At aduertite illibatæ mentes, florida Sponsi vestri insi-  
 gnia: aculeis non delitijs plena sunt, dolorum sentibus,  
 non voluptatum sensibus abundant. Pari vos diade-  
 matis æmulatione teneri est necesse, si paria integrita-  
 tis præmia delectant. Non est virtutis vilius, & vel ma-  
 ximè, illibatæ molle documentum, etiam cæcutientis  
 seculi Philosophus olim edixit. Quantò vaniore nisu ad  
 intaminati palmam pudoris illi contendunt, qui flori-  
 dos deliciarum gradus scandunt, vt spinosæ pudicitiae  
 sublimia occupent fastigia. Horret sentibus, pudicissimus  
 Sponsus mentium, & quo calle ad intemeratæ virtutis  
 culmina sit enitendum, spinosi capitis vertex, ceu regiae  
 rectissimæque prodromus viæ præmonstat. Pergite im-  
 belles animæ ad præclarissimæ virtutis apicem, excu-  
 tite desides cursores teporem, cui exstimulando, acre ad-  
 dit calcar, stimulatix desidiæ vestræ spina. Inscribe-  
 casta nomina, candido Virginum albo, en calamus  
 spina vobis format: format eadem quoque gladium,  
 quo Virginum hostem, voluptatem confodiat. Can-  
 dida virtutis huius trophæa sunt, sed cruentis constant  
 pugnis. Te hîc compello, sentibus spinisque cruentate  
 Virginum Sponse *IE SV*! adapta inimicos illecebris ve-  
 pres in arma telaque tutandæ pudicitiae: effinge in ca-  
 stiores Cyprio spiculatore arcum flexilem, quam ma-  
 nu præfers arundinem, quo candida tuorum signorum  
 phalanx instructa, gloriosam de hoste amicissimo scili-  
 cet seipso reportet victoriam: Occinat verò in Virgi-  
 neis



neis tuis Castris palinodiam lyricus, qui olim modu-  
labatur nec iaculis nec arcu, vitæ egere integritatem.  
Parthenium hodie inter difficillia pudicitiae certamina,  
melos resonat.

*Integer vitæ scelerisq; purus,  
Indiget Christi iaculis & arcu,  
Et venenatis grāvida sagittis.  
Fusce pharetra!*

## ORATIO PER ANTITHETA De CHRISTI Passione.

Vetuosum die hodierna nobis proponitur  
**L**spectaculum, Auditores. Cœlitræque Im-  
perator, naturæ mortalis atque immortalis  
Author, regum terror, fulmen Cæsarum, De-  
us ter Optimus Maximusque in probrosam  
contumeliarum scenam educitur. Videte multis vulne-  
ribus liuidum, qui magnus è coelis descendit Medicus.  
Cernite sputis & squallore deformatum! qui candor est  
lucis æternæ. Intuemini Vrbe & Orbe proscriptum,  
qui cœli terræque hæres est. Considerate flagellatum,  
qui æterno supplicio addicit impios. Aduertite spinis  
coronatum, qui beatos coronat cœlites. Contemple-  
mini sub infami crucis mole fatiscentem, qui cœlorum  
& terrarum pondera, infractus supportat Atlas. Aspi-  
cite Deum Hominem in cruce distentum, qui homini  
Deum in cœlis coniungit. Adeste tam luctuoso specta-  
culo lacrymis ô cœli terræque oculi vniuersi! Adeste

M; cordium

cordium delitio, amorum amor, sanguineis rubicundo  
malis, ò cœlitum atque mortalium pectora! Ego ob-  
mutescenti Verbo, balbutienti adero lingua, non qui-  
dem vt Orator eum defendam, quem omnes hodie con-  
demnant Iudices, sed quia patienti Verbo, nulla re nos  
rectius posse compati existimo, quàm linguæ officio.  
Postquã in cœnaculo laetitijs vacasset Deus conuiuia, pla-  
cet & in Horto delitias quærere. Sed inuenit spinas suas  
Rosa, inuenit sua spicula Amor; reperit suos luctus gau-  
dium vniuersi. Non sine ingenti doloris sensu, auulsus  
à Discipulis montis supercilium, pacis arboribus consi-  
tum, ascendit; inclinato corpore pronus Patrem ora-  
turus. Auellitur à chara suorum Triade optimus Iesus,  
qui perenni vinculo, Sacrosanctæ illi iungitur Trinitati.  
Præcelsi montis fastigium occupat cœlis altior, qui o-  
mnium hodie teretur pedibus. Pacis cliuum ambit, qui  
ad formidolosam exposcitur pugnam. Pronus terræ al-  
liditur, qui hodie pro causa nostra erectus stare debebat.  
Verùm quæ tantorum causa mysteriorum? Responder  
sanguine exaratis literis Verbum incarnatum, & cum in  
causa sua hodie vix sit locuturum, vocis loco, sanguineo  
eloquentiæ flumine cupit esse disertum. Cur igitur à  
discipulis sit diuisus, cur in præalti Montis cacumine,  
cur in pacis theatro, cur humo affixus, tot linguis lo-  
quitur, quot cruentis Coelum & terram, Deum & ho-  
mines inclamat vocibus. Ecce quem terna Pontificum  
Regum, Cæsarum tribunalia hodie reiiciunt, in vmbra-  
tili à tribus Discipulis auulsione, meam ipse præuenio  
reiectionem. Ecce qui sublimes fastuum mentes, super-  
ba



ba iudico supercilia deprimant, in alti montis supercilio  
 humo allidor: ecce qui pacificæ ramos oliuæ, ortho-  
 xæ Christianorum arcæ inferam, iam Oliueti montem  
 sedulus lustro, si quem optatæ pacis ramum decerpam.  
 His perenne Patris Verbum sanguineis vocibus ad nos  
 perorat, postquam obstinatum suæ linguæ silentium in-  
 dixisset, usque ad Crucis Cathedram seruandū. Irrum-  
 punt interea hortum furentium agmina militum, scele-  
 rum antesignano Iudâ: Præfert tenebrio facem ut solē  
 videant, accendit nocturnos ignes, ut diem intueantur,  
 adest lucernâ Diogenes, ut hominē Deum inueniant. Re-  
 periunt tandem in tenebris lucem, in nocte diem, in hor-  
 to florem campi, sub dio Deum. Reperiunt, inquam, ut  
 amittant; tenent, ne habeant; comprehendunt, ne ca-  
 piant; vincula iniiciunt, ut libertatem perdant; ducunt  
 cauto tramite, ut aberent; ingrediuntur Hierosolymam,  
 nè, coelestem ingrediantur Hierusalem. Quò quò  
 pergitis errorum cohors? itane à tramite deflectitis, qui  
 rectissimam viam præ manibus habetis? itane ad mor-  
 tis supplicia properatis, qui perennem ducitis vitam? ita-  
 ne mendaciorum tribunalia aditis, cum præsto sit vo-  
 bis veritas. Sistite præcipites furia, sistite amentes ani-  
 mæ. Verùm quid inanibus eos detineam verbis, qui  
 Verbū tenent Incarnatum. Nihil soluta dicendi faculta-  
 tem curant, postquam tanto studio ligando Verbo se  
 addixerunt: Rapitur igitur innocentissimus agnus ad  
 cruentam victimam, pura hostia ad impios Sacerdotes,  
 ouis ad lupos, omnium criminum innocens ad æternæ  
 mortis reos. Nisi & ipse Deus, reus dici amet, post-  
 quam

quam se nobis tanto obstrinxisset amore, Quid verò iam pro amoris captiuo, charitatis reo, apud sacra Pontificum fastigia, mea perorabit lingua? defendam beneuolam omnibus humanitatem, an Iudicium barbariem, accusabo? experte peccati integritatem tuebor, an iniquitatem militum arguam? pro DEO loquar? an contra homines agam? tutissimum firmabo in Iudicio, an causa imbelles infringam? potentissimo robur argumentorum addam, an infirmitatem hominum arguam? viuorum atque mortuorum Iudici patrocinarbor, an omni ope destitutos oppugnabo? Non vult integritatem suam defendi Christus, vbi Iudex æquitatis insignia, iustitiæ tesseram, vestem Pontificiam lacerauit: non vult rationum momentis suam stabiliri causam, vbi ferri pondere opprimitur innocentia. Non vult pro se perorari, vbi æterno Verbo ferreâ manu imponitur silentium. Dicam tamen & vel inter ferri minas, stygios non expauescam Rhadamanthos. O iniquissima Iudicum tribunalia! ô criminum sedes! ô iuris diuini atque humani exitium! ô veritatis pernicies! ô mendaciorum Patres! itane ferro etiam innocentiam corrumpi finitis, quam non nisi, pro auri pretio iniquissimi prostituunt? itane superimpositis reo vestibus causam examinatis, cui omnia detrahenda forent, vt penitus veritatem inspiceretis? itane vultum & oculos reo obtegitis, quem cognoscere Iudices debetis? Spectas hæc ô æquissima rerum vindex Nemesis, neque impias Iudicum sedes flammis vlttricibus inuoluis? Spectatis id astrorum Principes addictissimi Regi vestro asseclæ, neque;



neq; latera vestra pro Domino opponitis? Spectatis id orbis vniuersi incolæ, neq; pectorum tutelâ caput vestrum propugnatis! Sed non patitur innocentiam suam patientissimus Dominus alieno subsidio defendi, qui propriam non vult se tueri virtute. Non patitur cœlestes cohortes sibi patrocinari, qui vtrò se potestati tenebrarum obiecit prædam. Desertus igitur ab omnibus, cæli terræq; ope destitutus, tandem & proprijs quibus innocentiam tuebatur vestibus, denudatur. Adeo nostri causâ, omni sese abdicat aliorum patrocínio Christus, vt ab omnibus desertus, neminem ipse deserat, à cunctis derelictus, vniuersos suscipiat: omnibus spoliatus, cunctos gloriæ luce ceu vestimento induat. Nudatur ergo ille, cuius oculis nuda & aperta sunt omnia. nudatur vestibus, qui cœlum ornat sideribus, terram pingit floribus. nudatur vestibus, qui Regum capita ornat diademate, dextris sceptrâ inferit, Purpurâ Augustos Principum circumdat humeros. nudatur charitas quæ multitudinem operit peccatorum, exiuitur innocentia, quæ reos criminibus absoluit: spoliatur thesaurus, qui ditat egenos: diripitur ararium, quo vniuersa mortalium victitat Respublica. Neq; satis est spoliari diuitias, denudari Maiestatem, nisi quoq; marmoreæ adstringatur columnæ petra diuinissima. Quis hic iam fulminantes flagellorum ictus, armata verberum agmina, inordinatos cadentium ordines, oratione recenseat? Non patiuntur se oratorum numeris adstringi, qui omnem cadendo numerum exceßerunt. Naufragari in sanguineo hoc oceano, & ad infamem marmoris scopulum allidi orati-

N  
*Continuationem huius sensus vide folio 98 ulterius* <sup>non est</sup>

uerforum Iudæx, arguitur seductionis, sapientia; blasphemia, Religio. Aspicite Religiosissimæ mentes, Regem vestrum aded palmari salutatum ignominia. Intuemini faciem sanguine purpuream, contemplemini vultum illum, oculorum nostrorum vnicum delitium, tumore liuescentem. Heu crudele barbarumq; & omni immanitate funestius nefas! sed in hoc nouo Tragædiæ genere, nouum aliquem vobis exhiberi chorum desideratis? non deest profectò. Adsunt piæ Diui discipuli lacrymæ, quibus amarè sua deflet crimina; adsunt querelæ, quibus immanissimã execrandæ Iudæorum turbæ ferociam accusat, & Saluatoris sui dolores, vulnèrum rimas, suis notat lacrymarum guttulis. O dulcem fletus tui beatissime Apostole amaritudinem! ô verè mel suauissimum, & fauos de Petra euocatos! Fleuisti amarè; sed pretioso lacrymarum tuarum fluuio, non solum deformes eluisti maculas, sed etiam vultum Saluatoris tui suauissimum fædo sputorum imbre squallentem, crebris colaphorum fulminibus intumescens abluisti. Nolo hic commemorare reliqua insomnis insolentiæ in summam Maiestatem ludibria; nolo enumerare infinita cruciatuum genera, quæ nox suis inuoluit tenebris, quæ conscij parietes, lugubri, texerunt silentio. Adest omni nocte tristior dies; adest ille dies, quo Illustrissimus cœli terræq; Sol, vt vilissimus tenebrio, in apertam lucem rapitur; quò, repetito concilio, extremæ mortis reus, author vitæ conclamatur. Sugillatur Deus vt nequissimus impostor, sistitur Prætori, multorum criminum nomina, vno malefactoris vocabulo in compendi-



dium vocantur. Grande profectò maleficium, languen-  
tes solidare, immundis lepram tollere, corporibus Dæ-  
monia, animis scelera, hominibus ærumnas abigere.  
Quid hîc Auditores, iam fore existimatis? Quid Præ-  
torem egisse putatis? fortè innocentissimum & nullius  
vnquam criminis participem absoluisse non vanè cen-  
setis? fortè vitæ authorem, vitâ donasse, non minùs piè  
quàm iustè creditis? cognoscite iam quæso rem tragi-  
cam, & non solùm inspectantibus, verùm etiam audi-  
entibus luctuosissimam. Videri voluit misericors, qui  
reuerà fuit crudelis; videri voluit iustus, qui reuerà fu-  
it iniquissimus; videri voluit innocens, qui ipsam con-  
demnauit innocentiam. Virgis igitur, non iam ciuem  
Romanum; [quod scelus erat] sed ipsius Dei nobilissi-  
mam prolem cædi iubet. Proh quanta in furente Iu-  
dice timenda immanitas, si in misere tante specta-  
tur crudelitas! Armantur non minùs scelere, quàm cru-  
deli scorpionum, virgarum, neruorumq; apparatu dex-  
teræ; spoliantur virginei eius humeri tegumentis, qui  
omnia immenso sui luminis splendore tegit vestitq;. Nu-  
datur ille, qui informis terræ nuditatem, suauis florum  
palliauit amænitate. Tunditur, flagellatur, cœlorum  
Princeps, terrarum Dominator; cuius vnus dexteram,  
Cæsarum sceptrum, Regum Diademata, Imperatorum tro-  
phæa expauescunt. Succumbit plagis, vniuersorum Do-  
minus, ne nos vilissimi succumberemus vermiculi. Fa-  
tigatur in cruento opere, mutuo succedentis cohortis  
lacertosa ferocia; scelera accumulatur sceleribus, toto  
corpore vnum vulnus innumeris tegitur vulneribus.

Deserunt

*Continuationem huius sermōis vide folio 104.  
ulterioris*

ipse Iudæis crudelior, Romanis iniquior, scenam hanc doloris & furoris instruxi, ego clauos suggessi malleum dextræ inserui: ego cædentes animauī, ego spinas & tribulos maledicta terra genui, genitos collegi, collectos in coronam texui, textos capiti impressi. Ego vincula suppeditauī, cū marmoreæ alligaretur columnæ: ego diro stringebam nexu: ego flagella subministraui dextram ad flagellandum impulī, ictus ictibus addidi, & cum ferientis dextra lassesceret, lassæ vires nouas addidi, ego per tribunalia circumduxi, conuitia commentus sum, acusaui, condemnaui: ego Iudæ faces parauī, paratas accendi, accensas prætuli: ego in horto sanguineum sudorem elicui, qui in paradyso cum Adamo potum vetitum decerpsi; ego dolorum causa, malorum omnium seges, materies & argumentum tragædiæ vniuersæ. Sed qui tibi causa extiti patiendi moriendique, ô salutis nostræ Reparator Optime: Tu mihi quoq; sis efficax vitæ immortalis remediū, vt qui Te malefactoris mortui tradidi, Tu me Tuis beneficijs, vitæ addas sempiternæ.

## P A N E G Y R I S De Passione CHRISTI.

¶ Ost testamentum charitatis, post relictas hæredibus in diuinissimo epulo diuitias, tandem ingrata Vrbe excessit, salutis nostræ Via Christus, & hortum ad plantandam Vitæ arborem ingreditur; vbi pacem, cælum inter & terram conciliaturus, Montē Oliueti, ceu genuinum pacis theatrum occupat. Sed cito heu



tò heu, ah nimis citò, nefandus proditor Authorem pacis insecutus, belli feralia vincula, nostro pacificatori iniicit. Festinat in venenata oscula, sceleratus pacis simulator; & initam ad epulas concordiam, belluino dilaniat dente: explicat hostilia in basium labra, & charitatis tesserâ, iurata denuntiat prælia. Quò ruis effrenata licentia? quò ferrum, catenas, vincula expedis? Nimis caeca es, si in innocentia cum facibus peccatum quæris? nimis prodiga es, si ideo Deum quæris, ut inuentum prodas! O infelicem proditorem, qui pacis Principem a noris pignore prodidit! ô iniquissimum mercatorem, qui inexhaustum ararium tam vili vendidit pretio? Rapuit densa furoris manus mitissimum Principem, insiliit in mansuetissimum agnum, plusquam ferina Iudæorum rabies, anteuolat manûs manum, ictus ictum, violentia excipit violentiam; vellitur, contunditur, quâ ferro, quâ pugnis, quâ vinculis, inter inconditas voces, inter conuictorum plaustra: in mitissimum sæuitur Patrem, iactatur nobilissimus terræ hospes, illudatur Maiestas, adstringitur immensitas, gloria proculcatur. Tenet eum parricidalis petulantia, qui tenet omnia, stringit manus miraculorum officinas, captiuat in peccatis suis, qui peccatum non fecit. O extremam ingratitudinem! munificentissimum Patrem, catenarum stringere amplexibus, & eum qui se naturæ nostræ miraculosè illigauit, iniuriolo religare ferro. Ingens profectò theatrum! libertatis vindex, reuinctis post tergum brachijs! grande oculorum pabulum, Pater filiorum ludibrium! Deus apud homines miser! Accusatur vni-

N3

uerso.

*Continuationem vide folio dco. retro*

onem est necesse, adeò decumanis maiores furunt flagellorum tempestates. O furor, cædentium! ô patientis amor! vtri in triumphalem colossus marmorea moles assurgat, dicite spectatores Angeli, dicite Auditores mortales. Plus perferre amor noster potest quàm furor inferre. Vicit ergo amor, vincenti triumphatrix pyramis perenne erigit victoriæ monumentum. Nec defunt victricia triumphatori contra furorem insignia, vel à spinoso diadema, & leui arundine petita. Sic nimirum triumphare eum decet, qui vincit furorem amor, dolorem patientia. Adeste iam effusæ astris Coelitus cateruæ, & inauguratum cœlorum Principem promptis adorate studijs. Adeste mœsta mortalium agmina & adoratum orbi caput, Regem dolorum vnanimi colite obsequio. Discite verò cellæ in terris mentes, magnæ orbis animæ, augusta capita, Maiestatem vestram ita subiectis proponere populis, vt humanæ sitis memores infirmitatis. Ecce Rex noster Christus & virorum nouissimus! ecce ornatus diadema, & spinis coronatus! ecce sceptro insignis, & populi ludibrium! ecce Deus & Homo! vtinam ô cœca Hierosolyma, mixta hæc Maieitati opprobria, iunctam gloriæ ignominiam, Regem seruo vnitum nosceres; nè vtiquam eum latronibus accenseret, vrbe ei jceret, & infami affigeret patibulo. Verum egredere iam, egredere vrbe sceleribus oppletâ, plenitudo sanctitatis; eripe te ex hostium consortio; & tuorum subi pectora amicorum. Suppone trabali ponderi fractos doloribus humeros infractæ Atlas; conscende extremum vitæ nostræ, mortis tuæ theatrum. Laberis iterum atq; iterum sub  
grauis

grauiſſima Crucis mole inuicte amor. Sed ſtetiſſes reor  
 ſub trabali pondere erectus, niſi te ſuperimpoſita Cru-  
 ci peccata noſtra in ruinam depreſſiſſent. Adeò vel DE-  
 VM ipſum moles peccati in terram deprimit, quem im-  
 menſa cœli terræq; pondera non fatigant. Eluctatur ta-  
 men ad celſiſſimi montis an altiſſimæ mentis ſaſtigia,  
 humilliſſimus aſpectu, moribus deſpectiſſimus IEſVS. Elu-  
 ctatur, inquam & beatam vitæ coronidem impoſiturus,  
 maledicto affigitur ligno. O duram, inconcinnam, qua-  
 drimembrem illam manuum ac pedum periodum, quam  
 ferreus ille & obtuſus exarauit clauorum calamus,  
 in ſalutis noſtræ concluſionem. O dextram fulmi-  
 ne non calamo ornatam! ô miram diuinæ ſuſpenſionis  
 figuram! Quid agis ſceleſta, impia, barbarâ, infanda  
 militum phalanx? itane agere non ante ceſſas; quàm pa-  
 ti deſinat DEVS? itane eum ad infame patibulum ſuſtu-  
 liſti, qui ad regni Cœleſtis ſolia noſeſt euecturus? itane  
 manus illas perforas, quæ cœli fores reſerant: cruci af-  
 figis, quæ nos ſtygi mancipatos in libertatem aſſerunt:  
 ſanguine euacuas, quæ maria implent, è cœlo rores &  
 nubibus pluuiam educunt? itane pedes clauis configis,  
 qui ſalutis publicæ cauſâ tot regna, tot diuerſiſſimas po-  
 pulis & moribus vrbes peragrarunt: qui tot lectiſſimis  
 virtutum veſtigijs iter ad aſtra ſignarunt? itane demum  
 & in mortuo crudelitatis tuæ argumenta deſcripſiſti non  
 modò ſanguineo, vt furorem tuum imprimeres, ſed &  
 aqueo, vt iniquitatem tuam adumbrares, caractere.  
 Verum quid ego Iudæorum accuſem furorem, quid  
 militum Romanorum damnem iniquitatem. Ego ego

N2 *ipſe*

*De Continuationem folio 100 retro*



Deferunt tandem vires liſtores, non deferit crudelitas, nec definit antè ferina illa Iudæorum rabies, quàm ipſe cœlorum Princeps in terris eſſe deſinat. Laborat indefſa crudelitas, quomodo per aliquam honoris ſpeciem, grauiùs virum dolorum ſauciet; & certè inuenit, quando per ſummum dedecus, purpurato in ſuo cruore Principi, iniicitur paludamentum, arundine dextera, caput ſentibus aſperatur. Spoliatur ſuo honore vertex, terebrantur ad oculos vſque tempora, confunditur cæſaries: natant ſanguine bina lumina, obducitur cruore facies, in homine toto, totus ſepelitur homo. Quid quaſo eſt barbaries, ſi hæc non eſt? quid eſt furor quid rabies, ſi hanc rabiem ſi hunc furorem non eſſe dicitis? Sed finitam fortè hîc lanienam putatis? non equidem ego, qui vltimum adhuc actum, cæteris longè immaniffimum vobis Auditores exponam. Nam longiùs progredi, ipſa me terret Iudæorum rabies, ad quorum pluſquam barbaram immanitatem, Sol expalluit, terra contremuit, diſſilierunt rupes, confuſa ſunt elementa, vniuerſa cohorruiſt natura, & Authori ſuo commori cupiens, luctuoſiſſimas inſtituit exequias. Audite porro, vt inconditæ tumultuantis Urbis voces, infami ligno ſuſfigendâ vrgeant innocentiam, vt vitæ Authori per ſummam crudelitatem, vitam eripiant. Adeſte tam acerbæ amoris noſtri tragediæ; adeſte quâ lacrymarû, quâ amoris officio, & ſuprema morienti Deo, obſequia impendite. Iam enim Ieſvs latroni poſthabitus, ferali trabe preſſus, è nefanda Vrbe, Caluariæ cliuim petit, atque ad ſupremam ſcandit lanienam, Sequimini non degeneres ab

Optimi

Optimi Parentis vestigijs filij, sequimini si vita salutisque vobis curæ & cordi est; sequimini non rediturum amplius mortalem ad filios Patrem, & crucem peccatis generis nostri oneratam, auxiliaribus subleuate humeris. Sequimini & in extensa Humanitatis membrana, Diuinæ charitatis elaboratam intueamini imaginem. Actum est; iam cruci affigitur IESVS, vitæ sator, in mortis lignum agitur: in quo & parricidarum dimensurus nequitiâ, & amicos strictis brachiorum clausurus amplexibus, diuinissimas extendit manus. Contraherem hic orationis meæ spatia, nisi me amara sitibundo fonti propinata pocula detinerent. Potatur igitur felle; qui torrente voluptatis, suos potat electos: potatur aceto, qui deliciarum omnium mare est inexhaustum. O humanæ voluptatis illecebras! ô gaudiorum nostrorum mella amarissimo felle condita! Sic sic te nobilissimum terræ hospitem, voluptates nostræ tractant? sic te orbis nostri conuiuiam mortales excipiunt delitiæ? Hoc est mensæ nostræ nectar, hæc est tua dulcissime IESV, non tam felle quam præuaricatorum animis vitiata potio! Sentis quàm candido teramur erga te affectu, qui in adeo corrupto poculo, corruptam animorum degustasti sinceritatem. Quàm dispar à tuo calice, humanæ amaror nequitiae! quàm dissimilis illi, quem in omni dulcore temperatum, sitientibus propinasti desiderijs! Admittis nihilominus afflicto palato tam triste merum nequitiae: partim vt probum vitiata per Adamum immortalitatis aboleatur, partim vt vniuersæ amaritudines, in tui oris dulcedine, eliquatae exsugantur. Post admotum di-

○

uinissimo

uinissimo ori poculum, heu quale poculum, omnis amaritudinis plenum ! dum nullum iam nouis vulneribus in se recipiendis locum superesse aduerteret, ad videndam laceri corporis arcam, ad peragendas hominibus gratias, inclinato capite, spiritus oris nostri expirauit, & diffusis toto orbe tenebris vultum suum intuentium oculis subduxit. Flete iam & expauescite cœli sidera, Author lucis vestræ, amara morte occubuit. Rumpite silentium muta rupium saxorumq; ora, æterni Patris eloquentia conticuit. Surgite mortui & mortuam spectate vitam. Viuite sepulchrorum incolæ, quia IESVM monumento recepistis. Audiunt mortui, & ad spectaculum vitæ morientis apertis prodeunt sepulchris. Audiamus & nos Auditores, & expirante Patre, in vitam Filij expiremus,

P A N E G Y R I S  
DE SANCTO IGNATIO LOIOLA  
Patriarcha Societatis I E S V,

*Ignatij Nomen, compendiosa eius Sanctitatis Panegyris.*

††††† Ereniorem orbis vniuersi facem, an potius diuinos frigescenti mundo ignes, è cœlo natos, **S**†††††  
††††† Diuum I G N A T I V M hodierna luce appellem,†††††  
††††† ambiguum mihi obscurumq; est, vel ad tantæ lucis splendorem. Quod nimirum astrorum Principem cœlestesque ignes contuentibus usu venire solet, vt vacillantes oculi ad scintillantia obscurentur sidera ; Id mihi flagrantem diuinioribus radijs.



dijs solem, summum nostræ Religiosæ Reipublicæ Patriarcham inspicienti sentio euenire : dum beatissimam virtutum illius lucem, altissimamque perfectionis diem, non tantum stabili obtutu excipere non possum, verum etiam in ipsa meridiana luce noctem patior. Tantus est Illustrissimi huius Solis fulgor, vt omnem ingenij perstringat aciem : tanta luminis Maiestas, vt omnem verborum excellat apparatus : tanta ardoris per orbem vtrumq; diffusi vehementia, vt flexanimæ etiam mentium facundiæ vim suo colliquet æstu. Ipsum augustum Sanctissimi Patriarchæ nomen totum igneum & celesti diuini amoris igne natum ; è splendoribus Sanctorum, Deo renatum Diuum Ignatium testatur : dum scilicet illustria Sanctorum gesta, mente voluendo, è vita Sanctorum ceu quodam sanctitatis partu ad meliorem prodijt lucem. Sua igitur luce quàm diuiniore natalium ignes impertiuntur, cum satis conspicuū sit, vt scilicet conspiciatur, eloquentiæ luminibus haud indiget. Aliunde quæsita non ambit elogia, qui integerrimas virtutum panegyres, vnico comprehendit nomine. Ipsemet sibi parem potest concinnare laudem, cui omne encomium è conscientia suæ magnitudinis nascitur. Et sanè perorant dignissimè pro Diuo, sua nomina, hoc celsiore quidem dictione, quò compendiosiore. Terminus quidem, isque vnicus panegyricum Ignatij nomen est, sed terminus sine termino. Nescit is verò vocalem è verborum nitore ornatum. Factis non dictis, rebus non verbis, solidam illustrium gestorum elaborat panegyrim. Primam exordij structuram, quàm laboriosis iecit fun-

damentis, quàm difficili condidit opera! non quidem  
 in scholastico oratorique, sed militari ac Martio extre-  
 mæ illius ad arcem Pampelonensem pugnx puluere.  
 Non è tritis vulgatisque Rhetorum fontibus, sed è glo-  
 riosis sui corporis vulneribus, velut auspicatissimis me-  
 lioris iam eruditionis riuulis, & cœlestis sapientiæ docu-  
 mentis, vitæ Sanctioris eruit exordia. Neque ille tum  
 longo verborum circuitu, & inani vocum profusione,  
 languidam frigidamque vsurpauit exordiendi speciem;  
 sed inter martiales fulminum tormentorumque ignes  
 accensus, flammeam prorsus & igneam exorsus est, suæ  
 Sanctitatis panegyrim. Iaculabatur tum ille missilium  
 globorum concitatas grandines, ad mentis interiora;  
 non illas quidem, quæ aures tantùm inani circumsonant  
 strepitu, sed quæ refractariæ quaterent voluntatis repagu-  
 la, arcemque animi, Deo cogerent ad deditiorem. Ignati,  
 Ignati, [ ita in se cogitatione detonabat ] quousque; tan-  
 dem inter ardentes Martis ignes, cœlesti algebis flammâ?  
 quousque inter victrices laureas & prostratos hostes, vi-  
 ctus ipse prostratusque, supplex iacebis mundo? Vin-  
 dicanda aliquando aurea libertas animi, stringendum  
 ferrum non in alios, sed in teipsum. Vincendus ipse vi-  
 ctor, ipsæque vincendæ victoriæ; vt dum ipsam viceris  
 victoriam, in victore te victum, inque victo te victorem  
 superes. His ille sua animabat exordia; quæ num ex  
 abrupto inchoarit, tam repentina eius & feruida citra o-  
 mnium expectationem in alium transmutatio sat mani-  
 feste probat. Qui modò arctissima necessitudine in se-  
 culi fœdera & castra iurauerat, iam eadem inopino re-  
 textit

textit consilio: qui proiectos à Marte titulos vitæ mor-  
 tisque stipendio merebatur, iam ipsa censet vilitate vi-  
 liores; qui momentaneis mortalis gloriæ trophæis, sua  
 insculpebat nomina, iam mendicabuli lacernâ sui me-  
 moriam contegit. An non inopina hæc & ex abrupto  
 Ignatij exordia? vel si cuipiam forsan, qui perspicaciùs  
 Rhetorum sit rimatus arcana, à suiipsius extenuatione  
 petita accersitaque videntur, non difficile in id meam  
 pertrahet sententiam. Qui enim à Sanctioris vitæ exor-  
 dijs, continuò sese omnibus non modò opibus aut ho-  
 noribus sed ipso animo exuit, an non à sui extenuatio-  
 ne, pulcherrimam nominis sui exorsus est panegyrim?  
 qui etiam tenuissimas rerum suarum facultates, licentiæ  
 præcidit suæ; qui suspensis ad montis serrati Virginem,  
 victribus armis, militaria Ducis insignia, vili commuta-  
 uit lacerna, qui deniq; impauido pectore, pedis toleran-  
 tiam medicorum ferro subiecit; an non à sui extenuatio-  
 ne inchoauit? Sed quorsum tam diuturnas in eius exordijs  
 necto moras? qui muralis machinæ bellico fulmine, ex  
 arce Pampelonensi, præcipiti casu in lectum deturbatus;  
 iam pridem ibi quasi pro rostris, coram vniuerso totius  
 orbis Auditorio, suam melioris vitæ exorsus est propo-  
 sitionem. quam implicitamne inuoluerit, an apertam  
 præfixerit, libens ingeniosæ Oratorum disceptationi ce-  
 do. Hoc in confesso palàm est, in illustrissimo illo, &  
 quibusuis ignibus serenior nomine, nil nisi clarissimos  
 laudum titulos, qui Sanctitatem Patriarchæ immortalis  
 posteritati proponunt celebrandam, elucescere. Quid  
 enim aliud coeleste hoc ac cuiusdam inter homines Nu-



minis nomen Ignatius, indigitat? quàm perpetuum quoddam amoris diuini incendium, è superioribus illis ac coelestibus progenitum flammis, iisdem educatum ac in omnem enutritum ætatem, iisdem deniq; in coelestes clarescere æternitates. Et sanè qui è martiali illo ac bellico tormentorum igne in Sanctiorem regeneratus est vitam, nonne ex igne natus, nonne Ignatius est? Præliaris illa armorum flamma, Ducem suum corripiens, quod aliud excitaret incendium, quàm quod homines in flammis felici traiectione conuerteret; non eas quidem quæ noctem ac tenebras non satis vincerent, sed quæ beatissimam lucem diemque immortalem, mortali generi aperirent. Tanti proinde fuit, Ignatium inter martiales versari flammis, & plenis tormentis in eū explodi ignes, tanti inquam fuit, ictu muralis saxi illum tangi, vt lapis ille è moenibus præceps velut silex optimus ex animo Ignatij tantum ignem eliceret, quantus orbi ytriq; inflammando abundè sufficeret. Fortunatus saxi illius ictus, qui dum in perniciem Ignatij collimaret, in summam illius delapsus est felicitatem; dum vitam mortalem ei ablaturus videretur, immortalem attulit: vt cælo potius excidisse, aut Numinis ipsius dexterâ in Ignatium crediderim euibratum, qui tam felici perniciq; volatu in cor Ignatij velut præfixum diuino nutui scopum pertigit. Et sanè decebat eum, saxi illius tunsione ceu diuini consilij artifice malleo, in meliorem expoliri atque adaptari formam; qui in principem & fundamentalem speciosissimi ædificij, Societatis IESV, lapidem, destinabatur. Excultus porro & inflamatus

Ignat.

Ignatij animus, dum frequentioribus conceptam flam-  
 mam suspirijs, velut flabellis quibusdam, magis magisq;  
 sufflat; affulget è cælestium ignium natali solo, Diuina  
 Parens, illum qui ignem missurus in terram descende-  
 rat, secum deferens. Felicem tunc Ignatij sortem, qui  
 cælicæ flammæ quæ nunquam extinguitur, accessione,  
 suos adauxit sacrauitque ignes; vt mirum non sit, eum  
 to to terrarum orbe, tantum amoris diuini ignem diffu-  
 disse, ad quem immensus descenderat ignis. Hoc exa-  
 stuante Diuinitatis incendio, absumptæ illico sunt minùs  
 sinceri amoris flammulæ, ardentes irarum motus subla-  
 ti, extincti pullulantes passionum igniculi, absorptæ de-  
 niq; fumantes etiamnum peccatorum reliquiæ. Sileat  
 iam fabulatrix vetustas infames rapti sacrilegio ignis  
 Prometheos, qui è Sacrosanctis illis Diuorum ædibus  
 flammam sublatam animando mortalium intulerunt cor-  
 pori; liberaliore diuinissimi ignis munere, stellatum il-  
 lud coelitem domicilium sese Ignatio exhibuit: vt re po-  
 tius quàm nomine totus ignitus esset Ignatius. Quo pro-  
 inde factum est, vt subuehentibus ardentis amoris affe-  
 ctibus, stellatos illos radiantium ignium choros, ipsaq;  
 altissimi siderum Regis solia superuolans, in ipsius Diui-  
 nitatis inaccessam penetraret Regiam, qui necdum le-  
 uiter literis tinctus, inter elementaria etiamnum caliga-  
 bat documenta; antè sublimatus Theologus, quàm con-  
 sumatus Grammaticus. Hinc quoque euenit, vt prostra-  
 to ac semiuiuo corpore, flagrantissimus euolaret animus:  
 atq; immensum illud beatitatis pelagus largissimo sor-  
 beret pectore, quò deinde nusquam ad fucatas conuer-  
 teret

teret palatum delicias. Desudent iam anxia sapientum capita, incircumspectæ illi naturæ indagandæ; Ignatius fanè diuturnos temporum labores, in vnius intuitus collegit compendium: & succinctam diuinarum speculationum summam perrara comparauit felicitate. Neque verò huius luminosissimæ flammæ splendor aut nocturnis occulebatur tenebris; aut flagrantissimus eius ardor exinguebatur vndis: quin potius ipsa noctis adulta caligo, eius exacuebat splendorem, & gelidissimæ vndæ calorem intendebant. Dum nimirū sub alto noctis silentio, inter sepelientes diem tenebras, humi cubans Venetijs delitesceret; in tantum ignis noster splendorem flammamque erupit, vt & sui latebras in lucem extraheret, & frigidum Veneti Principis animum in beneuolentissimam erga se accenderit charitatem. Luce nimirum clariores eæ tenebræ sunt, quibus virtus suam occulit famam. At latere ignem hunc in scholastico literarum puluere, infensæ illæ flammis noctuæ censebant. Erupit irritatus & in maiorem exurrexit lucem, dum irrequieti scholarium turbines, innocuum placidumque contumelijs exagitarent. Animantur scilicet vento flammæ, & hōc firmius roborantur latiùsque serpunt, quō validiùs oppugnantur. Verùm enimuerò non semper impune igne luditur, inuadit is sæpè temerarias manus, nec minùs vindiçtâ in hostes quam ardore inflammari solet. Vtinam id non didicisset Magistro huius ignis lumine, serò in suam illuminatus perniciem; qui cū conuitiantis gladio linguæ, ignem contra dogma Pythagoræ præsumeret fodere; vlttricibus flammis consumptus, dignas



dignas couitiorū luit pœnas. Meritò scilicet voti sui compos factus; vt cū vindici sese victimā deuoueret Vulcano, ni Ignatius ab eo foret plectendus; confligaret expedito incendio, cuius desiderio iam antè flagrasset. Perijt igitur fatali domūs rogo, quē ipse in suæ temeritatis vindictam accenderat. Extinxit vitâ ignes, quos conuicio linguæ excitauerat. Sed spectate iam colluctantes cū vndis flammæ, videte flammescentem in aquis Ignatium, & prodigosâ iuuenis illius in cæno naufragantis charitate flagrantem: vt castissimis quibus vrebatur salutis alienæ amoribus, impuros illos è vesano pectore elideret æstus, & sacris quas castimoniâ suâ tingeat & lustrabat vndis, contractam Venereæ mentis labem elueret. Iubeat iam superstitiosa Deorum cultrix vetustas, sua in arenâ descendere Numina: Vehatur grassatrix per regna flamma, & cæterorum domitrix elementorum, inter publicos celebretur prouinciarum plausus; alij contrà, cauam Nili statuâ, rimarum plenam, hac atq; illac diffluentem, vastatori vrbium igni præferant: at personatorum Numinum, ludicra ea fuerunt certaminum spectacula. Certiore fide, altioreq; gloria, flammescens Dei mortaliumq; studio Ignatius, nō modo flammæ è flammis oriri, sed ex ipsis etiam aquis ignes accendi demonstrat. Quemadmodum formosissimi stellarum ignes, è primigenijs aquis emerferunt, orbi collustrando; ita æternitatis felicissimæ sanctissimum lumen Ignatius, suos ignes vndis inflammavit. Sed illarum obscurus ad solem fulgor ac tanquam lucifugus, tenebris indiget vt luceat, Ignatiani autem ignis splendor, in ipsa Diuini solis luce aspectabilis, meridianam illam illustrat æternitatem. Quàm alta nox mortalium animis incumberet, nisi ignis

huius beneficio, diuina terris dies illuxisset! Tibi ea gloria  
 reseruabatur fax diuinissima Ignati, vt efficaci tuo incen-  
 dio, orbis terrarum vterque, posito vitiorum senio, ad pri-  
 mitiue virtutis elegantiam iuuenesceret. Pullato sacrarū  
 ædium vultui pristinos redonasti nitores; frigescenti pie-  
 tati ac inter Septemtrionalis Hæresis algentissima tempo-  
 ra pene extinctæ, cælestes inspirasti æstus, & tenellæ æta-  
 tis igniculos, apertis vbiq; pietatis & literarum Athenæis,  
 ad publicam regnis lucem impertiendam è cineribus insci-  
 tiæ quæ terram propè omnem operuerat, excitasti. Apage  
 funestā illam gentis togatæ facem, quæ caput orbis incen-  
 derat, vt funestis cineribus senilem orbis Dominæ deterge-  
 ret vultum. Iaceat perpetuo dedecore tumulatus & glo-  
 riæ obliuione sepultus, qui incendio Principis Urbis, per-  
 ennes infamiæ sibi inussit notas. Ignatius Orbis, rei que  
 Orthodoxæ restaurator, prodiga sui luce, non modò terras  
 quas atra errorum caligo obduxerat, serenauit, verum etiā  
 frigidæ mortalitatis animos ad cælestiū desideria inflam-  
 mauit. Diuinus olim ignis, artifice amoris ingenio, in  
 flammescens figuratus linguas, flexanimū ad obdurata  
 mortaliū pectora, egit Oratorem & Legatū. Ignatius non  
 degeneri diuinissimi ignis partu, in lucem publicam orbi  
 datus, totus lingua fuit; & Pœtarum vota supergressus,  
 ampliùs centenis, pendentem ab ipsius ore orbem in Dei  
 flexit obsequia. Felicior sanè Orator, illo Gallico elo-  
 quentiæ Principe; quòd non aurearum nexu catenarum,  
 sed diuiniore facundiæ auro, quod cælestis excoxit ignis,  
 & à terrenarum scoria rerum expurgauit, mortalium pe-  
 ctora Deo deuinxerit. Miscuit & permiscuit Græciam,  
 tonante fulminanteq; inter ardentes affectuum ignes ora-

tione, Pericles. At Ignatius distractum laceratumq; hæretum  
 bellis Orbem, suavi æquè ac vehementi dictione, cui robur om-  
 ne à moderante animorum nutus Numine inest, composuit, &  
 Boreales Vaticanæ potestatis hostes, nec non subditum Orienti  
 Occidentiq; populum, sempiterno subiecit Soli. Vidit tum &  
 obstupuit orbis inuictos ubique, ubiq; victores lectissimorum  
 Sanctissimi Patriarchæ decem virorum labores, Magnis ter-  
 rarum Apostolis suppare; quos igneo suo animauerat & genu-  
 erat zelo Ignatius. Quæ cum ita sint, quis gloriosissimū Igna-  
 tij nomen, absolutam illius Sanctitatis panegyrim neget? quod  
 omnem laudum suppellectilem est complexum. Neq; ab elo-  
 quentissimo hoc encomiasta multiplices figurarū ornatus quis  
 desideret? qui omnibus omnia factus, sexcentas pro mortalium  
 æterna salute induit figuras. Inflammandi erant argentes  
 hominum animi? in ignem accensus est. Pungendi? in linguā  
 formatus est. Illustrandi? in lucem fusus est. Compescendi? in  
 flammea se formauit fulmina. Deliniendi? in gratissimæ lucis  
 solatia se mutauit. An translationum ornamenta quis exspectat?  
 tam facile ac expeditum hoc ei erat studium, vt nihil è specta-  
 bili orbis huius suppellectile, oculis vsurparet, ex quo sublimis-  
 simam non faceret ad sidera vsq; translationem. Hinc illas ar-  
 dentes affectuum exclamationes vibrabat: O Deus si te homi-  
 nes nossent! Quàm sordet mihi terra, dum cælum aspicio! Quid  
 verò frequentissimos communicationum vsus referā? testis est  
 ipse amplissimus eius animus, cui nihil charius accidere poterat,  
 quàm vt prodigo obsequio, omnibus se communicaret. Nihil  
 hinc de eius sustentatione dicam qui suspensam humeris suis, va-  
 cillantem orbis machinam, Athlante fortior sustentauit. Nihil  
 hinc de eius subiectione; qui etsi curarum illecebris & negotio-  
 rum anfractu expeditus, totus hærens origini suæ, inter ambi-  
 tiosos illos siderū versaretur choros; iacebat nihilominus cel-  
 sistimus ille animus, infima quorumq; minor conditione. Per-  
 orauit itaq; facundissimum atq; Tertullianum Ignatij nomen;  
 à quo eloquentissimam eius sanctitatis contextam panegyrim,  
 etsi mea non satis adumbrauerim dictione, illud tamen oratio-  
 nis tenuitatem fac ile tuebitur, quod perorante disertissimo No-  
 mine, meritò meam oportuerit dicendi succumbere facultatem.



## DE SOCIETATE IESV

*Sancto IGNATIO Loiola, fundata, & Paulo Tertio  
Summo Pontifice confirmata.*

## Pœmation.

**V**nde nouum cunctis Romana clangor ab Urbe  
Montibus insonuit? cuius solennia tanto  
Romulidum celebrauit Atlascum nomine festa?  
Ecce procul plausus circumsonuere Molucu,  
Brasilicę plage lauro sua tempora cingunt,  
Lata per Indicas volitant modulamina terras.  
Nosco vices, harum rerum mihi cognita causa est.  
Te Sacra Religio, magnum cui nomen IESV,  
Numen & optatos donat cum laude triumphos,  
Te celebrat festus populi super æthera plausus,  
Exere, lata genus pullatos exue vultus,  
Testenturq; pios resonantia gaudia plausus:  
Te confirmatam dum Tertius ordine Paulus,  
Romulidum Pastor famulum dispensat in orbem,  
Ingeminant latos calumq; solumq; triumphos.  
Magne Parens rerum vastas qui flectis habenas  
Orbi, & aeterno collibras omnia natus,  
Da precor optatas dicenda in carmina vires.  
Nam non auratam pellem de Phasidis ora  
Poscimus audaci Minyarum pellere puppi,  
Non Laertiaden, Pelide aut gesta suuentis  
At confirmatum IESV de nomine cæcum  
Pyrijs mens prona flagrat celebrare Camæni.  
Est Arx sublimi terris submota recessu,  
Tanarijs inimica dolis, ubi struxit in ipso  
Vertice Regalem Diuina Froncia sedem  
Fatidicos animata sinus, terraq; Poloq;  
Iura ferens, legesq; ciens, discrimina ab orbe  
Prospicit, & longè venientia fata resoluit;  
Huc Diuiprocera referato cardine cæli,  
Angustosq; sibi notos subiçere Penates.

Vnus erat Michâel niuro succinctus amictu,  
 Illi fidereâ sublimis fronte tiaras  
 Purpureâ vittâ, species illustrior astris;  
 Gestans de cæso spoliis inigne Draconis;  
 Pone Stanislaus Lechici laus maxima Sceptri;  
 Crudeli cecidit qui ferro victima ad Aras,  
 Miratur Proceres Diuina Proncia visos,  
 Inuitat solij strato, veniamq; loquendi  
 Tranquillus subet esse notus, inferre tapetas  
 Mandat, & auratâ laquedria figere tellus.  
 At Michâel Superum Princeps ter poplite flexo  
 Tempora & humanam miseratus pectore sortem,  
 Innixum solio Diuum sic Numen adorat.  
 O Regina potens, qua rex terrâq; Poliâ;  
 Æternis Regis imperijs; scû tertius alto  
 Quod fultus solio Paulus, moderetur habenas  
 Sedû Apostolica, tetrumq; vomentia monstra,  
 Et coniurata furias pede proterat hydra,  
 Hydra tamen stygijs artus circumdata succis  
 Feruet, & ex Erebo veniens grassatur in orbe  
 Horrida, Viua fides vacuas exhalat in auras:  
 Et stygijs cessere lupi, cessere dolosis  
 Insidijs gentes, miscenturq; omnia ludu:  
 Ergo Diua Parens, quod si pietate moueri  
 Te iuuat, & faciles adhibere precantibus auras,  
 Hoc infringe scelus sædamq; auertito pestem  
 Hæresis, unanimi regnet concordia mundo.  
 Hac Michâel. At Sarmatica de gente sereno  
 Ore Stanislaus, patrj quo concidit ensis  
 Immemor, illa tamen manet alta mente reposta  
 Patria Lechiadum: supplex his vocibus vsus  
 Ut per Hyperboreos sacratum dogma Penates  
 Floreat alma Parens, nec desit cura salutis,  
 Hoc serua imperium, Lechicamq; hanc aspice gentem.  
 Has Diuina Parens ut vocis auribus hausit,  
 Vultu quo cælos & tristia corda serenat,  
 Annuit, & Dominis Proceres amplectitur vlnis,  
 Talia vose mouens. Eadem me cura remordes


O Divi Proceres: sed nunc prænobile fidus  
 Me recreat Phœbi radijs à vultibus obflans,  
 En sociata cohors magno de nomine IESV  
 Dese offert nobis, cui Dux Loiola supremus,  
 Concitus athereâ tacito sub pectore flammâ  
 Enthœa iura dabit, qua tertius ordine Paulus  
 Sedis apex Latia commisso sanciat ore,  
 Et confirmabit Loiolica Castra Ducemq̃.  
 Obuiat interea, dum Diva Pronœia cessat,  
 Ipse Stanislaus vultus demissus honores;  
 Pande Gubernatrix diuina, Ignatius iste  
 Num de Sarmaticâ spectabis gente nepotes?  
 Illi subridens Divina Pronœia fatur  
 Dulce iubar Lechia, fiet Stanislav quod optas,  
 Sed si tantus amor rerum cognoscere causas,  
 Et confirmata sacro de nomine IESV,  
 Cernere mens altos, vult Religionis honores,  
 Huc ades, & mecum fortunam nosce tuorum  
 Lechia Loiola quos exertura nepotes.  
 Namq̃ ter Augusto Patrum de nomine IESV,  
 Subdita confirmabit ubi discrimina Paulus  
 Tertius, innumeros Lechico de sanguine natos  
 Frænabit Loiola Pater, quos nosce coruscâ  
 Pectora depictas formis. Stanislaus auro  
 Lamine metitur vultus, depictaq̃ docto  
 Pollice vestigat monimenta futura virorum,  
 Lumina dispensat formis, tandemq̃ notavit  
 Gemmam Sarmaticæ Koskam, mox pendet amata  
 Vultu, sic sacra fauet indulgentia forma,  
 Post etiam viuam subtraxit in Leone gemmam  
 Amplexuq̃ ligat dextrisq̃ maritat avarû,  
 Voce mouens. Iuuenis fortunatissime Koska  
 Nominis in IESV mihi religione tueri  
 Te datur, hos oculos sacramq̃ gerentia pacem  
 Ora, animi depicta notis moresq̃ serena  
 Fronte graues s̃ flore Lechica pars maxima laudis!  
 Hinc picturato cœlatus Skarga metallo  
 Aureus ore flagrat, vigili cui malleus iussu



Adstat & Hæreticos non legnū sauciat assus:  
 Wuicciusq; micat grandi venerabilis auro,  
 Facundam succinctus mentem, cui amulus adstat  
 Smigletius doctus certans in imagine librū.  
 Grossa Valentinus, Laszczemski proximus illi,  
 Bockzaq; cygneū totus spectabilis annis.  
 Pone erat Olzemeski praelatus acumine mentū,  
 Lancitiusq; Pater mira virtutis imago.  
 Fundebant omnes sacratum pectore zelum.  
 Exin magnanimū series ventura nepotum  
 Pene locuturas depicto corpore Ceras  
 Exerit & longum rapit in sua pectora visum,  
 Tantis honor operi! sed post mirabile visu!  
 Monstrat Prasuleis Michæel obtutibus ora,  
 Ora cruentatis largè stillantia nimbis.  
 Picla Stanislaus Patrum de nomine IHSV  
 Pectora mille stupet, genti mactanda profana,  
 Martyrij depicta iubar, victriceq; lauro  
 Prodigia gratatur redimitos tempora crines.  
 Pingitur hos inter docto celatus in auro  
 Martinus Laterna Pater, quem tetra Succorum  
 Hæresis appensas tabulis iubet ire sub undas;  
 Huic Meczynski adstat transmissus pectora telū  
 Pectora Martyrij ornatus victrice corona.  
 Postquam pulsa sitis visu, pictasq; nepotum  
 Lorola stupuere genas, tantisq; futuris  
 Accensus Michæel ausis, sic exerit ore.  
 O Regina potens Diuina Proneia, nōsti  
 Tenarijs mundus quā sit conformis habentis.  
 Effice, namq; vales, ut confirmata Senatu  
 Sedis Apostolica, Sacro de nomine IHSV  
 Relligio, & confirmato discrimine legum,  
 Ocius ignotos calos & findere rectum  
 Monstret iter genti, mendax cui nomen in antrū  
 Mugit, & hæreticam Domino pede proterat hy dram.  
 Sic ego, sic orat totis Ecclesia votū.  
 Hac Michæel, Prasul Stanislausq; petebant.  
 Ubuiat hū Procerum sacrata Proneia dictū,

Quod


Quod petita dabitur Divi; iam cedat Erinus,  
 Conspirent animi, cum cælo sentiat orbis.  
 Hac ait, augustoque trahens de crine manipulum  
 Solis inexhausta redimitqui tempora luce,  
 Fulgurat ex astris, it missile lumen in Urbem,  
 Implebant ubi purpurei conclauiæ Patres,  
 Qui confirmandos Sacro discrimine librent  
 Nomine de IESU socios. Huc aduolat altum  
 Flamma micans, & consultantibus intima sensim  
 Corda subit, iussos versans sub pectore motus.  
 Nec mora, concordet (sic confirmatio Patrum  
 IESU) conclamant: hinc Tertius ordine Paulum  
 Sedis honor latia, solio sic fatur ab alto:  
 Approbo, confirmo, Loiolica Castra Ducemque,  
 Castra per exhaustos aternatura Triones.  
 Clauiger has postquam Petrus bibit ore loquelas,  
 Festinum prælibat epas motisque triumphat  
 Clauibus, & plausus vicina per agmina fundit.  
 Proruit interea Pietas redimitaque lauro  
 Tempora, voce canit; iam cedite, cedite noctis  
 Degeneras anime, procul hæresis agmine toruo  
 In putrem Phlegetonia ruat, cunctosque Triones  
 Irradia Romana fides, victrixque triumphos  
 Exere; iam confirmati de nomine IESU  
 Patres ire tuos cogent super athera fasces.  
 Audijt hæc Phlegeton totisque exalluit undæ,  
 Iam trepidant Erebo furia, trux hæresis altum  
 Ingemit & Stygijs collum succincta catenis,  
 Triste supercilium tollit, viridesque totondit  
 Fronte gemente comas, crinitaque fontibus hydri  
 Inopietas, IESU confirmata agmina Patrum  
 Incusat, quatiens infesto lumine pinnas.  
 Insultat victis Pietas, & iudice plectro  
 Explorat Citharas, cogitque frequentius idam  
 Respondere chelym resonantis murmure chordæ  
 Saltat & è mundo faciem niger exiit æer.



# P A N E G Y R I S

## P A R E N T A L I S

Inter Illustrissimi & Reuerendissimi Domini Domini Georgij Bialozor, Smolenscensis primùm, dein Vilnensis Antistitis, nec non Almæ Vniuersitatis Vilnensis Cancellarij, supremos honores; Illustrissimæ Familiæ Bialozorianæ parenti, oblata Vilnæ, 1671.  
10. Martij.


 Ertinere ad publicæ gratitudinis nostræ debitum, debitæque obseruantia, erga Illustrissimum Antistitem & Cancellarium, Officium videbatur; vt cuius profusâ animi beneuolentiâ atque illustribus beneficiis Vilnensis literarum Vniuersitas, supra temporû bellorumq; assurexit calamitates, pristinaq; beatæ pacis otia auspicatò adiit, eiusdem sacra Nomina meritaq; inter Diuûm sedes (vt piè credimus) iam relata parentalibus gratijs, ad perpetui honoris monumentum, coleremus ac veneraremur. Etsi enim beata Optimi Præfulis fortuna, tenuem remunerandi vicem ab impare calamo non desideret, neque nostra suggerat restituendi facultatem: nè tamen debitam pietatem ac obseruantiam nostram exosa ingrati silentij labe obstringamus: malumus imbecilli gratitudinis conatu cum beneuolentissimi Antistitis munificentia, & amplissimis beneficiorum copijs, impares configere, & succumbere victi, quàm vincere & mori ingrati; ingrataque nobiscum sepelire obliuio.



ne, redditam Mecoenatis beneficiâ, bonis literis vitam. Verùm enimuero quis Te Illustrissime & Reuerendissime Præsul (præsentem enim mihi alloqui videor, qui etsi conspectu abes, reuelli tamen mentibus non potes) quis inquam Te ingentibus factis gloriæque celebritate contra temporum iniurias periculaque securè subnixum, dicendo laboret, è sæculorum obliuione vindicare? quem quantacumque facundiæ Maiestate operumque apparatu orbi produxeris, minore tamen ornabis pompa, quàm videre olim mirarique virtutum comitatu prodeuntem assueueramus. Nemo certè tantum effinxerit dicendo, quantus erat zelo animique magnitudine Præsul. Nemo tam potens fandi, cuius copia tam larga tamque felix, quæ cum virtutes attrectauerit, non aut circumuenta numero, desperato exitu stupeat, aut obterat magnitudinem, aut splendore perstrieta, tantum caliginis hauriat, quantum nitoris ex operum luce legere tentârat. Scio omnes rerum in præceps euntium insidias euasurum, quem ex infidelis memoriæ sepulchro, superstes post fata virtus eripit, & insepultum Patriæ ostendit, viuæ, perennis pietatis zeliue effigies. Ergo vt immensum gloriæ iter ad immortalem posterorum famam usque exporrectum, nunquam lapsuro vestigio teras: à leuis calami viribus, robur non habes necesse adsciscere; quod contra liuorem & occumbentium temporum fata erectis tot illustribus Tuæ in Superos ac potissimum Patientis Numinis, pietatis monumentis, restauratis literarum domicilijs, renouatoq; liberali ope typographico prælo [ vt non possimus non Tuam æternitati

nitati exarare imprimereq; munificentiam] fixisti atque  
firmasti. Patieris nihilominus, neque fastidies, æternis  
licet accumulatus honoribus, factorū Tuorum gloriam,  
tenuis facundiæ dictione non tam exornari ad splendo-  
rem quàm referri ad posterorum memoriam. Etsi enim  
Tibi, Tua audire decora non est necesse, nobis tamen  
posterisq; commemorare, est vtilissimum. At vnde or-  
diar, dicendiq; initium faciam, innumerâ virtutum me-  
ritorumq; copiâ obrutus? Video enim vetustissima  
illa Diuorum Præsulum, magnorumq; Ecclesiæ He-  
roum sæcula, in Tuo refluuisse pectore; & tot anno-  
rum spatijs distractas dispersasq; ingentium animarum  
virtutes, in Tuo amplissimi animi sinu collectas. qua-  
si opulenti remuneratores calamitatum Superi, luctuo-  
sam illam bellorum tempestatem, sacrarum ædium euer-  
sionem, depopulationem consecratorum Deo Larium,  
& vniuersi Ducatus collapsam prostratamq; sortem,  
in Tuo contra hæreses inuicto contraque scelera arma-  
to zelo, iterum erigere & ad priorem extollere fortu-  
nam contenderint: vt quemadmodum truculenta Mo-  
schi barbaries, Sacris, Diuorumq; Penatibus, ampi-  
ssimas magni Ducatus terras exuit, ita auspiciatissima  
Tua ad sacra gubernacula accessione redirent omnia,  
& pristina florentis æui auitæque pietatis imago in tan-  
ti Præfulis recuderetur virtutibus. Et certè vidit sincero  
omnium ordinum solatio Vrbs Lithuana, audiuitq;  
pro sacris rostris dicentem, flagrantissimū oratione, studi-  
oq; salutis publicæ Ecclesiasten; qui altum Sacræ di-  
ctionis silentium, belli necessitate imperatum, suâ soluit.

Cathedrisque exegit facundiâ. Vidit testis Tuarum virtutum Vilna, iteratisque est experta vicibus constans pectoris robur, quod contumaci opposuisti hæresi; vidit, & hodie etiamnum communi voce ad sidera usque extollit Tuam in proiectæ sortis homines, semper apertam refertamque liberalitate dexteram: vidit profusa erga religiosas familias Munificentix studia: suspexit magnorum sectatorem animum, & complanandis altercantium Partium simultatibus parem cum prudentia auctoritatem; suspexit regnatricem animorum eloquentiam, consilio, mentisque nequaquam in diuersa fluctuantis constantiâ roboratam; cuius imperio tantum in liberas mentes & beatissimum sentire quod velis, publicos inter confessus iusto licentiore quandoque iactatum libertate, valebas: ut & minus sincerè publico bono addictos, sacrisque Maiestatibus refragantes, ad recti sensum ac iuratae venerationis memoriam componeres, & suam nihilominus aureæ libertati non detereres gloriam. Desiderare poterat afflicta Patria ut post interdicta diuturnis ferijs, hostilique ferro prohibita Ecclesiarum munia, tandem Chrisostomum quempiam, qui affectu pariter ac oratione ardentibus, congelata inter extinctam à barbarie pietatem pectora accenderet; Tu facundiâ zeloque Chrisostomus, gradum ad exedras ferro antehac barbaro prohibitum, Tua non modò aperuisti dicendi libertate, sed etiam profanatum sacrilega barbarie, Præsul consecrasti. Neue resflorescentibus iterum Lithuanæ Ecclesiæ primordijs, vetera illa pietatis & magni Nominis Numina sacris tiaris illustra deessent, Tu reuocasti tot



ſſi tot retro ſeculis pene oblitteratos obliuione Antifites,  
 & primores illos orthodoxi ſplendoris, fideique Roma-  
 næ Athlantes, Tuo redanimasti exemplo. Reddidisti in  
 cathedra Chriſoſtomos, exhibuiſti abſtinentiâ vitæque  
 austeritate, Baſilios; munificentiam in pauperes, excitasti  
 Martinos & Nicolaos; intrepidas & pro Eccleſiæ immu-  
 nitate morti deuotas victimas, repræſentaſti Stanislaos,  
 contra hæreticos & peruicacem Schiſmatis indolem op-  
 poſuiſti conſtanti zelo Auguſtinos & Anaſtaſios. Ad  
 extremum, virtute, meritis, præclarisq; pro Eccleſia  
 & Republica geſtis, Præſulum omnium Leſtiſſimam  
 exhibuiſti imaginem, cuius lineamenta ad tantorum he-  
 roum normam artifex duxit Tua virtus; nos extempo-  
 rali parentalis dictionis encomio, digniſſimum immor-  
 talitatis opus, quaſi ſub vmbra exhibemus.

ELOGIVM PRIMVM  
 Illuſtriſſimo & Reuerendiſſimo Præſuli  
 è Ducum familia per continuam Heroum ſeriem  
 propagata, oriundo.

V Etuſta generis Nobilitate  
 Maximis Regni & Ducatus Heroibus par;  
 ILLVSTRISSIMVS ET REVERENDISSIMVS  
 DOMINVS D. GEORGIVS BIALOZOR.  
 Ad Magna natus ex Magnis!  
 Hic primus fuit ad altas cogitationes ſuſcipiendas cenſus,  
 Quo ab Illuſtri animo viles avertit impetus.  
 Nemo ad metam Præſulum Principumq; Lithuaniz

Peruenisse eum miretur,  
 Qui tam magnifico itinere initia duxit.  
 Ita tamen nobilis hæreditatis sortem suam credidit,  
 Ut nullis vnquam actionibus eam diminueret.  
 Ita velut extraneam habuit, vt domesticam  
 Propria conciliaret virtute.  
 Ut vt origo maximis Heroum honoribus,  
 affinis ei obtigit,  
 Virtutis tamen necessitudine  
 eam sibi obstrinxit :  
 Ut scilicet faceret familiarem,  
 Quæ à tot retro Maiorum seculis,  
 Ceu peregrina ad se diuerterat.  
 Domiciliū Illustrum virorum, sanguine Ducū fundatū,  
 Perenni constantis gloriæ basi contra fatorū vices solidū,  
 Non sat pulchrum hospitatori animo credidit,  
 Nisi alienam apparatus supellectilem,  
 Proprijs quoq; exornasset virtutum imaginibus.  
 Stabant à fronte, à latere, famosæ Maiorum effigies,  
 Dum longè lateq; reductā Bialozoriorum  
 Domum ingrederetur ;  
 Sed ementitos antiquitatis fumos,  
 Famam credidit,  
 Nisi sincero rectè factorum splendore  
 Caliginosas illuminaret ceras.  
 Numerabat Magnas Domūs suæ animas,  
 Principem Familiæ stirpem,  
 Vetustissimum Woliniæ Ducem, MONDVIDVM,  
 Legebat vetustate obliterata Nomina,  
 Facto-

Factorum gloriâ Illustrissima Nomina,  
 CHLEBIOS, WIAZIOS, IRZICIOS,  
 Superioribus seculis adoratos Principes.  
 Videbat potentissimos Maiores in fundamentis positos,  
 Non satis tamen contra leuem fortunæ auram  
 Tantorum Numinum vestigio se subnixum credebat,  
 Nisi stationem firmaret rectè factis.  
 Tantarum mentium virtutes hæreditario iure amplexus,  
 Mortuorum decora censebat,  
 Nisi rediuiuam totius gloriæ effigiem,  
 Proprio animaret meritorum vigore.  
 Ut verò auitam ætatem æquè ac virtutes  
 Non degener delinearet hæres,  
 Non superbis Pyramidum monumentis,  
 Aut marmorum coacta fide,  
 Sed Diuo in pectore,  
 Magna operum molitione,  
 Præsul & Princeps  
 Ad perpetuam orbis & sæculorum memoriam  
 exarauit.  
 Quis iam superioris æui ingentes illas mentes desideret?  
 Quarum magnitudinem & generosos spiritus,  
 Generosiore antecelluit zelo Præsul.  
 Ad belli decora, militarem animum extulcrit  
 Vir Marti dicatus  
 CASIMIRVS BIAŁOZOR Palatinus Minscensis:  
 Præsul noster, Ecclesiæ fasces moderatus  
 Etiam victoriâ à domita hæresum criminūq; acie retulit.  
 Communium vtilitatum studijs illustris,  
 STA-



STANISLAUS BIALOZOR Castellanus Mscisauiensis

Vitam impenderit Reipub:

Antistes Vilnensis spiritum æternitati consecrauit,

Dum antè publicâ boni curâ,  
Probatâ inter immanes bellorum  
temporumque conflictus virtute,

Iter,

Triumphaturo beatas inter palmas animo  
Strauisset.

Taceo Magna dignitatum Nomina,  
Publicæ æstimationis Heroes,

Palatinos Smolenscenses, Thesaurarios M. D. Lithuaniae,  
Referendarios, Vexilliferos, Capitaneos &c.

Quos nentiquam extinctos gloriæ quis crediderit,  
Dum superstites in Præsulis immortalis memoria,  
Perennibus legit descriptos factis.

## ELOGIUM SECVNDVM

Illustrissimo & Reuerendissimo Præsuli  
boni publici studio & meritis, Episcopalem Insulam  
adepto, atq; contra Schisma Ruthenorum & Hæresim  
pro fide Orthodoxa generosè zelanti.

**C**VM inuictò publicæ vtilitatis studio  
Victima esset, Aris focusque communibus deuota;  
Meritò Smolenscenses & Vilnenses Insulas  
In illum congeri decebat:  
Vt, qui Ciuitas à quæsitâ Ciuium salute merebatur,  
Obtineret Præsulis tiaras.

Diffi-

Difficillimis à bello temporibus  
 Sacros Vilnensium fasces Præsul adijt  
 Vt ceu nutanti cælo Atlas humeros sufficeret,  
 Cur honoris Præsulei V I T T A M ei non deferret  
 Princeps Lithuaniae Cathedra ?  
 A cuius zeloso spiritu V I T A M  
 Vilna Lithuaniaque erat acceptura,  
 Cum sacras Aras Præsul adiisset,  
 Neminem in iura amicitiae,  
 Nisi usque ad Aras admittebat,  
 Dicta pro Rostris copiosè,  
 Gloriosè factis prætergressus est:  
 Fandi vim omnem anteiens vigore faciendi:  
 Cum ad magna dictis impelleret,  
 Ad maiora factis trahebat,  
 Vbi remedium in peruicacem scelerum genium  
 Erat quærendum,  
 Nemo eo cauit accuratiùs.  
 Iustum & tenacem propositi virum  
 Sensère cum Schismate, proscriptæ fidei capita  
 Subscribere oportet tanti Præsulis Laudibus,  
 etiam profligatos à fide hostes,  
 Sed non aliâ pennâ:  
 Quàm exilij poenâ.  
 Merito eâ forent mulctandi,  
 Fidei Deoque rebelles.  
 Amplissimam Magni Ducatus Dioecesi:  
 Ampliore animi zeliq̃ue magnitudine,  
 Complexus,

Malè Cathedræ, ceu, Præfulis Cordi metuebat;  
 Si viperam sineret grassari in sinu,  
 Ducatûs Metropoli.

Rarus scilicet viperam securis manibus tractauerit,  
 In pectore verò sine vitæ discrimine fouerit nemo.  
 Abesse igitur viperinum Ministrorum genus voluit,  
 Cane peius & angue.

ELOGIUM TERTIUM  
 Illustrissimo & Reuerendissimo Antistiti,  
 confederationem militum Lituanorum, consilio & elo-  
 quentia dissoluenti, & stipendiario vexillo, necessita-  
 tibus Patriæ, succurrenti.

D Vm ciuiliū motuum fluctus  
 Patriam iactarent tranquillitatem,  
 Scopulum opposuit, consilij animique robur;  
 Vt illisi dissilirent.  
 Maior Hercule Orator,  
 Qui concatenatos armatorum nexus  
 Felicius dissoluit,  
 Quàm Gallicus ille colligauerat.  
 Quantum tunc Lithuaniae dedit tulitque Tullium!  
 Quantum orbi demonstrauit Demosthenem!  
 Qui linguâ ferrum retudit,  
 Constanti animo aurum respuit,  
 Quod inuicta vincere poterat pectora.  
 Neque modo consilio, incorruptâ in Patriam fide,

Pietate



Pietate ad aras litantē  
 Sed stipendiarij etiam vexilli manu,  
 In coelis pariter ac terris  
 Pro publica militabat salute.  
 Nè ferrum per Patriæ viscera grassarentur,  
 Aurum sparsit,  
 Ut militares contraheret copias,  
 Ecclesiæ & Reipublicæ succenturiatās :  
 Ferro, armorum; & auro, animorum expugnator !  
 O nobilem Præfulum gemmam !  
 O Illustre Ecclesiæ & Patriæ decus !  
 Benè gentilitio Tuo stemmati  
 Annulum inseruere Maiores,  
 Quando tam nobilis gemma gentilitio annulo  
 Aliquando erat inferenda.  
 Adamantem rectè dixero,  
 Superis terrisque, summis infimisque adamantum :  
 Adamantem nullo factorum bellorumq; ictu concussum,  
 Qui ipsomet formidinis occursum  
 Nutriebat fortitudinem ;  
 Cui consilij recteque factorum pabulum,  
 ipsa erant pericula.  
 Nutum Maiestatum tractabat obsequiis,  
 Postulata Procerum moderabatur dexteritate ;  
 Studia populi consilio & ratione flectebat,  
 Dum arbitrum salutis communis ageret.

## ELOGIUM QVARTVM

Illustrissimo & Reuerendissimo Antistiti,  
 causam Dei & cælitum, negotijs politicis anteferenti,  
 & magnanimo zelo, impediendi, ne in Curia Vlnensi,  
 Magistratus, Schismaticum in Consulem  
 Urbis eligeret.

**C**ausam Dei inter primas curas habebat,  
 Exosus illorum genium,

Qui ingenio valere nolunt

Quoties industriam cœlis locare oportet.

Debere oportet Superis,

Vt vicissim illi debeant;

Beneficijs obligare pariter & obligari;

Terras apud Diuos,

Et in terris tueri ornareque Diuos.

Sic ille vitæ rationes disponebat,

Vt non tantum Patriæ, sed etiam Diuis cœlitibus

Atque ideo tantò magis Patriæ prodesset.

Multos ad splendida facinora,

Angustum non dimittit pectus.

Alios gloriæ euanescentis cupido

Incurios reddit immortalis.

Ille sanctiore consilio moderatus vtrumque

Capacem semper ad magna ferebat animum,

Et magna orbi æstimata,

Inter minima nullaque rerum momenta referebat.

Et non Primas, Primusque Magni Ducatus Princeps

Merito audiat?

Qui primas semper Fidei,

Prin-

Principatum Schismati tribuebat nunquam.

Ne Schisma publica dignitate

Adolesceret in caput Urbis,

Suffocauit, dum adhuc glisceret in consilio.

Ingressus Magistratus confessum,

Dum Schismati pararentur clandestino consilio,

Consulares urbis fasces;

Faces quas ardens Præfulus zelus accenderat,

Delitescenti admouit consilio,

Vt in lucem protraheret.

Puduit in tanta Præfulus luce, consilij conscios,

Puduit ad ardentis zeli ignes

Ambitæ dignitatis famam

Euanuisse in fumum.

Ita ambitiosa Schismatis vota

Cum fumum emerent honoris,

Fumo suffocata sunt.

Immortali splendore dignissimus Præsul,

Qui proditum vetusti fastus astusque Genium

Ad perennem damnauit obscuritatem.

Erexisti tum Magnanime Antistes,

Illustre Romanæ Fidei trophæum;

Sed quod Tuæ stabit æternum gloriæ monumentum.

Mérito maximo Magni Ducatus honore

Te ornârunt Superi,

Qui Tuæ maximè securus es magnitudinis.

Maiora etiam à Te accepit incrementa dignitatis,

Quàm Tibi dederit ornamenta.

Submisit ille se amplissimo gloriæ Tuæ splendori,

R 3

Vt



Vt Te sublimem immortalemque eucheret,  
 Sed euectus  
 Ipsam extulisti dignitatem illustrius.  
 Vt dubium sit,  
 An honor Præsulem magis ornârit  
 An Præsul honorem.  
 Collige etiamnum sub Præsulei Pallij amplitudinem,  
 Quos viuis affectu complectebare.  
 Fulge in seram vsque posterorum memoriam,  
 Sacro ornatus Paludamento,  
 Quod Tua Virtus, Merita, præclaraque facta  
 Pulcherrimo opere contexuerunt.

ELOGIUM QUINTVM  
 Illustrissimo & Reuerendissimo Præsuli,  
 Patri Patriæ, & Magni Ducatus Lithuanie  
 Restauratori.

Prodidit immortalibus seculis  
 Susceptum in humeros Anchisen  
 Æneas,  
 Baiulus tanti decoris Filius.  
 Æneus Æneâque validior,  
 Magno præditus pectore Præsul,  
 Non modo Patrem,  
 Sed communem omnium Parentem, Patriam,  
 Baiula virtute,  
 Succolantibus magni animi ausibus,  
 Ex communi ardentis bello Reipub: incendio,

Ad

Ad immortalem extulit lucem.

Æneas ille

Ab æneo forsan pectoris robore

Audiuerit:

Aureum à nobiliore animi zelo

Prædicabit posteritas

Antistitem,

Et fortem labentis Patriæ Athlantem.

Ille Parentis vnus Nomine & censu diues,

Aliud nil ex profundo seculorum ærario extulit:

Hic omnem Lithuani Rutheniq; sanguinis vetustatem,

Suo complexus ortu,

Renouauit oblitteratam,

Adauxit meritis,

Stabiliuit immortalitate.

Ille Patrem extra patriam extulit,

Hic Patriam, nè efferretur ad peregrina scepra,

Seruauit.

Sufficere poterat tanto Muneri,

Bialozoriana in Patriam Pietas;

Quæ in communionem sanguinis & Virtutis

Adsciuit.

Plurimorum Principum iuncta Pietati Nomina:

Scilicet; si fidem damus.

Incorrupto Annalium & Ecclesiastarum calamo,

WISNIEWIECCIOS, OSTROSCIOS, SANGUSZCIOS, ZBARAS-

CIOS, PACIOS, SAPIEHAS, WOŁŁOWICIOS, HLEBOWICIOS,

ZAWISZAS, TYSZKIEWICIOS, IUDICCIOS, &c.

Quos Bialozorianæ Domui

Sanguinis & gloriæ necessitudo coniunxit.

E L O.

# ELOGIVM SEXTVM

Illustrissimo & Reuerendissimo Præfuli ,  
glorioso Maiorum Suorum comitatu vitam mortalem  
ingredienti , & gloriosiore virtutum & meritorum coro-  
nâ , immortalem auspicanti .

**Q**Vanto animorum & annorum consensu  
Stipatus Præful

Æternitatis gloriæque iter ingreditur !

Quanta Antecessorum facinora ,

Pompam fecerunt ingredienti !

Adeant , abeantque è terris alij ,

Nullo stipati gloriæ comite ;

Hunc collata pluribus seculis ornamenta ,

Texerunt nascentem ,

Abeuntem ostentant æternitati splendide ,

Adaucto propriæ virtutis comitatu .

Non est profectò otiosum ,

Sanguinis Nobilitas ,

Ad expectationem gloriæ , argumentum

Magno gradu terras ingrediuntur ,

Maiore gloriæ passu terras deserunt ,

Qui nascuntur splendide .

Spem sibi laborare celsitudinis ,

Recentium est necessitas :

In paratam honorum fidem venire ,

Vetustæ sors est propaginis .

An verò pulchrius sit ,

Per summos honorum apices semper incedere :

An



An gloriosius.

Ex imo se erigere magno nisu in altum,  
Decreuerit æquum Virtutis & Fortunæ suffragium.

Exaggerata gloria est,  
Firmos gressus in alto retinere,  
Et ex alto ad sublimiora assurgere.  
Exaggeratâ gloriâ, maior etiamnum gloriæ laus est;

Non demouisse fastigio,  
Fortunæ generisque celsitudinem,  
Magnarum stirpium transfuga est,  
Qui è sublimi  
Descendit in æternitatem, humilis ignaviâ.

Extulit intaminati splendoris titulos,  
A rectè factis splendidiores,  
Ad seculorum famam,  
Corpore non gloria defunctus,  
Bene semper virtutis officio functus,  
Præsul optimus.

## ELOGIVM SEPTIMVM

Illustrissimo & Reuerendissimo Antistiti,

Hostem è Litvania exigenti, & diu optatam pacem reducenti.

Cum magna accepisset à Parentibus,  
Maiora reddidit

Communi omnium Matri, Patriæ.  
Prælijs lassata Lithuania,  
Sub hoc Præsule primùm respirauit.

S.

Ferro

Ferro hostili prostrata,  
 Assurrexit ad pacem,  
 Sacro Antistitis nixa Fulcro.  
 Decumanis bellorum iactata tempestatibus,  
 Anchoram melioris spei  
 In Pontificio apprehendit Pedit.  
 Cesserunt Arma Togæ,  
 Ut Præfuleam induit Togam inauguratus Antistes.  
 Vbi pedem Lithuanix intulit  
 Gentilitio armatus Viro,  
 Hostem Ducatu exegit.  
 An tot retro sæculorum, robusta Bialozorianæ  
 Domus pectora  
 Expauit hostis?  
 An aureo Stemmatis auiti Annulo,  
 Concordiæ tessera,  
 Cornutis Vri viribus signatâ,  
 Pacem & animorum concordiam  
 Patriæ desponsauit Præsul?  
 Compescuit quispiam ferocientis Maris impetus,  
 Deuoto fluctibus annulo,  
 Quasi etiam efferata sæuientis Ponti indoles  
 Componeretur flexanimo auri munere:  
 Maiore tamen virtute  
 Turbulentas Patriæ procellas sedauit,  
 Pontificio, & Gentilitio ornatus Annulo,  
 Felix Lithuanix turbatæ Caduceator.  
 Rebus igitur Ecclesiæ & Patriæ compositis,  
 Stabilita animorum vnione,

Proh

Proh dolor!

Ipsc Animi Corporisq̃ue Vnionem  
Præmaturò soluit fato.

Omnibus ingentis animi diuitijs  
Et paribus tantæ indoli virtutibus,

Gestis Facilq̃ue,  
Præsule & Magni Ducatus Primate atq̃ue Principe  
dignis,

In Ecclesiæ Patriæq̃ue commoda dispensatis,

Terris cineres reddidit,

Animum sacrauit coelis,

Posteris,

Diuitem virtutum hæreditatem

Velut testamento transmisit.

Plorate Ciues, Optimi Parentis obitum,

Lugete Ecclesiæ, Antistitis abitum,

Patria SERVATOREM grata recole,

Prostratum Vrbis & Orbis Lithuani Caput,  
Venerabunda adora Lithuania.

Mœsta Literarum VNIVERSITAS  
CANCELLARII Funera,

Qua potes venerare pietate.

Omnes sacrorum Prophanorumq̃ue Ordines,

Pijs Præsulis manibus,

Bene precemini atq̃ue litate.



ELOGIVM OCTAVVM  
 Illustrissimo & Reuerendissimo Præsuli,  
 Diuiti Inopum Erario, & communi à fortuna  
 damnatorum Asylo.

**A** Surge Meccoenati Præsuli  
 Prostrata à Fortuna Inopia.  
 Vt ferrea necessitatis tela sustineres,  
 Aureum Præsul pectus opposuit.  
 Vt sinistram superares sortem,  
 Dextram Præsul submisit  
 Liberalitate armatam.  
 Raræ fortitudinis specimen ab eo accipe,  
 Qui domesticâ conflictantes inopiâ,  
 Et pene ad deditionem Virtutis coactos,  
 Fami, dubiæque de Virtute Famæ eripuit,  
 Geminato triumpho Bellator.  
 Tantam gloriæ messem  
 Ex sterilibus desertisque pauperum campis  
 Collegit.  
 Scilicet non fructificant quædam plantæ,  
 Teste Plinio,  
 Nisi steriles inter arenas,  
 Pluribus Posterorum manibus  
 Distractæ opes decrescunt,  
 Augentur in immensum  
 In plurimis Pauperum depositæ dextris.  
 Dum seruantur ab vno  
 Pereunt omnibus.

141

Creditæ omnibus,  
Etiam aucto censu durant integræ.  
Dare quàm ferre opes promptior  
Munificentissimus Antistes,  
Omnium, suas censebat vtilitates,  
Aliorum incommoda suis permutabat commodis.  
Alienæ cupidior inopiæ  
Quàm suæ ambitiosus fortunæ;  
Honestioris generis pauperiem  
Ne erubesceret in publico  
Priuata tegebat ope.  
Abundè Laudis se nactum ratus,  
Si semet conscio fuisset meritis.

ELOGIVM NONVM  
Illustrissimo & Reuerendissimo Præsuli,  
Religiosorum Patri & Patrono, nec non afflicto-  
rum communi Refugio.

**R**eligiosorum egestatem  
Vti nôrat liberis susceptam votis,  
Ita liberaliore ornabat munificentia.  
Cum è Martis ferro  
Ferream induissent indolem,  
Iniquæ sortis tempora;  
Ipse in auream recudit ætatem,  
Non alia arte quàm liberali.  
Experti Sacri Religiosorum Ordines

Profusam Præfulis & Parentis beneuolentiam,  
 Promptiores præuenientis manus,  
 Quàm aduentantium pedes  
 Quandoque dictitabant.

Addit certè beneficijs pondus, spontanea Liberalitas.  
 Quod non nisi demissa fronte extorqueas,  
 Beneficij nomen vix meretur.

Quia caro venditum, nimis caro emptum est.  
 Neque Liberalitatem destituebat Clementiâ,  
 Miserorum querelas tam libenter audiebat,  
 Quàm ferebat illibenter.

Cùm omnes paterno complecteretur animo,  
 Facile benignis etiam accipiebat auribus.

Non modò erga commoda omnium oculatus,  
 Sed etiam auritus.

Dici potuit, erga petentes,  
 Aures habuisse in manibus:  
 Nec defuisse erga supplices  
 Aures in pedibus.

Totus Auritus,  
 Optimè apud omnes audiit.  
 Longiore apud mortales vita dignissimus,  
 Nisi ad immortalem Superi euocassent.

PANE.



# PANEGYRIS EVCHARISTICA

Illustrissimo & Reuerendissimo Antistiti,  
 Almæ Vniuersitatis Vilnensis Cancellario, collapsa lite-  
 rarum domicilia restauranti, atque Academiam Præsulea  
 auctoritate, gratiâ & beneficijs pro-  
 lixè fouenti.

**R**euocatâ ab exilio Patriâ quæ inter bar-  
 bara Moschi Imperia à se exulârat, & Li-  
 thuanio Orbe quem hostile ferrum bellis la-  
 cerauerat, ad sensum pacis composito; Il-  
 lustrissimus & Reuerendissimus Dominus,  
 Cancellarius Almæ literarum Vniuersitatis Academiaq;  
 Vilnensis, in partem curarum quibus sacros moderaba-  
 tur fasces, etiam literariam Lithuani Athenæi Rempu-  
 blicam, tam benignè clementerque admisit, quàm forti-  
 ter strenuèque admissam restaurauit, restauratam pro-  
 mouit, promotam ingentibus ornauit atque condecora-  
 uit beneficijs. Ita nimirum se ad Præsuleos fasces guber-  
 nandos, ornandasq; literas dispensabat; vt non minùs illos  
 præclaris sustentaret factis, quàm has consilio, auctoritate,  
 liberalibus erigeret impensis. Norât scilicet æquissimus  
 rerum Arbiter Præsul iuxta ac Cancellarius Illustrissimus;  
 quanta vi animos moresque subigat licentia, quos cul-  
 tus literarum non præoccupat; norât ciuilis disciplinæ  
 rationem obtuso rationis impetu languescere ac pene e-  
 mori, quàm ingenia literaria exercitatione non vege-  
 tant; norât denique regnorum authoramentum esse lite-  
 ras, consiliorum oracula, virtutum basim, dignitatum  
 plen.

splendorem, publicorum regni munerum animam, ac  
 quoddam humano vigore sublimius Numen. Quocirca  
 bono communi etiam post fata subuenturus, à belli squal-  
 lore ac temporum neglectu, humanam diuinamq; vin-  
 dicauit eruditionem. Contra contemptum suâ sapius  
 ornauit præsentiam, contra inuidiam muniiuit gratiâ & be-  
 neuolentiâ, contra sæculi fastuosi ambitionem extulit au-  
 thoritate. Non minus decorum censebat adire Athænea  
 quàm sacras conscendere exedras. Non minus honori-  
 ficum Laureatos effulgere pro pulpitis Vertices, quàm  
 Insulata pro rostris perorare Capita. non minus laureis  
 quàm tiaris decorari Ecclesiæ Proceres. Vt perenne suæ  
 æstimationis erga literas, in animis nostris erigeret mo-  
 numentum, collapsa restaurauit artium honestissima-  
 rum domicilia. Spectat literaria Iuuentus Munificentia  
 Tuæ Illustrissime Cancellarie, in Palladem argumenta,  
 quæ literarum vice, parietes Tua restaurati ope exhibet  
 legenda. Spectat inquam grata suo Mecænati Sapia, sapientia,  
 dicetq; secuturis posterorum ætatibus, quo affectu fo-  
 ueris Musas, quâ beneuolentiâ exules reduxisti ad Patri-  
 am sedem literas: commemorabit gesta præclareq; fa-  
 cta, quibus auitas Lithuani Athænei immunitates sis tu-  
 itus, neque modò inanibus commemorabit verbis, sed  
 renouato generosioris animi calore, vegetior ad literas  
 nascetur impetus, mentis excutiet socordiam; pectora ad  
 ingeniorum pugnam inflammabit, exhortabitur ad lau-  
 reas Peripatheticas iuxta ac Theosophicas. Et iam co-  
 piofa laudis Tuæ gloriæque materies, Nobilissima Li-  
 thuani, Rutheni, Samogiticiq; sanguinis nominisq; Iuue-  
 tus,

tus, de Tua beneuolentia literis animos instruit, virtutibus excolit mores, præclaram ingenij indolem ad Patriæ subsidium Ecclesiæq; ornamentum format; cùmq; diligentiae suæ gloriam maturâ iam studiorum messe, retulerit, Tibi Tuoque; Nomini gratas necet Laurus, quas barbaro Moschi ferro euulsas, iterum plantasti, consecrastique Præsul ac Cancellarie Academici Athænei meritiissime. Respice iam ab alto, quo beatus, vt piè credimus, degis siderum regno; & exilia extemporalis calami officia, ab affectu æternum Tuo Nomini deuoto profecta, eâ qua olim solebas, complectere beneuolentiâ. Nos Tuis Manibus optimè precati, immortalis litabimus gratitudine.

## PONTIFICIA TIARA

Gentilitijs Regum Ducumq; insignibus exornata, proprioq; Virtutum ac Meritorum splendore illustrata.

*A Celsissimo S. R. I. Principe, Illustrissimo ac Reuerendissimo D.*

**D. MICHAËLE STEPHANO**

Comite in Radzieiowice, & in Krylow, Varmienfi Sambienfi, Antistite,

Atq; eidem, Oratorio Pœticoq; cultu, Nomine Collegij Reseliensis Societatis IESV dicata oblataq;.

**In Stemma Celsissimi Principis ac Præsulis.**

*Regius Vmbo nitet, nitet Astro splendida Luna,*

*Auratis villis Agnus & ipse nitet,*

*Regia Virgo nitet, domitum qua subiugat Vrsus,*

*Et decus Heroum Crux Melitæa nitet,*

*Præsulis ô quanto resplendent Arma Nitore!*


*Præsulis at Virtus Pulchrior ipsa nitet.*

T

Celsissime



Cellissime Princeps, Illustrissime & Reuerendissime Antistes.


 Pontificiam Tiaram Tuam Serenissimis Regum Principumque insignibus exornatam, ac domestico virtutum Tuarum splendore illustratam; cuius Nomini & Honori potius dedicaremus, quàm cuius Sacro Vertici, Polonæ Romanæque Maiestatis manibus est imposita? Infra gloriæ quidem Tuæ dignitatem, fate-mur eam venerationis apparatu, à tenui facundia nostra esse celebratam, sed in Tui cultum humili procumbenti-que facilè ignoscas eloquentiæ: vtpote, quæ ad Principis ac Præsulis sui fastigium accessit venerabunda. Dum Cœlitum Vicaria in terris Numina, Honor ad publicam venerationem extollit, nemo in debitâ Maiestatis obseruantiam, sese composuerit cultiùs, quàm qui humiliùs, nemo Honori assurrexerit decentiùs, quàm qui infra Honoris fastigium sese demiserit profundius. Et certè, quis Diuinos sacræ Tiaræ Tuæ honores, satis sublimi extollat encomio? quis sat amplâ exæquet Panegyri, vastissima Regum & Ducum auita decora? quæ in Præsuleæ purpuræ Tuæ splendorem, Sanguinis æquè ac virtutis vinculo sunt conserta? illustrior multò ac augustior sacrorum Fascium materies est, quàm vt angusto dictionis ambitu concludatur. Magis adoranda silentio, tot Heroum, Tecum cognata Maiestas, quàm ymbratili verborum splendore non tam illustranda quàm veriùs obumbranda. Effulget in ipso dictionis limine

Rena-

Regnatrici Serenissima SOBIESCIORVM Domus, quæ cognato Te nobilitat sanguine, in Illustrissima Tua Auia, CATHARINA à Sobieszyn SOBIESKA, Palatini Lublinensis Filia. Resplendet vetustissima Comitum Heroumque genitrix Tarnouiana Familia è qua in Illustrissima Heroïna EUPHROSINA Comitissa à Tarnow, Filia Illustrissimi JOANNIS Comitissæ à Tarnow, Castellani Zarnowicensis, maternum trahis sanguinem, sæpius in Tarnowiorum & Radzieiowiorum Domo, sacro coniugij foedere ad immortalem sociati nominis gloriam coniunctum: tum Serenissimi Regis MICHAELIS Serenissimæ Matri Comitissæ à Tarnow, tum Illustrissimo CONSTANTINO Duci in Wisniowiec & Zbaraz WISNIOWIECKI, Palatino Belzensi, nec non Illustrissimis Ducibus in Ostrog, tum maximis Sarmatiæ & Lithuanix Heroibus ZAMOISCIIS, LVBOMIRSCIIS, LESCINIIS, KAZANOWIIS, FIRLEIOVIIS, RADZIWIŁIIS, SAPIEHIS, ROZRAZEWSCIS, cæterisque compluribus. ut non ex vano verendum sit, quod in coeli Illustrissimum Sidus, oculos intendentibus usu venit, ut repercussâ acie tenebras è luce colligant; ita è coelo Tuo Gentilitio Serenissimis Regum & Principum Solibus corusco, caliginem in vicem splendoris perstricta referat oratio, labemque inflictæ à luce obscuritatis reportet, dum in Tui Honorem, è tanta Heroum gloria dictionis splendorem elaborat. Verum iniquus hic, non Tuus fulgor est, qui intentum in venerationem oculum reuerberet. Gaudet oculi testimonio luculenta Virtus, & Illustria facta, ad cultum inclinant intuentium animos. Non rarò ab Augusto sole visum

firmari sensimus qui laboranti oculo intrepidam firmavit aciem. Talis à Gentilitijs Tuis Armis labitur splendor; scilicet, quem Serenissimum Regnatricis Maiestatis Scutum, Solis instar vibrat; vibratumq; plenis radijs, Tuæ circumfundit Tiaræ. Talis à domestica Luna Tua, stellisque Principum auitâ luce signatis, in publicum fulgor spargitur; qui circumfusam vndique errorum nocte Varmiam, magno Nominis Tui ac Præsuleæ dignitatis splendore serenat; nouoque serenitatis prodigio, medias inter Hæresum tenebras, meridianum lucis orthodoxæ Solem in Varmienfi Horizonte exhibet. Talis è placido Agni Tui vultu promicat candoris radius, qui Te non vano omine, Candidatum Varmienfis Agni Pastorem, iam in auito stemmate multis retro temporibus præsignauerat; vt non immeritò Tibi pro insignibus, Candorem & Innocentiam Agni præferenti, Varmiensium Agnus conueniat pascendus: vtpotè qui medias inter Hæreses, à seruata Orthodoxæ fidei integritate, semper fuit Candidus, semper floruit Innocens. Neque à florentissimo Prosapia Tuæ campo, in quo Illustrissimi Generis Gloriæq; Hæreditarius Tuus pascitur Agnus, sterilis virtutum atque meritorum messis refulget. Tanta est, quæ Nomini Tuo ad immortalitatem alendo abundè sufficiat. Firma nimirum sunt & immortalia Heroum stemmata, quæ virtutis integritate, solidissima gloriæ basi conniuntur. Nil adeo breui temporum cursu, Regnorum & Illustrium stirpium magna Nomina in ruinam præcipitauit, ac desertus Numinis Virtutisque cultus. Celeri ab hinc fato, magna rerum & gloriæ momenta sunt euer-

la.



sa. Stant firmiore posterorum & Honorum serie, Familiarum trophæa, stabuntque suspicienda æternitati, quæ sincera validiorque ferro ac moenibus virtus custodit; & contra temporum fortunæque insidiantis vices, amicâ coelo & æternitati munit innocentia. Habes huius tesseram typumque Innocentiæ, Gentilitium Agnum, qui ab intaminatis Tuis magis candicat moribus, quam nivo fulgeat velleris candore. Accedit huic illustre incorruptæ virtutis & gloriæ testimonium; integerrima seu Fidæi, seu Iustitiæ, seu Pietatis, testis Virgo; Gentilitio Tuo insidens Vrso triumphatrix. quam bellica Maiorum Tuorum facinora, prostratis devictisque immanissimis Turcarum ac Tartarorum hostibus, ceu indomitæ Vrsis, in perennes suæ victoriæ duxerunt triumphos. Stat victrix Virgo, æternum Martis Vestri trophæum! Triumphat astris genita Altræa, iam domi Vestræ incola; nec minores agit triumphos in Præsulis sui pectore, quod Dei Cœlitumque sacro succendit zelo. Cœlitum sede, nec minùs gentilitio Antistitis coelo, oriunda Virgo, expansis brachijs Varmiam complectitur; tanquam à servato Romanæ fidei illibato flore amicam Virginem, Tuæque fidissimæ curæ, auspicato nuptiarum Agni omine desponsatam. Fortunata Gentilitij Tui & Varmiensis Agni Societas! Pontificio subarrhata annulo, Regij Martis Scuto, contra fortunæ gloriæque hostes communita, celsissimis denique Principum ac è Cœlo deriuatis lunæ siderumque insignibus, ad immortalem Nominis splendorem exornata! Venerare fortunam ab Agni Candore bono omine faustam, & liberales Po-

li atque Polonarum Maiestatum fauores, in tanto adora  
 splendore Varmia! Iam tandem post luctuosam illam  
 vicinarum Prouinciarum ab amico auitæ fidei nexu de-  
 fectionem, læta capesse solatium; dum amplissimam  
 Heroum domum, orbis Poloni Imperatorias Maiestates  
 complexam, in tuorum accessionem gaudiorum, ac Dico-  
 cesani Agni dotem & ornamentum, secum Illustrissi-  
 mus Præsul infert. Scilicet non solus is magnifico suæ  
 gloriæ apparatu, ac longè lateque comitantium virtu-  
 tum coronâ cinctus, tecta tua subit. Stipant Antistitis  
 latera, Domestici Nominis Proceres, Prima Lechiæ Nu-  
 mina, longâ retro ætatum serie celebrata. è quibus pau-  
 cos indigito recenti etiamnum famâ superstites; ANDRE-  
 AM RADZIEWSKI, Palatinum Plocensem, Heroem Mar-  
 tis & Palladis gloriâ, orbis Poloni terminos præterue-  
 ctum. Cuius capacissimum militarium rerum animum,  
 ipsa prætexta sat edocuit, dum generosis ausibus annos  
 antegressus, proprio testatus est exemplo, omnem æta-  
 tem sat adultam esse virtuti; quando rarâ virium for-  
 titudine Gotico formidandus Leoni, non semel validas  
 illius repressit fugauitque cohortes; gloriosissimus etiâ  
 in hostium ore celebratus Achilles. Huius non degene-  
 rem à præcellis cogitationibus Filium, STANISLAVM RA-  
 DZIEWSKI, Castellatum Gostinensem, Curia Regni  
 Mareschaleum, tantis amoribus prosecuta est Maiestatû  
 beneuolentia, vt ob tersissimæ laudem eloquentiæ, & su-  
 blimum consiliorum promptitudinem summis eum de-  
 stinaret regni dignitatibus, nisi digniorem immortalibus  
 honoribus censuisset præmiator maturæ in immatura æ-  
 tate

tate virtutis Olympus. Verùm ætatem suppleturus, re-  
 cte factorum gloriam in paterni sanguinis & magni No-  
 minis Hæredem transcripsit; & Sarmatia vniuersa susce-  
 pit, STANISLAVM Palatinum Lenciciensem; tantæ apud  
 Polonas Maiestates authoritatis, vt non modò Serenissi-  
 mus Poloniarum Rex SIGISMVNDVS, eundem sæpiùs cum  
 tota Regia Domo familiariter inuiferet, verùm etiam in  
 illius tanquam magni Athlantis, Patriæque Patris pru-  
 dentissima consilia, grauem Regiæ gubernationis molè  
 reclinaret, iisdemque fulciret. Hoc Heroe maximo pro-  
 dijt HIERONYMVS Regni Procancellarius, Lomzensis,  
 Bielscensis, Solecensis, Varecensis &c. Capitaneus, Illu-  
 strissimus Tuius PARENS, vir summis naturæ dotibus or-  
 natissimus, nulli non fortunæ inuictâ animi fortitudine  
 semper par: in quo sera seculorum memoria mirabitur,  
 raram Herois cum fortuna luctantis Tragædiâ. Qui de-  
 cumanis fatorum tempestatibus tandem pacatis, com-  
 munibus Reipublicæ votis ad Portam Othomanicam  
 Orator Magnus destinatus, in publica hac & perardua  
 functione, Orbis Christiani negotium sustinendo agen-  
 doque, diem pro Patria & bono Christiano clausit ex-  
 tremum. Magnanimum eius Cor grauissimis ærumnis  
 exercitum, Hierosolimam tanquam à calamitatum Cru-  
 cisque fama celeberrimam urbem, transportatum, Pati-  
 enti Triumphantiq; DEO, ad eiusdem gloriola trium-  
 phalis sepulchri trophæa, in perennem Herois in Polo-  
 næ & Orthodoxæ rei expeditione, vitâ & ærumnis glo-  
 riosè functi honorem, ceu votiua Natorum gratæque  
 Posteritatis Lampas lucet appensa. Cui æquissimo en-  
 comio



comio epigraphen quispian inscripsit. Inuulnerabile est, non quod non feritur, sed quod non læditur. Cines in Patriæ gremium, Maiestatum Regiam Sedem, Var-  
saviæ illati, in Auito Maiorum Mausolæo, publicâ re-  
gni Procerum pietate litante, sunt repositi. Taceo im-  
mortales alios paterni ac materni sanguinis Tui Maiores,  
qui collecto plurium sæculorum splendore, Principi-  
bus Regni Dignitatibus, Officijsque ornatissimi, longè  
latèque suæ ornamenta gloriæ explicant; atq; Te ingre-  
dientem, Illustrissimâ circumdant coronâ. Illum Meliten-  
sis Martis meritissimum Ducem, complurium bellorum  
gloriâ, Othomanicis viribus formidandum, silentio hic  
præterire nequeo. Scilicet MICHAELEM KORNIAK, qui  
cùm victricia Melitensium arma Dux agminum, terra  
marique circumtulisset, & Illustri militaris Nominis fa-  
mâ non modò amplos Candiensium Insularum, Ocea-  
ni que tractus impleuisset, verùm etiam Othomanicis  
Imperijs, Martiæ suæ virtutis formidinem & veneratio-  
nem incussisset, tandem è patrio Candix solo, comitan-  
te gestorum gloriâ, & compluribus gloriosissimæ suæ fa-  
miliæ cognatis, ad Poloni Martis campum sese transu-  
lit, Patriam extra Patriam nactus. quàm dum celebri-  
bus è Turcarum Moschorumque clade relatis victorijs  
Matrem sibi peperit, perenni meritorum iure ad publica  
præmia Honoresque patrios obstrinxit. Ex huius Pro-  
sapix gloriosissimo sanguine Maternam ducis Aviam,  
CATHARINAM de Bialoboki KORNIACIOWNAM Heroinam  
fortunæ animique ornamentis laudatissimam. Fulget à  
victricibus Melitensis Herois huius signis, triumphali  
Crucis

Crucis trophæo, Pontificia Tua Infula, non secus ac pretiosissimo resplendet coronatus hyacintho annulus, aut Imperatorij sideris gemmâ stellatus coruscat Orbis. Crux enimverò prima Princepsque Cæsarum & Regum Christianorum gloria, vt adoratis orbi verticibus insedit, illico vniuersa orthodoxi orbis diademata, Heroumque insignia, diuinâ nobilitauit Maiestate. Hinc Martijs Ducum Scutis, victrix fortitudo, Regijque splendor Nominis; hinc Gentilitiæ Tuæ stellis redimitæ Cynthiæ, augustior lucis dignitas; hinc domitrici immanis feræ Camillæ impavidū pectus, hinc denique triumphatori Agno, victoriæ Honorumque omen faustissimum. In hoc Crucis Tuæ signo, gentilitia Honorum & Armorum vniuersa coronantur insignia. Quanta verò hinc & quàm illustria encomiorum argumenta Tibi nascuntur CELSISSIME PRINCEPS, quàm copiosa laudum Tuarum seges, quàm diues gloriæ Tuæ messis! Conuolant hæc omnia, & quasi agmine facto, longa præclarissimorum factorum serie, in Præsuleæ Dignitatis Tuæ aggratulationem, Diuinique Honoris venerationem hodie circumstant, flexoque poplite, Magnum Virtute ac Fara Antistitem adorant. Inserunt sese nullo orationis numero recensenda Illustrissimæ Domus Tuæ decora, & cœu innumeræ stellantis poli gemmæ, venerandum Præsulis adornant diadema. Cui, artifice virtutis Tuæ dextera insertæ, plene Præsuli honoris conferant, an à Præsule dignitatis referant, in sociata mutux lucis Maiestate, difficile est censore dignoscere oculo. Accipe interim CELSISSIME PRINCEPS, ILLVSTRISIME PRÆSVL, exile sinceræ venerationis

tributum, quod ab officiosè concinnatis laudum lenocinijs, alienum esse aduerteres. Populare studium & fauorem, calamus noster non sectatur; vtpotè quem à blandiendi periculo fors religiosa procul remouet. Æqua ratione in Dei encomijs, ac vicariam Dei potestatem sustinentis Præsulis laudibus, Religiosos nos esse decuit, & oportuit. Nihil hic quisquam in tenui dictionis labore reperiet, quod assentatio supra meritum attollat; cum exaggeratæ Tuæ virtuti, ac ad maxima erectæ indoli, nulla par afferri possit encomiorum magnitudo. Admitte igitur Minimæ Societatis IESV sub amplissimo Patrocinio Tuo, Clientes seruosque minimos, & cùm minùs nos verbis expressisse, quàm animo paraueramus, legeris: Tu Magnitudinis Tuæ ac Celsitudinis conscius, non minimis nostris laudibus, sed maximis Tuis virtutibus, ac Tuâ CELSISSIME PRINCEPS & PRÆSVL magnitudine Te metire, nostræque tenuitati de Tuæ gloriæ amplitudine adde complementum.

## S P L E N D O R T I A R Æ

*E Domestica Illustrissimi Præsulis Luce refulgens.*

Pulchrum Gloriæ Decus,  
 Quod domesticis partum est laboribus.  
 Alieno censu splendores adsciscere,  
 Raptis est ditescere opibus.  
 Inter noctis tenebras nascuntur sidera;  
 Quæ alieno Solis irradiant lumine.

Lucem



Lucem orbi ostentant  
De nocte.

Ita nimirum

De alieno aduentitius splendor,  
Aut obscuræ, aut dubiæ lucis,  
Notam habet.

Regij sideris lux est,  
Lux Tuæ Præsul Tiaræ;  
Non secus ac Sol, Siderum Princeps,  
Proprio coronaris splendore.  
Ne coelico Tiaræ splendori desit,  
Æstimatus terris fulgor,  
Fulget & ab auro pretiosa.  
Sed quod Virtutis labor,  
Non sacra collegit fames.  
Quod profusus Maiorum sanguis,  
Meritis inscripsit,  
Vt esset Gloriæ Pretium.  
Quod Proemiatrix Regum Dextera,  
Tiaris Laureisq̃ue signavit,  
Vt fieret Honorum Proemium.  
Si Præsulei materiem Diadematis,  
Scruteris curiosius,  
Domestico ea quoque auro constat,  
De aureæ virtutis vellere,  
Contexta.

Non hanc peregrina Phrygum manus,  
Non dolosa Iasonis ambitio,  
Sed innocua Præsulei Agni merita

Virtusque & Sapientia  
elaborarunt.

Dignus & hic Agnus  
Obinuictam Maiorum fortitudinem,  
Ob calcata Martis Mortisque pericula,  
Diui nos Tiaræ capessere Honores.

Qui

Inter mille aduersorum ictus

Inuictus;

Diuini genio Agni præditus,  
Ab ipso iniquæ sortis casu,  
Ad sublimius gloriæ fastigium,  
Summo Urbis & Orbis Antistitis oraculo,  
Polonæ Maiestatis votis

Suffragante,

Est prouectus.

Ita Heroum præcelsæ Mentis  
Fatorum vi nonnunquam premi,  
Opprimi possunt nunquam.

## ILLVSTRE DECVS TIARÆ;

Gentilitio Illustrissimi Præsulis Agno refulgens,

**I**llustriorum sub Ioue siderum  
Quæ regnat inter Martia pectora  
Reginâ libertas, Polumque  
Consilio Lechicum Senatus  
Supportat Atlas; non sine regio,  
(Ceu Sole summo Principe siderum)

Terris

*Terris adorato Polonis*

Numine; Quis video quis Agnus  
 Augusta Tempe candidus incolit?  
 Quà pulchra Chloris, diuite glorie  
 Exornat arua messe, auumq,  
 Et proauum atq; abauum coronam,  
 Ceu purpuratos Elisijs Polis  
 Figit pyropos, florida sidera,  
 Lunamque stella(que & corusca  
 Signa Crucis, Clypeosque plantat;  
 Isthic quis Agnus Pasua glorie  
 Heroum auito sanguine consita,  
 Ceu dapsiles herbas, Thasiq;ue  
 Nectareas lacrymas reuellit;  
 Mixtas acanthis ac violis rosas,  
 Sexcenta auita symbota purpura,  
 Victoriarum sanguinisque,  
 Atq; toge radiantis auro,  
 Plantata campo stemmata florido  
 Quis carpit Agnus nectarea Ducum  
 Conuiuia mensa? quam Deorum  
 Ambrosia dapibus coronant.  
 Stat Martialis stemmate nobili  
 Chorus Deorum & Numina Lechia  
 Insculpta ceris stant vetustis,  
 Scipiadium magè clara factis.  
 Tantas quid inter Dux acies agit?  
 Tondere campos aptior & sata



Agnellus insons? quàm Graduum  
 Sarmatia redhibere campo?  
 Quin cordis expers, ô timidam pecus!  
 Dum Martiarum fulmina glandium  
 Rauco per obiectos fragore  
 Massagetum reboant acervos,  
 Ceu tortuoso Vulturis impetu,  
 Quem prada in agros dira fames rotat.  
 Agnelle vix visis sarissis  
 Cum capreis tremulisque cervis  
 Ibis sub antrum. At quid pavidas canis  
 Clio latebras? quid profugum retro  
 Celsisset? quid campos metentem  
 Purpureos, dape quid Deorum  
 Vesci? Umbra cedat, cedite condita  
 Sphynxis tenebra, clara age tinnulos  
 Latos nervos, ut canoram  
 Solicitante chelym Thaliâ  
 Noscamus Agnum. Dic age tibia,  
 Desiste sensus ire per abditos,  
 Agnus quis Heroas Polonos  
 Inter agit Lechicumque Martem?  
 Agnosco Vellus, Velleris inclytum  
 Agnosco Stemma. En mille pericla per  
 Per mille fortes, Agnus iste  
 Palma velut resupina, tollit  
 Sublime frondes, dum grauior trahit  
 Sors in ruinam, pondere ab incubo  
 Victrix resurgit, erigitque  
 Vsq̃ue sub astrapilos, triumphat

Palmaris arcem. Sic venit arduo  
 Ad summa nifu, velleris aurei  
 Plus aurea virtutis Agnus,  
 Sarmatiae Procerum Ducumque  
 Et purpurati sanguinis inclytus  
 Agnellus Heres. Dignus ut ardua  
 Sortis triumphator, Togasque  
 Prasuleasque metat Coronas.  
 Non is perenni faenore diuites  
 Gazas, agrorum demetit, aut sacro  
 Illectus aestu, auro comantem  
 Caesariem arte legit dolosa;  
 Ut Thessalorum iuncta ope Principum  
 Aurata lasen detulit arietis  
 Dona, & trifaucem consopiiuit  
 Auriferi nemoris Draconem.  
 Gazas sed auri diuite dextera  
 Ceu liberali depluit alueo  
 Fons indigentium, quando Prasul  
 Varmiacas pede tangit oras.  
 Chersona qualem nectaris alueum  
 Spectauit Agni prolicitum pede,  
 Siticulosi Prasul olim  
 Quando gregis recreauit aestum.  
 Hic Agnus ille est, ceu nouus aethere  
 Phœbus, gementis nubila Varmiae  
 Qui terget, & candente bysso  
 Inuocans sacra liba Mystes!

Litabis

Litabit, ipse Antistes & Hostia!  
 Hunc pone auito stemmate Cynthia  
 Cognata fulget, qua repulsi  
 Hæreseos tenebris, Sophorum  
 Diuiniore dogmâ scientia,  
 Et doctioris iura Panatij,  
 Morumque doctrinaque lucem,  
 Sambiacis referet Cathedris.  
 Hic Agnus ille est, quem domito sacra  
 Urso triumphans subsequitur Themis,  
 Martisque protritæ phalangas,  
 Et Soleam & iacula in triumphos  
 Ducit, corusco non sine Regij  
 Splendore Scuti, quo stygijs citas  
 Antris Erinnæ, & cruentas  
 Exiget Agnus hydras, hiantes  
 Æternam vomantes gutture, & efferos  
 Rictus Chymææ, & capripedes boues,  
 Mille hæresum errorumque monstra,  
 Ad Garamantas & usque ad Indos.  
 Hic Agnus ille est, quem comitans nouos  
 Fortuna Soles aurea deuehit,  
 Et messe facundâ venustos  
 Lata Ceres relegit Penates.  
 Pax Pax quoque Agnum Candida olorbis  
 Albis secuta, ite commoda manibus  
 Optata Præsis inferre, & sub Agni  
 Auspicijs reparare uitam

Sortens;



Sortem, ercentis frena licentia  
 Ligare vinclis, fœdere dissitos  
 Connectere, annososque ritus  
 Ad patrios reuocare mores;  
 Lègesque primas, iuraque Ciuium,  
 Deliberantis prouida Curia  
 Decreta firmare, & fauore  
 Vnanimes sociare mentes.

O Candidorum candidior niue  
 Agnelleolorum! Progenies Poli,  
 Nutrita cœlesti Latina

( Pasce Tuos ) Pietatis aula.  
 Sic Varmia orat; sic Procerum sacer  
 Orat Senatus, cunctaque Ciuium  
 Corona & vniuersus ore  
 Vnanimi populus precatur.

## FVLGOR TIARÆ,

E Peruetusta Illustrissimi Præsulis Familia, Regibus  
 Ducibusque cognata,

**A**B Augusto Regum sanguine,  
 Non minùs Tiaræ quàm Purpuræ,  
 Maiestatem trahunt.  
 Illæ cœlis cognatam; hæ terris sublimiorem.  
 A vertice tuo, Illustrissime PRÆSVL,  
 Celsitudinem nacta Tiara,  
 Maiestatum Cognatione eam altiùs attollit.  
 Dum Frontem Tuam ambit,

X

Regum

Regum Ducumque simul Verticem,  
 Ceu cognato tecum sanguine coniuncta fastigia,  
 Serenissima MICHAELIS & IOANNIS Sceptra  
 Coronat,

Quantus Tiaræ fulgor!  
 Quæ & Regum est Diadema & Præfulum Infula!  
 Tantam nihilominus splendoris & Generis Celsitudinem,  
 Prima duntaxat Tiaræ fundamenta,  
 Censuisti.

Quæ  
 ut ad apicem erigeres,  
 Maiorum bene coeptis,  
 Operosas Virtutis & Sapientiæ manus,  
 Admouisti,  
 Usque dum ad coronatam Tiarâ coronidem,  
 Ipse Tuæ fabricator fortunæ,  
 Pertingeres.

Generis igitur æquè ac Virtutis Pretio,  
 Illustrissimum ac meritissimum Diadema  
 Princeps & Præsul comparasti.

Sapienter ratus,  
 Pondus intolerabile incumbere Honorem,  
 Quem Virtus non fulciat.  
 Nec purpuras Heroum sanguine tingi  
 Ad splendorem,

Si intaminatis moribus innocua  
 non fulgeat vita.

Fumosas Auorum imagines,  
 Exincti monumenta Nominis,

Emor-

Emortuæ tumulos gloriæ,  
 Etiam Tu sublimi sensu censes,  
 Dum Magna stemmata,  
 Posterorum factis non animantur.  
 Nutris igitur in florentibus Maiorum Campis,  
 Inter vberem auitæ gloriæ Messëm,  
 Virtutis Tuæ innocentiam  
 Agno effigiatam.

Et quis  
 Gloriæ emorituram metuat?  
 Cui ad immortalitatem Nominis alendo  
 Noua semper succrescit Virtutum tuarum seges?

Quin  
 Adorata Astris Agni Maiestas,  
 Dum Tiaræ Tuæ inserta,  
 Gemmæ instar elegantissimæ coruscat,  
 Longè lateque Tui Venerationem spargit,  
 vsque.

In perennem temporum memoriam.  
 Mitto alia illustrissimæ Domûs decora.  
 Nam pendent hîc illius Arma  
 Hîc clypei galeæque & Martia signa virorum.  
 Ignaui Ducum Nepotes  
 Hæreditariam gloriam  
 Vt. alienam à se, obliuione tumulant,  
 Succinctus æmulatione animus,  
 Aliena decora facit sua.  
 Tu Virtutis studio,  
 Hæreditaria Domûs decora,



Ita Tiaræ Tuæ inferuisti;  
 Vt factis simul expresseris  
 Magnum Tiarâ Antistitem.

Quanto proinde fulgore, Tiara Tua collucescat,  
 Mirabitur olim sera posteritas, & dicet;  
 Celsitudine Generis, Regum solia adæquat,  
 Cognatione, Principes complectitur Familias,  
 Splendore gloriæ, Cœlorum insignia participat,  
 Sapientiâ denique & Virtute, maiora PRÆSVL meritis,  
 Quàm Honoribus sit consecutus.

## MAGNUM TIARÆ ORNAMENTVM,

*E Sapiencia Illustrissimi Præsulis refulgens.*

**N**atalium ortu coruscanti Tiaræ,  
 Vt in perpetuas stellaret æternitates,  
 Sapientiæ fulgorem,  
 Theologiæ Iurisque studia emensus,  
 Addidisti.

Cui feliciter nasci contigerat;  
 Bene quoque institui conveniebat,  
 Palladis lauræa exornari decebat apud exteros,  
 Quem Martiæ Maiorum Laurus  
 Domi ambiebant.

E domestico igitur Agni Campo,  
 Ad Sapientiæ theatrum,  
 Pragensem literarum Vniuersitatem,

Pro-

Profectus:

Coronandum Tiarâ Caput,  
Capacem magni Honoris animum,  
In Sapientiæ domicilium  
Prius Consecrasti.

Difficile scilicet fore ratus,  
Vt Gloria Honorque ibi pullulent,  
Vbi sterilefcit Sapiaentia.

Et certè,

Fertilis ingenij Tui ager,  
Magnas honoris & scientiæ spes,  
Non diu aluit in herba.  
Nullius indigus ferulæ,  
Ostendisti,

Nec agris fertilibus nec felicibus ingenijs,  
Esse imperandum.

Manfuetioribus iuxta & feuerioribus excultus literis,  
Emeritam Sapientiæ lauream,  
In florentiffimo Parisiorum Athenæo,  
Lilijs exornasti.

Par Agni Gentilitij & Sapientiæ Diuiniore Genijs,  
Pasci inter Lilia.

Collecto inde Candoris succo,  
Qui nutriendis Agni innocuis virtutibus  
Suppeteret;

Fœcunda virtute  
Ad Honorum messem maturuisti,

Quam

SVB AVGVSTIS SOLIBVS,

X;

IOANNE

166  
IOANNE CASIMIRO, MICHAELI I. & IO-  
ANNE III. SERENISSIMIS REGIBVS,

Collegisti,  
Felix Spicilegium,  
Quod  
Sapientia,  
PRÆSVLIS Tiara  
Coronauit.

## CLARITAS TIARÆ

*E Collectis apud exteras Nationes Ornamentis.*

QVibus itineribus  
Ad calentia peregrino Sole Regna  
Virtutis & Gloriæ Stadiodromus,  
excurristi;  
Iisdem callibus, ad Honoris Capitolium contendisti.  
Non passa,  
Parandæ gloriæ deesse viaticum,  
Serenissima Poloniarum Regina Ludouica,  
Peregrè Tibi Proficiscenti,  
Comitem adiunxit, Regiam beneficentiam.  
Dignum Poloniarum Maiestate impendium,  
Quod in Poloni Nominis Heroas erogatur.  
Recepit cum fœnore Respublica,  
Quidquid ad ornandam regiæ spei Indolem,  
Liberalis Maiestatum dextera locauit.  
Retulisti Politicæ Diuinæq; sapientiæ,  
Splend.



Splendidissimas Gemmas,  
 Quas  
 Tum ad exornandam Rempublicam,  
 Illustrissimus Regni Senator,  
 Tum ad Pontificiam Tiaram collustrandam,  
 Sapientissimus PRÆSVL,  
 Conuertisti.

In Principe Orbis Vrbe diuersatus,  
 Vaticanæ Religionis Principem Maiestatem,  
 Ita oculis animoque vsurpasti,  
 Vt virtus Honorque,  
 Præsuleam in te exarârint Tiaram.  
 Cuius typo formando,  
 è compendio nationum & regnorum,  
 Literarum culturam, Morum elegantiam  
 Et magnarum virtutum apparatus  
 Collegisti.

Ad Ecclesiæ gubernacula,  
 Matura iam virtute  
 Admotus,  
 Vitæ Magisteria, gregi instituendo,  
 E morum factorumque fastis exhibes.  
 Præclara priscae ætatis monumenta  
 Prudenter ratus,  
 Quæ recentibus obsignantur factis,  
 Neque otiosus

Pernoluisti vetustatis testimonia,  
 Quibus Tua virtute adiecisti suffragium.  
 Redux verò ab exteris,

Diuesque

Diuesque non peregrinis, quia iam Tuis ornamentis;  
 Domesticum Regum extitisti delictum;  
 Morum & Musarum cultu,  
 Æstimatum.  
 Expositus in publico Maieftatum theatro;  
 Non personatam exhibuisti virtutem,  
 Sed summo Principum iudicio,  
 Censorique aulae oculo,  
 Ita sinceram probasti;  
 Vt æstimarent  
 Magnis Ecclesiae & Reipublicae dignam  
 Honoribus.

## DIGNITAS TIARÆ.

*Præiis Honorum titulis ornatissima,*

**G**Loriæ præmaturus,  
 Ætatem otiosorum,  
 Meritorum annis anteuertisti.  
 Non patitur celer in virtutem animus;  
 Tarda ætatis molimina;  
 Nec annorum spatium;  
 Sua supputat præmia Honor.  
 Sacro Procerum Senatui,  
 Varſauiae ad Regiam Diui IOANNIS Basilicam  
**SERENISSIMI REGIS IOANNIS CASIMIRI**  
 Gratiâ inauthoratus;  
 Postea Cracouiae

Dignif.

Dignissimus ad S. MICHAELIS Angelorum Principis,  
SERENISSIMI POLONIARVM REGIS MICHAELIS calculo,

Constitutus Præpositus;

Non tam Archangelî cognomento,

Quàm illibata Principis virtute

Michaellem Præpositum Paradisi,

Quia Ecclesiæ,

Non dispari nominis munere

Te probasti.

In Oriente Honoris constitutus,

Magnis ad illius meridiem passibus decurristi;

Oculatissimus semper in virtutis cursu,

Ne aut in fortunæ sinistram aleam,

Aut floridæ oblectamenta ætatis,

Aut confinem ætati temeritatem

Impingeres.

Collegisti in decursu

Illustres Ecclesiarum Honores,

Donec ad Metam,

Adultum Honoris diem,

Eluctatus;

Radijs Præsuleæ Tiaræ,

Meritissimum verticem inseruisti

Felix gloriæ stadiodromus!

Qui inoffenso pede

Ad usque terminalem Honoris Columnam,

Pontificios fasces,

Decurristi.

Tanti scilicet est



Inauthoratum virtutum gloriæque studijs  
 Principem,  
 Maiestatum impensis,  
 Ad Honorum fastigia deduci!  
 Tanti est,  
 Regum ductu & auspicijs  
 Publicæ gloriæ consecrari.

## CÆLESTIS LVX TIARÆ;

A CÆLO,

Gentilitiâ Lunâ & stellis exornatæ.

**A** Surge magnis gloria passibus  
 Honorque sacro PRÆSVLIS effedo  
 Effultus, altum per Borussas  
 Regna super populosque famam  
 T sparge terras. Varmia Principe  
 Nouo triumphat. PRÆSVLIS Insula  
 Dic, fronte consedit serena,  
 Æthereis decorata flammis.  
 Paruum est nitentis Chrysoliti iubar,  
 Sunt parua vilis fulgura laspidis,  
 Flammisque gemma complicatis  
 PRÆSVLIS auricomâ minores  
 Splendent Tiarâ. Lumina scilicet  
 Auita celsò ducit ab athere  
 Stellasque Lunamque & Polorum  
 Omne decus patrijs reponit  
 Ceris Honorum. Hinc PRÆSVLIS Insula  
 Miro coruscet Lumine Cælitum

Quam

*Quam dextra clavis texit actis.*  
*Purpureisque poli pyropis*  
*Virtus adornat. Sic Superis placet.*  
*Virtutis ausus pingere honoribus.*  
*Virtus Tiaras elaborat*  
*Promeritasque vehit Coronas.*  
*Virtus ab alto, Nil generis iubar*  
*Et liberalis Gæza peculij.*  
*Nil Principum cere superbo*  
*Sanguine condecorant Tiaras,*  
*Si facta desint germina gloria,*  
*Et Insulati Nominis artifex,*  
*Splendorque doctrina coruscus,*  
*Claraque Religionis ausa.*

## ILLVSTRISSIMA TIARÆ DECORA.

È

PRÆSVLIS Religione & Pietate.

**M**agnarum coepta virtutum  
 Ad culmen feliciter eduxisti,  
 Quia constans in Coelites Tua Pietas  
 Inconcussam Tibi posuit Basim.  
 Qui multum Religionis studio pendit,  
 Officiosus Numinis Cultor,  
 Cultu beneficio Numinis  
 Plus aucupatur honoris.

Y 2

Ita eti-

Ita etiam Coelitus ingenio,  
 Magis in honorante quàm honorato  
 Honoris resplendet pretium  
 Cùm plurimùm Optimo Maximo debeamus Numini,  
 Minus semper est quod damus  
 Venerationis debitum :  
 Maius quod recipimus,  
 Honorarij cultus præmium.  
 Adeò mutuis obseruantiaè studijs,  
 Summus cum infimo,  
 Maiestas certat cum Mancipio.  
 Non immeritò igitur  
 Honoris Diuini partes tueri,  
 Tuarum PRÆSVL ducis esse partium.  
 Quin Præfulei Muneris  
 Partem arbitraris Maximam.  
 Cum nos ex integro  
 Naturæ Iura, Fasque Diuinum  
 Colendo Numini transcripserint.  
 Quare sapienter reputas,  
 Vnam veramque Præfulum esse gloriam  
 Diuinæ Seruitutem Maiestatis.  
 Non patitur Numinis Indoles  
 Humanis ita se ornari splendoribus  
 Vt Cultores sui sinat, inglorios.  
 Quin vibratos in se honoris radios,  
 Illustriori gloriâ,  
 Ceu gratitudinis, ceu præmij intensione,  
 Refundit in authores.

At



At verò  
 Desipiunt illi maximè,  
 Qui coelitem iniurias, inter suas non reputant.  
 Neque læsam Numinis Maieſtatem,  
 Sux detrimenta Nobilitatis æſtimant,  
 Nil adeo ſtemmata honore exuit,  
 Vti neglecta Diuorum Nomina.  
 Neque certior opum armorumque eſt ruina;  
 Quàm diuini occaſus honoris.  
 Et iuſto quidem criminis ſupplicio;  
 Vt, qui Solem lucis fontem extingunt,  
 Nulla in terris luce, clareſcant,

## G E M I N A T I A R Æ L V X

Ab

*Illuſtriſſimi PRÆSVLIS Humanitate & Munificentia profecta;*

**S**Ecurus ſux Celſitudinis,  
 Magis eam attollit  
 Humanitate.  
 Cùm ad familiaritatis officia  
 Princeps à Maieſtate diuertit,  
 Corda Subditorum,  
 Subuehentibus amoris affectibus,  
 Ingreditur.  
 Indoles eſt hæc Magnitudinis  
 Humanitate temperatæ,  
 Ab aliorum paruitate creſcere.  
 Hanc Tibi PRINCEPS Celſiſſime,

Y 3

Huma.

Humanitatis laudem,  
 Commune scribit suffragium;  
 Cui nec facilitas auctoritatem,  
 Nec dignitas diminuit amorem.

Magnus;

Sed sine ullius diminutione Magnus,  
 Quin accessione affabilitatis, maior;  
 Dum ad minores, infra Tuam dignitatem  
 Te demittere soles.

Gentilitiæ Tuæ Lunæ genium,  
 Imitatus,

Quæ minora non extinguit sidera;  
 Candida morum & animi tranquillitate  
 Agni Tui Gentilitij  
 Genuina Imago.

Comitatur à latere Humanitatem Tuam,  
 Latere nescia Munificentia,  
 Quæ toties in publicum prodit,  
 Quoties inopum præambula egestas.  
 Non rapit oculatam Sapientiæ mentem  
 Auri fulgor,

Quem pulveri esse mixtum nōsti.  
 Tunc abundè Te opulentum ratus,  
 Cum profusis diues beneficijs,  
 Plurimorum animos,  
 Gratitudine obæraſti.

173

# MVLTIPLIX TIARÆ DECOR,

é

*Præclaris Illustrissimi Prasulis natura & Virtutis dotibus.*

SPlendor fortunæ Tuæ Domesticus,  
Regum Ducumque Prosapiæ est conterminus,

Præcellentes Virtutis Tuæ dotes,

Humana transcendunt fastigia,

Cœlesti siderum luci cognatæ

A tanto fortunæ animique apparatu,

Coelum sideribus exornatum,

Non immeritò

Illustrissimam Tuam dixerim Tiaram.

Stellantes poli gemmas

Tiaræ Tuæ insertas aduertimus,

Dum stellis illustriores, animi Tui dotes,

Orbe Polono effulgentes,

Suspiciamus.

Scilicet,

Ingenij solertiam, peracrem prudentiam,

Facundiam tersissimam, morum comitatem,

Exporrectum consiliorum vigorem agendiq; dexteritatē.

Non sic pulcher ab astris micat Olympus,

Nec tot numerat stellifer Orbis gemmas,

Quot in Tua resplendent Tiara,

Ab Illustrissimo animo cœtu Sole

Transfusa decora.

Meritò in gentilitijs Armis;

Lunam sideribus coronatam

exhibes,

Quem



Quem tot condecorant animi dotes:  
Non parciorebus Virtus Tua stipata ornamentis,  
Grande momentum honori affert.

Verum obtegens illa sui,  
Conscientiæ theatro & encomio contenta,  
A calamo publicum non requirit.  
Habet Summorum Ecclesiæ & Lechiæ

Principum,  
In collata Tibi Tiara  
Testimonium luculentissimum.

Compendium Virtuti Tuæ dicunt  
Recti tenor & Honesti iura.

Proscripsisti animo moribusque  
Animi morumque licentiam,  
Vbiq; Tur potens Tuique Hostis,  
Amor es vniuersorum.

Ne Heroum laureæ Tibi desint,  
Domitor Tui,

ex Te ipso victrices carpis laureas,  
Gloriosa profecto PRÆSVLIS Tiara !!

Quam triumphales ornant laurus,

De eodem

Et hoste & amicissimo reportatæ.

## VARMIA SVB GENTILITIO

Illustrissimi PRÆSVLIS

REGALI SCVTO,

Contra Hostium insultus, Tuta Munitaque

**E** Cquid minaces exeris Hæresis,  
Formidolosus cultibus impetus?

*Arma*

Armata dextram cur in iras  
 Lerna leuas animumque inanes?  
 Secura gaudet Varmia, PRÆSVLIS  
 Munita Scuto; Regia quod manus  
 Vindexque Maestas tuetur,  
 Innumerâ potior phalange!  
 Martemne Gottus rursus in agmina  
 Cedenda coget? Dic age Prussia,  
 Quot decolorati cruentis  
 Cladibus erubescere campi!  
 Dum nuper oris Vandalus intulit  
 Ferrum tuis, proh non reparabile  
 Damnumque labeſq; & perennia  
 Gottigenum Sueonumq; Martis  
 Clades iniusta? At Varmia confide  
 Sub pacis Umbra, PRÆSVLIS hanc iacit  
 Regalis Umbo, terror hostis,  
 Murus at ære triplex, Tuorum  
 Quos læta cingis Varmia ciuium.  
 Ergo serena pacis in otio  
 Regalis Umboſis sub Umbra,  
 Aurea secla fluant, citatis,  
 Astræa bigis, & Themis aureâ  
 Diues coronâ, iunctaq; Comitas  
 Et Fas, Honestasq; & venusti  
 Delicijs opibusque Soles,  
 Rubiginosi tergite temporis  
 Vultus seniles, tergite Theſſala.

*Venena campis, ac Borussa  
Prata nouâ reparare messe.  
Arces & Vrbes, Pergama & Oppida  
Fortuna visat, diues opum Parens,  
Legesq; virtutesq; auitas,  
Sors reuehat REDIMITA SCVTO.*

## PANEGYRIS GRATVLATORIA

*Perillustri & Reuerendissimo Domino, D. Laurentio Ioan-  
ni Rudawski, Canonico Varmienti, Olomutensem Ca-  
nonicatum adeptio.*

**Q**Uæ in auito Maiorum Tuorum stemmate  
cæli sidera hæreditario adiisti iure, Perillu-  
stris & Reuerendissime Domine, Domine  
Mecoenas Gratiolissime; næ Tu plus quàm  
luculentum Clarissimorum Natalium argu-  
mentum à tanta deriuas luce! Non potes  
non à tot siderum luminibus esse Illustrissimus; nec sa-  
cra Reuerendissimi fastigia honor tibi denegare poterat,  
ad quem obseruantix ergò ipsa cæli astra in terras de-  
scendisse videntur. Antiquissima hæc virtutis apud Ro-  
manum Oratorem audierunt encomia, vt orbis fastigio  
altior, ad cæli sidera eueheretur: at Tua, etiam hac subli-  
mi laudis prærogatiuâ sublimior, ipsa sidera cælo de-  
traxit, seq; cellissimis astris posse dominari, illustri Sa-  
pientix Tuæ documento comprobauit. Ita scilicet au-  
rea virtutis merces paratur, vt non modò gloria, teste  
Tacito, virtutis sit pedisequa; sed & ipsa sidera virtuti  
famulen-






famulentur. Quis iam in terras peregrino Sole calentes te aduenisse asserat? postquam cæli astra tanto necessitudinis vinculo tuis obstrinxisti obsequijs, vt vniuersum cum sideribus cælum tibi famulari, teq; in omnes comitari terras videatur. Vbi vbi gentium agas, sub iisdem semper degis & cælo & sideribus; nec vnquam peregrinis illuminaris astris, quia patrijs vbiq; & gentilitijs corulcas sideribus. Patriam extra Patriam incolis, & si canente patrio Vate, non multum distat terra Polona Polo, etiam Poloniam extra Poloniam virtus Tua inuenit; cui paterno iure ipse cum sideribus Polus est domesticus. Verum vnum etiamnum sideribus tuis sidus deesse mihi videtur; ipse scilicet inter astra minora Sol astrorum maximus. At corrigit illico oculi obtutus, oculatior mentis acies, quæ Te Gentilitij Poli Solem, tesserariorum siderum Principem agnoscit & indigitat. Abesse proinde à tesserarijs tuis astris Sol non potest, quando Tu virtute & honore illustrissimus irradias; & auitæ claritatis astra magis magisq; factorum gloriâ collustras. Sensit siderum tuorum lucem caliginosa illa Cimmerijsq; tenebris dirior Reipublicæ Polonæ nox, quæ tam alto omnia sepeliuerat silentio, vt non modò patriæ inter arma silent leges, sed & ipsa Religiosissima veritas pene elinguis fore timeretur: sensit inquam Pullata Patria sereniorum astrorum tuorum aciem; dicere volo, consiliorum prudentiæq; tuæ oculatissimam mentem, cuius Vicarios radios ipsum Serenissimum Poloniarum Astrum ad fugandas diræ noctis tenebras adhibere non dubitauit. Placuit & siderum tuorum nitor, alteri Serenissimo Austris:

Soli, qui vitæ virtutisq; tuæ integerrimum splendorem adeo probavit, vt te ad Iuliomontanæ Principis Ecclesiæ fastigia ornatissimum euexerit sidus, & iam illuminando collustrandoq; totius Diœceseos Olomucenæ cælo dignissimum elegerit Phosporum. Quanta coruscantium stellarum tuarum Lux! quantus scintillantium siderum tuorum splendor! quem bini ijq; Serenissimi exornant Soles. Meritò candidum Lunarum par in gentilitio exhibes Zodiaco: quia duos cælum tuum capere potest Soles; quorum & benigno fauoris aspectu, & clementissimo gratiarum influxu ita pascaris, vt nemo non faustis sub sideribus te agere degereq; agnoscat, in quem scilicet cæli munificencia tam abunde suas profudit opes, vt adhuc in terris astrorum te scripserit hæredem, tantamq; cultissimi amplitudinem animi dederit, qui vastissimo cælo maior, maximum Astrorum Par sua posset ambire magnitudine. Verùm quid insertæ sideribus tuis turres quid terræ Pergama cum cæli facibus agant? an hæc monumenta auitæ sunt fortitudinis, quâ sua coelo sidera inuicti eripuere Heroes? an celsissima animi trophæa dicam? qui mortalia omnia præteruectus ad nunquam non perennaturæ gloriæ eluctatur colossos? an potius oculatissimam asseram speculam? quæ tot prouidentissimis prudentiæ oculis radiat, quot numerat stellarum faculas? an deniq; referatum clementiæ & humanitatis tuæ asylum appellem? vbi opem operamq; tuam hospitantem, clientum inopia adeat. Sunt hæc omnia, & maiora his etiamnum sunt Laudis gloriæq; tuæ nunquā intermoritura argumenta; quibus cum ego hodie im-

mortale

mortale debitæ meæ venerationis anathema appendam;  
non vanè id mihi ab humanissima gratia & gratiosissima  
tua humanitate polliceor, vt quibus tu turribus astra &  
aras defendis, quibusq; sideribus sacros Varmienfis & Olo-  
mucenfis Canonicatus honores collustras; ijsdē me Perga-  
mis ceu patentissimis gratiæ & fauoris tui adytis recipias,  
& sideribus ceu benignissimis oculis aspicias Mecoenas.

*Salutatio Illustrissimo & Reuerendissimo Præsuli Vil-  
nensi, Alexandro Sapieha, Collegium Vilnense Societatis  
I E S V, Festo B. Stanislai Kostka die  
inuisenti dicta.*


 Ospitem an Parentem venerabundi salute-  
mus, ancipiti distrahitur affectu animus.  

 Illustrissime & Reuerendissime Præsul.  
 Recepimus religiosos inter parietes Hof-  

 pitem, quem in animis semper habuimus  
domesticum. Adijsti humiles exoptatâ tuâ  
præsentiâ lares, quos iam pridem Sapiehanâ Maiorum  
tuorum incolis munificentia. Ades Hospes gratissimus,  
cū nunquam antea abfuisses beneficijs Patronus. Hoc  
vnum votis nostris ad supremam hodie prouectis felici-  
tatem deesse videbatur, vt cū Sapiehanæ familiæ co-  
gnatum, Diuum Stanislaum Kostkam inter publicos ag-  
gratulantium Ordinum honores, Laribus & aris nostris  
inferremus; te quoq; ceu potissimam publici gaudij par-  
tem, & Kostkani iuxta ac Sapiehani triumphii accumula-  
tum haberemus ornamentum. Ægra igitur licet ac infir-  
ma tenereris valetudine, firma tamen solidaq; quia Sapie-



hana animi Tui virtus, celeris sagittæ instar hodie aduolauit; & ad sublimes interq; sidera iâ repositas Kostkarû soleas, ceu præfixum pietatis scopum collimauit. Felix sagitta, quæ tam sublimi hodie fixa est scopo: neq; minus altè collimasse dicenda, quòd in humili quoq; Societatis domicilio, humanitatis suæ impresserit vestigia. Fortunata sanè & à geminatis gentilitiæ tuæ sagittæ crucibus, etiâ sacrata Domus nostræ limina gratulamur. Viue porro (quod vnanimè omniû nostrum votum est) viue Magne Orbis Litvani Alexander; cuius victrici fortitudini, inter quotidianas infirmitates, hostiles non desunt morborum conflictus. Viue, & meliore iam triumphâ morbos sanitate, quando thaumaturgus Tuus Nosterq; Stanislaus, de morbis & morte, toto vbiq; triumphat orbe. Viuit ille supremis coelitem honoribus inter sidera ornatus; & magna adhuc Kostkani splendoris & felicitatis parte, in Sapiehana superuiuit domo. Illum igitur dum sacro Religiosi nominis nexu Fratrem in astris colemus, te quoq; Mecanatem ac Patronum; Sapiehano pariter ac Kostkano affectu, Societati nostræ addictissimum, submississimi semper venerabimur Clientes.

*In fanero Perillustri & Reuerendissimi Domini D. N. Mlinecki Regentis Cancellariæ M. D. Lituanie, Generalis Vicarij in spiritualibus per Diocesim Vilnensem, Prælati & Canonici Vilnensis,*

### PARENTALIS PANE CYRIS

*Ad Illustrissimum & Reuerendissimum Capitulum Vilnense Nominis Universitatis & Academia Vilnensis.*

*Extin-*

Extinctum Sacri Vestri Senatus illustre si-  
**E** dus, ereptum Magni Ducatus meritissimum  
 Cancellariæ Regentem, abstractum Princi-  
 pis Basilicæ Cathedræ Doctorem, subla-  
 tum è Dioecesano Tribunali Iudicem, ad-  
 emptum Academiæ Laureatum Theologum; dum in-  
 ter publicos omnium Luctus, & comunem vniuersorum  
 moerorem Sacer Vester lugeat Senatus, quidni & mæsta Li-  
 terarum Lugeat Vniuersitas? Illustrissimi Reverendissi-  
 mi Domini. Quemadmodum diei occasus, communem  
 publico inuehit noctem, & pullata cæli facies, maio-  
 res minoresq; orbium extinguit ignes: ita teste Roma-  
 no sapiente, Illustrium virorum funera, Luctus sunt  
 vniuersorum; & quorum vita, publicæ utilitatis stu-  
 dio effulserat, publico quoq; occumbit detrimento.  
 Abeunt illi quidem contra temporum fatorumq; vices,  
 rectè factis bene muniti in immortalitatem, nullaq;  
 gloriæ suæ parte obeunt; verùm quemadmodum mor-  
 talem auram alienæ inspirandæ fouendæq; traxerant sa-  
 luti, ita ad gloriæ immortalis lucem transgressi, non tam  
 sua quàm suorum deferunt commoda; propria rectè  
 functi, aliorum defuncti vitâ. Vixit Perillustis & Re-  
 verendissimus Dominus, communem omnium utilita-  
 tem magno complexus animo, ut non tam suo quàm  
 alieno videretur natus emolumento; siue is sacros Pro-  
 cerum vestræ ecclesiæ gestaret honores, siue Magni Du-  
 catus Cancellariæ, dignissimum ageret Præsidem, siue  
 demum pro Diæcesis tribunali Iudex & Prælulex po-  
 testa-

testatis federet Vicarius. Vixit inquam, & æquante diurna nocturnis tempora cælo, vitæ quoq; mortalis spatia, beatæ æternitati coæquavit. Non vano fortuitoq; euentu, recte factorum & consumatæ illius virtutis hic terminus obtigit: quando nimirum æqua lance diem noctemq; temperat, Sol temporum cæliq; moderator. Ita scilicet Diuum Iustitiæ Numen Astræa, pro sui clientis meritis, diem diuino edixit oraculo; vt cum Iuris vtriusq; Laureatus Arbitrator, æquitatem vbiq; coluisset, meritò sub ipsa æquinoctij tempora, æquitatis quoq; suæ, æterna sine temporum iurisq; dilatione, capesseret præmia. Exæquauit ille pari semper moderamine, diei noctisq; statura, quando tenebras iniustitiæ, lucem innocentia, æquabili sententia semper addixit. Diuisit toto vitæ decursu, tanquam Magnum cæli sidus, atræ noctis caliginem à diei splendore, dum nullo vitiorum ceu tenebrarum confinio, suam passus est Lædi lucem virtutum. Impleuit tanquam sublimi repositum fastigio Iubar, magna honorum subsellia pari semper virtute & illustrium gestorum amplitudine: vt & dignitas, virtutis ornaret splendorem; & virtus dignitati par accederet ornamentum. Honorum apices, teste Cæsarum Oratore, nox sunt perpetua, quibus diem non conciliat virtutis splendor. Ille ergo dum dignitatis & virtutis quasi æquinoctium, perpetua coniunctione semper coleret, vt scilicet cæco honori dies virtutis affulgeret, meritò diem sine nocte perennaturū, vt piè credimus, est auspicatus.

Viue



Viue & æternùm vale Perillustis & Reuerendissime Domine; iam fortuna omni celsior, gestis eminentior honoribus, Theologicis pariter ac Canonicis laureis sublimior! Capesse iam æquitatis tuæ præmia, Diua remunerante Astræa. Inscribat illa æternis monumentis, beata Régentis sui Nomina, eaq; immortalitatis sigillo, ad perpetuam rectè actorum Tuorum memoriam consignet & communiat. Imponat coronato Scientiarum omnium vertici, inmarcescibiles Doctorum laureolas Diuina præmiatrix Sapientia, & Iuris vtriusque atque Theologiæ Sapientem, astris dominari iubeat. Fulgeat in perpetuas æternitates, instar stellæ clarissimæ, qui ad iustitiam æquo vitæ munerisque crediti moderamine præluxit. Vos verò Illustrissimi Reuerendissimi Proceres & purpurate Magni Ducatus Senatus, hoc solatij in lenimentum doloris capeffite, quòd quem in Ecclesiapientissimum ad aras conspexistis Prælatum, iam cumulationi pietatis in Vos affectu super astra habeatis supplicem: quem Lituania coluit in Cancellaria dignissimum Regentem, iam in sublimi illo cælorum Consistorio, vigilem causarum suarum habitura sit Patronum: quem Diæcesanum Tribunal suspexit Supremum in Spiritualibus arbitrum & Officiale, iam defensorem iurium atq; Sacri Senatus Vestri perenne decus & ornamentum sit experturum: quem denique Magni Ducatus Vniuersitas Vilnensis venerata est Doctorem, iam illius laureata sacræ ac politicæ sapientiæ nomina ad immortalem Ecclesiæ Vestræ & Academiæ splendorem sint perennatura.

*Oratio funebris, anniuersaria defunctorum Sodalium  
B. Virginis die, in Vniuersitate Iuliomontana Societatis  
IESV habita, postridie Festi Assumptionis Dei-  
pae Virginis.*

Inter communes cæli terræq; applausus, inter  
festiuas cætus nostri MARIANI aggratula-  
tiones, inter publica & solennia mortalium,  
omnium tripudia, en ferale mortis spectaculum,  
luctuosa tristis feretri facies! Felliuiam Diuæ  
Parentis celebritatem, mæsta exceperunt parentalia, læ-  
tissimas augustæ diei ferias, funebres turbarunt inferiæ.  
Heri orbis Dominam, Domini Dominantium augustissi-  
mam Matrem, ad cælorum solia euectam, prolixis su-  
mus prosecuti gaudijs, hodie eiusdem Matris charissima  
pignora, MARIANÆ nostræ reipubl. commilitones, vitâ  
mortali lugemus exutos. Et ferendus quidem æquo  
animo dolor hic accideret, nisi vel ideo grauior foret,  
quia leuior antè extitit. Abiêre nimirum chara pecto-  
ra, & abeuntibus, supremum non diximus vale. Lo-  
tum est exanime corpus, & nos lacrymas non affudi-  
mus nostras. -- -- *nec cum clamore supremo,*

*Labentes oculos clausit amica manus.*

Verùm enim uero quo pietatis argumento, charis So-  
ciorum Manibus parentabimus? quodue doloris castrum,  
nostræ illorumq; mortalitati, ad immortalem commu-  
nis fati memoriam excitabimus? Superstitiosa, vitâ fun-  
ctorum cultrix antiquitas, aquam velut pellucidum con-  
templandæ mortis speculum, ad exanime corpus con-  
fluen-

fluentibus exhibebat : vt haustam oculis, mortis imaginem, viuâ semper circumferrent cogitatione. Mortalitatis nimirum humanæ typum, rerumque fluxarum, umbratilem, umbrâq; celerius dilabentem felicitatem, symbolicâ aquarum imagine, religiosa adumbrabat vetustas. Dilabi mortalis momenta vitæ, effluentis instar vndæ, quam cineribus pulueriq; illapsam, nulla humanæ artis recolligat industria, etiam cæca gentilium aduerterat sapientia. Quare quod in natali vniuersorum nihilo, omnia æquè absorberentur, ac olim emerlerant, ænigmatico vorantis glutientisq; omnia abyssi documento, sua nostraque erudiuit sæcula. Fuit præterea sublimior pientissimæ Manium cultricis antiquitatis sensus, quàm vt celerrimum euanescentis felicitatis nostræ cursum, non remeaturum vndarum lapsu, duntaxat indigaret. Prompti nimirum & ad amicorum studia facti animi non incongruam pingebat imaginem, mobiles & suapte natura ad ima vallium effusos latices. Vasti æquoris sinu suam dum explicat latitudinem aqua, ad ampliores etiamnum eluctatur benefaciendi limites; additos imperuiosq; mortali oculo mæandros benefactrix ingressa : digna benefico conferri pectori, quæ nullis bene merendi terminis suam patitur circumscribi indolem. Innumeris riuulis & fontibus diues, orbem tanquam largiendi ambitiosa, suâ ambit munificentia. Nec modò in extimam terræ faciem suorum dispensatrix amnium, verum intimorum terræ recessuum largissima ditatrix; quasi matrem omnium aquam, à qua rigantur fouenturq; omnia, ampliùs sexcentis fontium & riuulorum



argumentis se se comprobat. Beneficium igitur vndarū  
 genium, æmulata veterum religio, inferorum abdita,  
 pietate adiit, inani quidem suæ superstitionis, at præ-  
 claro nostræ eruditionis documento: vt piacularium  
 flammarum ergastula, litabunda bonis Manibus nostra  
 visat commiseratio; vltorem diuinæ Nemesis Vulcanum  
 aut prorsus extinctura, aut benignè placatura. Habe-  
 mus igitur viua mortis & in mortuos non morituræ pie-  
 tatis specula, quæ artifex vetustatis dextra, communibus  
 omnium fati contemplandis, in splendidum doloris ca-  
 strum expoliuit seræque exhibet posteritatis oculo spe-  
 ctandum. Iuuat Sodales Parthenij pellucida hæc, &  
 iam à seculis, cinere omnium trita tersaq; inspicere per-  
 spicilia, & in præterfluentis vndæ imagine (quæ nuper  
 inopino æquæ ac luctuoso spolio MARIANVM Commilito-  
 nem & Stagyritæ alumnum rapuit) vitæ nostræ aquâ  
 citiùs dilabentis momentum, attenta speculari contem-  
 platione. Iuuat formæ mortalis venustatem, ad in-  
 evitabilis fati scopum ac scopulum allisæ vanitatem nau-  
 fragiumque, accurato & veri censores oculo explorare.  
 Littus est humanæ vitæ meta; ad quam decumanis flu-  
 ctibus ferociùs agitati appellimus, dum non immentos  
 vitæ tractus emensi, at immanes Syrtes scopulosq; peri-  
 culorum præteruecti, ad communem omnium matrem  
 terram, seu littus, è quo nuper solueramus, reuertimur.  
 Quis scit, num Argynum quempiam fatale littus vocet,  
 suolq; terra appellenti sinus aperiat, ineluctabili mortis  
 amplexu exceptura hospitem. Timete, quorum delitio-  
 so iuuentutis flori metendo, dolosa mortis dextra falce  
 armata

armata insidiatur. Timete in hostis callida stratagemata  
circumspecti, quos Agamemnonis trahunt delitiæ. Nam  
adhuc Argynæis fatis funebres occinente lessos Proper-  
tio, *Sunt Agamemnonias testantia littora curas,*

*Quæ notat Argynum pena minantis aquæ.*

Adhuc infauſta nomina lugubri lamentantis vndæ  
murmure, fluctus in altum tollunt; ludunt huc illuc  
agitantes exanime corpus procellæ, totumq; mare lon-  
ge lateq; deplorando funeri immugit. Habent nescio  
quas mortalitatis humanæ testes voces aquæ; quin etiam  
noſtris inſignitæ nominibus, gentilitia humani interitus  
inſignia, fuſo in ſpeciem ſtrati marmoris Oceano impreſ-  
ſerunt. Inſonuere olim plena voce littora & pulchrum  
Hylam Neptunus profuſis totius maris vndis complo-  
rauit. Scilicet cùm multum quæſitus formoſus Hylas,  
nuſquam naufragij veſtigia notaſſet legenda, littus, Hy-  
la Hyla omne ſonabat, teſte Pòëta. Dixerunt periſſe  
littora, luxere cum littoribus maria. Adeo vel rauco  
maris murmure, funeris noſtri nos monet Præfica The-  
tys. Crede, quiſquis audaci Icari niſu in àëra vanum  
tolleris, ambuſq; ſuperbus, celſa honorum culmina, aut  
aurâ leuioreſ blanditiarum illecebras, inani conatu,  
ceu cerebro alarum remigio tentas: diſfluent vndarum in-  
ſtar, ambitioſa fluxaq; ſtudia, quibus latum ad ruinam  
aperuit iter, profundo maris abſorpta Icari temeritas.

*Nunc quoq; contini ſtrident Aquilone rudentes,*

*Inq; modum tumuli concaua ſurgit aqua.*

Infamiſ toto fluctuat æquore, quem cæca gloriæ am-  
bitio ad ladera librabat. Infelix cæli volucriſ, inuiſa

metamorphosi in fatalem maris Nympham conuersa !  
 Proh iuuenilis temeritatis labes , quam maris vnda nun-  
 quam satis eluat , cui in seram posteritatem perennatu-  
 ræ, immortale nominis & interitus monumentum, erexit  
 Icarium mare;

-- -- lapsas ubi perdidit alas ,

*Icarus, & Vasta nomina fecit aque.*

Aquæ certè dignæ, quas inferijs nostris adhibeamus  
 Parthenij Sodales; quas memori recolamus mente, dum  
 incauta in altum nos leuat ambitio , casûs & extremi  
 nescia fati. Voluunt perpetuis fluctibus angusta fune-  
 ra, etiam minores vndæ, hõc magis incautis infestæ ,  
 quò minùs suspectæ securis. Fluit immortalis à morte  
 Tyberini, Tyberis, cuius aquas regio nobiles nomine  
 nulla vnquam exsiccabit obliuio. Sistamus ad Tyberi-  
 ni fluminis ripam, & quoniam serenissima è regio fu-  
 nere mortis imago relucet , tanquam ad meridianam lu-  
 cem, in alienis nostra discamus discrimina.

*Dicitur in Tusca gurgite merlus aque,*

*Rex Tyberinus.*

Heu ferales auari fluminis vortices ! Regij splendoris  
 lumen tenuis extinxit vnda ! Regni columnam, exigua  
 subruit procella ! Ita vel adoratis orbi capitibus, præco-  
 cia fata vt citius adueniant , quasi accelerato per  
 flumina nauigio , naufragia & interitum deuehunt.  
 Iam, quisquis proiectos à fortuna titulos terra ma-  
 riqûe colligis, & emendicata ambitionis cognomen-  
 ta accumulas; inscripturus fortè vndis gentilitia nomi-  
 na, & noua ab interitu erecturus posteritati stemmata;

Sic



Sic Albula , atrato in regis funere , candida mutauit nomina , & Tyberis hodie audit , augusto Tyberini nobilitatus naufragio : testante Pòëta.

*Albula si memini , tunc mihi nomen erat ,  
Albula , quem Tyberim mersus Tyberinus in undis  
Reddidit.*

Quis iam properantibus suspenso doloſoque pede in caput noſtrum fatis , vt humano vultu vitæq; commercio nos exuant , cineribus oculorum ſidera ſuffundant , & collectam plurium annorum labore gloriam , ceu ſucatam imaginem leui detergant vnda , incautus & inter otioſa fluentium curarum negotia , à ſe diſtractus occurrat ? Ne ſidas humana pulchri cupido , fulguranti inter niſtitantia gaudiorum momenta , venuſtati ; expalleſcit ab exanguis & pallida mortis larua , formoſa Charitum ſpecies. Iacent cineribus obruta , quæ faſtus aſtris inſerebat. Fabula & riſus vulgi circumferuntur , quæ orbi terrorem incuſſerant. Iactatur etiamnum hodie , auguſtum Helle Regis Thebarum filiæ nomen , Hellesponti fluctibus , truditur à ludentis ponti procellis , cui armatæ cedebant militum cohortes : remis nauibuſq; teritur Hellespontus , cùm antea Helle , terris & ponto imperaret. Lugent & Ægææ aquæ , funeſta Ægæi fata , immortale nomen ſortitæ à morte Ægæi. Hauſit hic ferrea aureo ab amne fata , dumque ſacram auri ſitim auariùs expleret , vitam ſimul extinxit. Luſit Regis in funere Comædus populus , intemperantis aurei æſtus exhibitò ſpectaculo ; & vt perpetua tragicæ ſcenæ extarent veſtigia , pedes in ſublime , immerſo aurifluis

fluis vndis regio capite, subditorum extulit iocus. Caue,  
quisquis immoderato fulgentis arenæ vreris studio; ne  
à fului splendore pulueris, oculis animi perstrictus, fata-  
li mortis iciaris caligine:

*More vel intereas capti suspensus Achai,*

*Qui miser auriferâ teste pependit aquâ.*

Verùm quid longo marium amniumq; circuitu, no-  
strorum scrutamur fatorum vestigia? Orbis hic, quâ pa-  
tet vniuersus, publici omnium funeris speculum, in lu-  
ctuoso illo humani generis cataclismo, qui perenni me-  
moria, adhuc in omnium exundat mentes, exhibet spe-  
ctandum. Iacebat operosa Tonantis moles aquis op-  
pressa; cæli terræq; illustrissimum lumen, homo, fata-  
libus extinctum aquis occiderat, vniuersa terræ imperia  
fluctibus operta, apertam stragis humanæ scenam lon-  
gè latèq; ostendebant. Nullum in maximo omnium di-  
scrimine videre erat discrimen; ferarum animantium  
pariter, ac diuina ratione præditarum mentium corpo-  
ra, inter decumanis immaniores iactabantur tempesta-  
tes: Scepbris rastra, purpuræ lacernis, superba palatia  
malè materiatis tuguriolis, confuso naturæ fortunæq;  
ordine, permixta fluctuabant.

*Occupat hic collem, cymbâ sedet alter aduncâ*

*Et ducit remos illic, ubi nuper ararat.*

*Ille super segetes, aut merse culmina villa*

*Nauigat, hic piscem summa deprendit in ulmo.*

*Figitur in viridi (sic fors tulit) anchora prato,*

*Aut subiecta tegunt curua vineta carina,*

*Et modò quâ graciles gramen carpsêre capella,  
Nunc ibi deformes ponunt sua corpora phocæ.*

Proh confusum rerum mortalium chaos! Vnde maior, quàm ab vndis generis humani clades! Vbi expressa magis mortalitatis nostræ monumenta, quàm in tumulto orbis vniuersi? Felicem vestram MARIANI Socij, astris iam dominantes, vt piè credere fas est, sortem! qui in tranquillo & naufragij omnis nescio mari, Augustissima Dei Parente MARIA, occubuiſtis. Hæc, æquor illud est, quod exanimes Clientum artus, non velut iners exosumq; pondus in littora eiicit; verùm commissa suo sinui, diuinæq; Metanææ tabulis concredita pignora, felici nauigio ad æternæ beatitatis portum apportat. Hæc, pontus ille est, in quo dum mortalis Sociorum vita mergitur, ad fortunatas cælestium incolarum insulas, elisijq; amœniores campis emergit. Hæc, Oceanus ille est, in quo, dum rerum mortalium & vitæ temporalis iacturam facimus, æuiterna fortunarum omnium potimur possessione. Eoum mare, non immeritò, omine ac nomine, gratiarum mare MARIAM dixerim: in quo dum vela facimus, terraq; vrbibusq; ac vita mortali recedentibus, calentes peregrino sole terras petimus; supernæ Oriens patriæ, beata visione spectabilis, nobis aſſulget. Agite iam Sodales Parthenij, quos anceps tenet vitæ mora, fatiq; extremi formidabile momentum: propediem citato cursu, sociorum pressuri vestigia; Vргеamus, sicubi forsitan tarda nauigantium ratis, piaculari quapiam remorâ sistitur, vргеamus inquam, sup-  
plice calis dexterâ celeres remos, suffragiorum Fauonij



vela validiùs impellamur, ut pretiosæ ac diuinæ pondere gratiæ graues gemmæ [beatos Fratrum Manes intelligo] MARIANO mari deportatæ, & æstuentes sæuientiũ fluctuũ tempestates feliciter præteruectæ, ocius ad cælestis patriæ portum, diuino inferendæ diademati exponantur.

*In funere Admodum Reuerendi Dñi Christophori Hönigk,  
Alumni Pontificij, Philosophiæ Auditoris; in Brunopolitano Collegio.  
Mense Septembri 1668. defuncti.*

**S**unt legendo melli statæ tempora, sua quoq; sunt legendis virtutibus circumscripta spatia. Illa certâ anni orbitâ redeunt, hæc nullis in-  
scribuntur mensium Calendis. Habet nimirum hoc, arduum virtutis studium, ut non tantũ in angustis operosi laboris sepiatur terminis; verũ etiam incertis ludatur horis; velut periculosa plenum opus aleæ. Hodie magno ausu in cella scientiarum & præclarorum moliminum fastigia rapimur; oras, aut labdente adaitentis animi impetu, aut defuncti studij horâ excurrente, à bene cæptis & præcellis retrò agimur cogitationibus. Quot generosarũ mentium proposita, in longas seculorum metas se protenderant, sed vertente iniquæ sortis calu, aut communi rerum mortalium fato cogente, ista momenti, sunt euersa? Potior Oeconomicis studijs contigit felicitas, quæ de præstitato anni recurſu secura, de fauentis benignitate naturæ læta, non miuùs auidè quàm feliciter, promissos æstatis autumniq; census exigunt. Consultum olim Athenarum & Sapientiæ Oraculum Solon, quo scilicet labore, secura mortales mercarentur præmia, dignam immortalì edidit memoriæ sententiam. Gleba ferro culta, aurea reddit colonis fœdera; ac animus aurea literarum virtutiq; seменте imbutus, sæpe afflante liuore, inter steriles opum honorumq; arenas marcescit. Dispare quocirca sorte, animorum & aruorum culturæ incumbimus. Ut ambrosias apum opes, studiosa congregat dextera, sit est, si rideatis fauor auræ, comportandis florum spolijs annuat; ac cælis proflum nectar, diuinæ particulam auræ, sinceram inquam virtutem, negotioso complecti pectore, extra fortunæ omnem aleam, auramq; humanæ sortis est positum. Ut nectareos rosis si ramq; parvus, obstetricante mellitarum volacrum labore, læto sian excipias, castra duntaxat, palabundo per florum delicias exercitui, figas oportet: ac ut virtutis & sapientiæ fructus victor reportes, non solia tantũ in alienis parca laboribus, inter voluptatam illecebras colligere sufficit, verũ in nulla non tentanda est periculorũ alea, nulla non sustinenda quàm fors tulerit, & vincenda

cenda difficultatum scies. Te ego hic compello Admodum Reuerende ac Erudite Domine, Christophore Hönigk, ab ipso cognomento, melleo cognatus nectari, à virtutum verò & scientiæ insigni profectu, argumentosa apis non immeritò dicendus. Collegisti in Elysijs Hosiani Atheozi campis vberissima virtutum & Sapientiæ mella, tantà boni in Christo odoris fragrantia, tantà lectissimarum opum copia, ut & ambrosiæ laudis suauitatem in gentilitio nomine possederis, & modestissimæ conuersationis fructibus, Parthenia & Pontificia elaborandæ probitati & scientiæ destinata aluearia impleris. Genninæ & à Regia stirpe non degeneris apiculæ indoles est, in natales laborum & operum sedes, florum rorisq; ætherei inferre diuitias; atq; ut de genio ambrosiarum alium doctissimus meminit Varro, exiguis licet corporibus, regiæ tamen amplitudinis animus inest, qui cælis rorantes gemmas, & terræ florentes delicias, suorum materiem laborum sibi vendicant. Non humile & vulgari animantium palato, obuium carpunt pabulum, nobiles ruricolæ; sed sudantes è rosis lilijsq; gemmas, suis appendunt humeris, ut ipsis suauitatum delitijs se enutritas, regijs ornatas splendoribus ostendant. Non dispar api nostræ argumentosæ in pulcherrima virtutum fronde legenda fuit indoles. Sensit delicatissimæ mentis palato, quibus herbis inesset toxicum, quibus malè spirantis odoris deprauata aspergeretur consuetudo, quibus Veneris color odorque non obscuris prodiret argumentis. Atque ut eiusmodi contagiosam herbarum luem, securo declinaret tramite, ad conclusos literariæ iuuentutis hortos se contulit: pro quorum altero, peruigil Summi Antistitis clauis excubat, alterum MARIANA turris, mille clypeis & omni armaturâ fortium munita custodit. Solenne apud Diuum Ambrosium (ad cuius cunas examen apum conuolasse fertur) nectareæ volucris est encomium. Rore pascitur apis, suauiterq; pasta, suauiores elaborat melliti partus fauos: & cum sit robore infirma, valida est vigore sapientiæ. Et certè, quis in vili apum ad speciem ingenio, sublimis Sapientiæ latere documenta non videt? Admirandæ artis suæ munera, æquo inter se labore partiuntur; diuino propè artificio melleas moles erigunt, nectareisq; distinguunt habitaculis; annuam alimoniam prouidè conduunt, quasi in futura tempora sollicitas exporrigerent cogitationes. Alternis tanquam in exercitu somnum capeffunt, communes vilitates in medium afferunt: nil interim curæ & diligentiæ in se rebulq; suis tuendis prætermittunt. Taceo sexcenta alia diuinæ sapientiæ vestigia, quæ sat illustri sunt indicio, genus esse cælitum oris prognatum (ita eruditissimus Plinius) & sine ratione viuere, rationi conformes. Hanc quoque encomij partem, argumentosa apis nostra, meritissimo sibi vendicat elogio. Nihiliquidem in suauissimis moribus cernere erat vel ab oculatissimo, quod

inigni non esset præditum prudentia. Nil in dicendo agendoq; incultum, nil domi forisq; à compositisimo animo profectum, quod ad Sapientiam Sanctorum non esset accommodatum, omnibusq; probitatis numeris absolutum. Princeps ambrosiarum volucrum laus est, quodd virgine animo & intaminato corpore cæteras excellent animantes, & quamvis

*angustus terminus aui*

*Excipiat, (neq; enim plus septima ducitur ætas)*

*At genus immortale manet multosq; per annos*

*Stat fortuna domus, & aui numerantur auium.*

Ita cælibem progeniem immortalis non destituit ætas. Ita gloria nominis in seros vsq; propagatur annos, dum sibi vni vivere quis contentus, posterorum accelsione, non accumulat nomina. Hoc quoq; tuas inter meritisimas laudes, intemerata corpore menteq; apis censeatur, quod intaminatum è vinculis corporis spiritum, in diuina cælitum aluearia extrules. Et quamvis arcto spatio vitæ terminum inuida fata circumscripteriat, nullam tamen metam æternis meritis atque virtutibus vlla vaquam ponet obliuio.





*Omen de secundo Seculo Athenæ Brunopolitani,*

*Oratoria Diuinatione propositum.*

Anno seculari eiusdem Athenæ Societatis I B S V

Anno Domini 1665.

**E**Xegit monumentum ære perennius, primum ortus sui sæculum, Pallas nostra Brunopolitana. Aud. Exegit inquam propitio cæli Numine, fauente Illustrissimorum munificencia Principum, adnitente sacro Perillustrium Procerum Senatu, applaudente denique bonorum omnium gaudio atque gratulatione. Et iam, quod ad Ter Maximi gloriam Numinis feliciter cedat, quod ad vberissima virtutum atque scientiarum incrementa, ad vniuersæ Reipub. literariæ emolumentum bene eueniat, alterum natalis sui æuum, Pallas nostra hodie ingreditur, felici ut ominor auspicio, quia secundum. Faxint Superi ut tot fulta præsidij, quot beneficentissimos numerat Mecænates; tot nixa columnis, quot infractos suæ defensionis censeat Hercules; tot illustrata luminibus, quot Illustrissima Præsulum veneratur sidera; iterum contra cæcā errorum caliginem, inuictæ veritatis robore, contra vile indoctarum mentium vulgus, cultissima ingeniorum acie dimicet atque triumphet. Verum quodnam alterum renascentis suæ lucis sæculum alma nostra literarum Respub: hodie exorditur? illudne quod duro inclementius ferro, fera ferreaque mortales exasperauit indole? an illud, quo vixit athenæa proles, sæuior ingenijs & ad horrida promptior arma? an alterum, quo auro deterior, fuluo pretiosior ære, argentea candidæ mentis indoles florebat? an illud denique beatissimum recens conditi orbis, aureæque

A

ætatis

ætatis sæculum? flumina quo lactis, quo flumina ne-  
ctaris ibant, quando nullo vindice fidem rectumq; auita  
nostri generis ætas colebat? quando vomere intacta  
tellus, vberes profudit diuite sinu diuitias, solo inteme-  
ratae bonitatis instinctu? Dicam, & eloquentiae parentem  
magnum de Diuinatione Rhetorem secutus, etiam præ-  
dicam: cuius nimirum sorte sæculi, res nostrae literariae  
secuturis stabunt annis. Nemo mihi aut potius incly-  
to literarum Athenæo, infausto omine ferrea portendat  
sæcula. Immite ferri ingenium est, ad verbera obsti-  
natum, malleorum ictibus contumax, vix graui flam-  
marum supplicio ad obsequium cogitur. Totam arde-  
re Vulcani officinam est necesse, immanes Cyclo-  
pum tu-  
multuari manus, ventosos ad incendia agitari folles: vt  
vel tenuem è duro ferro extundas clauum; tanto appa-  
ratûs molimine, tanto laborum agmine, quanto vel  
septena orbis miracula iterum è ruderibus, excitares.  
Dispar longè est mansuetissima sacrae profanaeque; Palladis  
indoles, quæ ipsa facillimo facta est ingenio, & alio-  
rum genios facili fingere dexterâ, ad recti bonique; nutum  
potest. Hâc si laxea mortalium animaueris pectora; ite-  
rum auritas rupium saxorumque moles à dicentis ore sa-  
pientiae pendere spectabis. si syluestres ferosque barba-  
rorum animos imbueris, iterum ferarum latibula, cæca  
animantium spelæa, vastos sylvarum nemorumque; tra-  
ctus, altis reuulsos radicibus, à flexanima pectorum sa-  
pientia non modò moueri, agitari, sed etiam ad huma-  
nam mansuescere bonitatem aduertes. Hâc denique si  
diffuentes fortunæ licentiâ animos, & decumanis affe-  
ctuum fluctibus abreptos composueris, iterum indomi-

tos,

tos rapacissimorū impetus fluminum, effrenes ponti pro-  
cellas, ad mansueta sapientiæ imperia cōérceri, neq; mo-  
dò licentiosos ponere fluctus, sed etiam fixo stare vestigio  
& rapidissimos cursus suspendere miraberis. Tanta in  
omnes quibus cum egerit, optimarum artium, est man-  
suetudo, tantum mansuetudinis imperium, tanta im-  
perij efficacia, vt vano certè prædicere augurio mihi vi-  
deatur, quisquis prædixerit, Palladem nostram ferrei for-  
te sæculi & iniquâ temporum fortunâ olim exercendam.  
Cum faxeis colluctandum erit ingenijs? colluctabitur  
flexanima mentium Regina Sapientia. Cum sylue-  
scēte congregiendum barbarie? congregientur man-  
suetissimæ literæ, ipsamq; hominibus humanitatem re-  
stituent. Ferro contumacior durities erit triumphanda?  
triumphabit victrix animorum Pallas inuictissima. Ex-  
erat durissimas rerum vices, & extrema temporum fata  
iniquum ferreumq; sæculum obtrudat: mansuescent  
credite, cuncta à mitis consuetudine cultuq; ingenij: &  
noua metamorphosi in aureum vertetur æuum ferrea  
sæculi facies. Vile ad hæc ferri genus est & humilioris  
fortis metallum, quàm vt Reginam animorum sapientiam  
sub ferrei seruitutem æui mittat. Scio etiam altis domi-  
nari fastigijs breues dies horasq;, nedum longa sæcula;  
quin & breuissima momenta ferreâ quandoq; induisse  
temporum necessitate, coronata sapientiæ capita: & vi-  
ctricia orbis sceptrâ, turpi temporis obsequio mancipaf-  
se, non ignoro. Scio hæc, nec diffiteor, sed non nescio  
etiam, omnibus sua quidem imperare tempora, sed  
omnibus non omnium imperare temporum horas. Ver-  
titur luis distinctus sideribus annus; veri æstas, æstati



autumnus, autumnus hyems perpetua temporum succedunt necessitudine. & si quispiam tam amica solui vincula, tam sacros rumpi nexus, præfaga doceat oratione, nonne illum reum naturæ, iurati perduellem fæderis, vnanimis damnabit naturæ Resp: ? Apage ad rura arui-  
que incolas, ferrei sæculi imperia; ibi, si regnandum sit, ligonum, vomerum, securium, aratrorum ferrea ancillabuntur obsequia. Nemini seruire nata est liberrima artium Minerua, liberis etiam facta est imperare mentibus. Celeres denique temporis alas, pernices dierum pennas, quis nesciat? volat irrevocabilis annus, ocyor Euris, ocyor alite. & certè perniciosissimum illud tempus sit oportet, quod literarum spatia computet, quod volantis ingenij operationes numeret, quod æquo passu comitetur naturæ rationisque instantia, Philosophicis tantum & Theologicis cognita subtilitatibus. quomodo verò tardograduens pede, graui onusta pondere ferrea sæculi moles, tam sublimes celerisque ingeniorum motus cursusque, quin & perniciosissimos volatus comitetur? comitari autem indiuiduo passu est necesse, si temporis nomina, partesque sibi vendicat. Securas igitur tutasque à ferrei terrore sæculi vos hodie pronuncio; credite non vanè omnianti, pereruditæ Brunopolis nostræ Athenæ. Sed forte aheneum Martis æuum, armis formidabile, infame cædibus, humano cruentum sanguine extimescitis? Pudeat magnas animas pannici timoris! non est meticulosum aut imbellè magnanimæ nostræ Palladis pectus, quæ multis fatalem millibus hastam, pro aris focusque vestris tuendis vibrat; etiam Martijs formidandam animis. Ciuiilium armorum ruinas longè lateque perstreptentes, etiam nostris

nostris obmurmurantes auribus perhorrescitis? non horret Bellonæ minas Minerua, eruditarum parens mentium: quam ob calcata minarum terribula ad Divinum Mineruæ nomen & immortales tanti nominis honores, sacra euehit antiquitas. Instructas magnis copiis acies, & dubio vtrinque Marte, quamuis non dubiâ populorum ruinâ concurrentes expauescitis? fortior & felicior est vestra ingeniorum acies, acutis inuictæ sapientiæ armata spiculis, sexcentis infractæ veritatis telis accincta, quam, si vel totus illabatur orbis, nedum Sarmaticus, impavidam ferient ruinæ. Belli fulmina, Martis tonitrua, Scipiones, Annibales, & si quod aliud eiusmodi imperij bustum vestris impendet capitibus, auersanimi? Sciunt illustrissima Oratorum Numina, facundissimi Pericles, eloquentissimi Demosthenes, fulminare, tonare, & coniurata tumultuantium consilia, non modò miscere, sed etiam infringere, euertere, extirpare. Ad Martiale denique belli classicum ignauæ cuiuspiam aures trepidant? non trepidat ad tricenos tubarum clangores, sacer Musarum senatus, arma virumque intrepido occinentium classico. Et certè ardeant bellis imperia, perstrepat armorum tempestate Oceanus, eripiant cælo solem, concitæ telorum grandines, immugiat horrendo globorum tonitru orbis: altius, altius se extulerunt literariæ pacis fastigia, quam ut ahenei strepitus sæculi, altissima illa interturbent omnia. Didicistis è vatum monumentis opinor, quemadmodum super mortalia euectum, laureatum illud literarum Numen, sideribus vicina incolat montium cacumina? hoc natale sapientiæ solum est. Legistis, ut altissimo orbis fa-

stigio altior nouena Musarum corona ; celsitudine animi  
magis quam montis fastigio , non procul à polo degens  
Apollo , in sublimi illa statione , tranquilla scientiarum  
castra metatus , immota sereni vultus Maiestate , rerum  
mortalium despiciat tumultus , fatiscentium ruinam  
temporum contemnat ? hæc sapientiæ secura est tran-  
quillitas , hic altissimæ pacis sinus . Quid igitur ne-  
cessitudinis Palladi cum Marte , quid familiaritatis , cum  
Bellona Mineruæ , intercedat : quos tanta animorum &  
locorum distraxerunt interualla , non video . Optimum  
certè factu videtur , vt iuratos literarum hostes , è fini-  
bus sapientiæ , ad extremam vsq; Thulen amandemus .  
Sed iam candida argentei sæculi venustas , animum o-  
culosque ad sui contemplationem prouocat . Verùm  
non rapitur sublimis ille Palladis oculus argentei luce  
sæculi . Mixtus pulueri splendor est , acres nequit fal-  
lere oculos . Sidere prognatus sapientis animus & æ-  
terno iure dominaturus astris , non patitur nobilem or-  
tus sui profapiam , fucato splendore irradiari , qui lucem  
& speciosa nomina à candido puluere emendicauit .  
Celsior literarum fortuna est , quam vt immortalia suæ  
dignitatis nomina , eiusmodi æri inscribat , quod emen-  
tito fulgurat nitore . Cæleste & inter stellantes poli  
gemmas , sæculum Sapientis perennat : quomodo pal-  
lidæ fucæ glebæ cælestem contaminet lucem ? At si diur-  
ni nocturnique elucubrationum labores libris impalle-  
scant , nonne argentei faciem sæculi referent ? si inte-  
gerrimus vitæ morumque candor , literarum alumni  
respersus niteat , nonne candidi nota erit temporis ? si  
lectissima sapientiæ candidorum capita , vbere partu

Minerua



Minerua proferat; si suos etiam religiosi instituti candidatos, sacrae familiae è nostro legant Athenæo, an luculentius candidæ ætatis argumenrum quis desideret? illustre, hæc omnia sunt fateor, argentei temporis ornamentum, sed illustrius Palladis micat sæculum, quia aureum. *Auratos Rhodijs imbres nascente Minerua*

*Indulsiſſe Iouem perhibent* -- -- --

Poëtæ: tanta, vel ipso nascentis sapientiæ natali, temporum coeperat felicitas! Quantam ab adulta iam & ad summa temporum gloriæq; fastigia euecta, fas est ominari? Et certè, dum superiora illa Athenæi tempora natalemq; eius ortum memoriâ relego, atq; nascentis exordia cum adolescentis progressu, progressum cum florido eiusdem statu, hunc demum cum adulta maturaq; gloria comparo: intelligo non obscure nascentem eius lucis auroram, in meridianum altissimæ diei effulsiſſe splendorem, teneras eius plantulas, in proceras pulcherrimasque surrexisse arbores, angustos riuulos, in longè lateq; exundantia flumina excreuisse. Et hæc adolescentis etiamnum Mineruæ, superiori sæculo fuerunt primordia; quantam auguramur fore adultæ gloriæ & ad alterum æuum prouectæ! Erit illud. [sic augurari iubet ipse præses temporum, aurei moderator æui Phæbus] erit, inquam, illud secundi sæculi tempus: quo iterum sapientia aureo orbem inuisset curru.

*Aureus axis erit Themo aureus, aurea summa*

*Caruatura rota* -- -- --

Scilicet fului pretio metalli venalis hætenus proſtabat honor: iam pretiosum aurum ipsæ erunt literæ, quo ceu aureo Effredo ad sacra profanaque honorum culmina,

na, euehantur literati. Erit illud opulentissimum aureo exundantis flumine æuum sapientiæ : quo

*Quantum stagna Tagi pulchris stillantia venis  
Effluxere decus, quanto pretiosa metallo  
Hermi ripa micat, quantus per Lydia culta  
Despumat rutilas diues Pactolus arenas,*

Tantis multoq; nobilioribus affluet scientiæ opibus, aureum Athenæi nostri sæculum : vt aurei torrentis instar, patrias peregrinasq; inauret terras; erit deniq; aurea illa & coronata laureati soli vbertas, quâ

*Arboræ frondes auro radiante nitentes,  
Ex auro ramos ex auro poma reducent.*

Tanta, fertilis soli emicabit felicitas, vt opulentas sapientiæ fructibus lauros proferat quam plurimas. Vnū duntaxat in tanta aureæ felicitatis vbertate præstari vehementer cupio; ab omnibus quidem, sed ab ijs potissimum, quibus sincerus suadæ amor alto insedit pectore; ne angustos inopelque ad tantam opum colligendam copiam afferant animos. Vastæ sunt literarum opes, facundiæ verò flumina amplissima. Inuictos lationes, periculis omnibus superiores esse oportet : quibus ad aureum sapientiæ vellus eluctari per vastissimum eloquentiæ oceanum est statutum. Execrandus alibi sit diuitiarum æstus, hic etiam laudandum censeo, qui

nonnisi toto eloquentiæ flumine sua  
patitur extingui desideria.

ILLUSTRISSIMO & REVERENDISSIMO  
D O M I N O,  
D. S T A N I S L A O  
S W I E C I C K I

Dei & Apostolicæ Sedis Gratiâ  
EPISCOPO CHELMENSI.

Fundatori SS. THEOLOGIÆ

In Collegio Varfauienfi Societatis JESV.

*Nec non*

ILLUSTRISSIMO & REVERENDISSIMO  
Dñorum D. Procerum & Canonicorum  
VARSAVIENSIVM CAPITVLO ;

*Illustriſſimis, Perilluſtribus, Reuerendiſſimis,*  
PRÆSVLIBVS, ABBATIBVS, & PRÆLATIS,  
Dominis D. Patronis & Fautoribus  
Obſeruandiſſimis;



Nominatim  
PERILLVSTRI & REVERENDISSIMO  
DOMINO,  
D. STANISLAO SWIĘCICKI,  
Abbati Tremesnensi, Generali in Spiritua-  
libus per Varfauiensem Archidiacono-  
natum Vicario,

DñO D. MECÆNATI COLENDISSIMO;  
Perpetuæ obseruantiaæ & demississimæ Venerationis ergo

Offert Dedicatq̃ue

Orationem pro Introductione Sacrosanctæ Theologiæ,  
ad Publicum Auditorium Collegij Varfauienfis  
Societatis J E S V,

*Habitam;*

Obligatissima semper & deuinctissima Illustrissimo Suo  
Fundatori cæterisq; Mecænatibus,

THEOLOGICA FACVLTAS  
Collegij Varfauienfis, Minimæ Societatis J E S V.  
*Anno Introductæ in Orbem Incarnatæ Sapientia.*


1680.

# ORATIO

## PRO INTRODUCTIONE

### THEOLOGICÆ FACULTATIS

*ad Scholas Varjauensis Collegij Societatis IESV.*



Perlinere ad augustam Lechiæ vniuersa fortunam videbatur, vt vbi locorum Regnatricis orbis Poloni Maiestas domicilium thronumque fixisset; ibidem Regina Regum, Principumque Moderatorix Diuina Pallas, suam metaretur conderetque sedem. Si enim è cælestis effato oraculi, per Sapientiæ Comitibus suffragiaque, ceu diuina quædam Senatus consulta, Reges sceptrum capessunt, & Principes imperia adeunt; neutiquam otioso comitatu, Regum latera custos stipabit Diuina Sapientia, cuius calculo delata dominandi potestas, conditum firmatumque; folium, inserta vertici manibusque; Imperialia regni & Maiestatis insignia. Armata scilicet lanceâque; instructa iam, olim à sacra doctaque; vetustate, Pallas; num infida ignauaque; manu, pro communi omnium pectore & Capite Regio, vibrabit in spiculo non tam armorum quam ingeniorum aciem? An potius, quia à minando audit Minerua, minis quas reis Maiestatum diuinæ intentant literæ, telisque; quæ fatidica Patrum in rebelles iaciunt oracula, refractarias ad submissionem Principis, bonique; curam publici

compellet sectas? Quò fiat, vt sicut Orientis victor, Vmbo  
Regius, pro regni securitate excubat, ita diuinarum asse-  
cla sedium Sapiaentia, pro throno Maiestatis & Regalis  
Scuti perennitate strenuè adlaboret. Regnorum atque  
orthodoxæ rei, validissima semper fuit tutatrix Theolo-  
gia; nullius exclusa Principis imperio, nullius à solio Re-  
gis iussa discedere, nisi à cuius conscientia directrix priùs  
recessisset. At quàm fatali rerum euentu illa pedem impe-  
rijs efferre sit iussa, aut inferre vetita, adhuc hiantè al-  
tissimo faucibus religionis vulnere, tot sectis discripta  
& dilaniata hodie loquuntur regna. Quæ si æter-  
nis diuinæ sapientiæ rationibus, publica momenta &  
immane statûs chaos definiuissent, non erant tam exitiali  
fine terminatura, tot seculorum collectam catholicæ re-  
ligionis gloriam, & sacrosancta auitæ fidei nomina, etiam  
Regum capitibus & sanguine abolitura. Quis credat  
Angliæ regna tantis fuisse irretienda domestici statûs li-  
tibus, & planè Cimmerijs Caluini sepelienda tenebris, nisi  
ingeniorum & animorû solem Theologiam, diuinæ iubar  
Sapientiæ, in sublati Sanctissimis Ecclesiæ Antistitibus,  
peremptisq; doctissimis Vniuersitatum Theologis, priùs  
extinxissent? Quis credat subditorum licentiam, effra-  
ctis diuini humaniq; iuris repagulis, in Regnatrices Maie-  
states, adorata terris Numina, adeo insolenter fuisse graf-  
saturam? vt alterum throno thoroq; ex aut horatum, ipsoq;  
regno exutum, ad patrios lares relegaret; alterum specio-  
so sed callido regiæ securitatis curandæ studio, ad vin-  
cula necemq; conquireret? Quin eousq; effrenata refra-  
ctariæ plebis efferuesceret insolentia, vt publica regio ca-  
piti



piti arma intentauerit; Ausura fortè iterum, (si iniqua forte magna rerum momenta ita verterentur) lictoris ferro, per sceleris immanitatem de regio triumphare capite, quod nuper in Patre decusserat. Quis credat inquam, eo usq; statuum omnium, ordinumq; regni, ferociam fuisse progressuram? nisi semel rupto licentiæ freno, extincta Catholicæ Religionis face, repudiata conscientiæ ductrice, contempta orbis orthodoxi Magistra, conculcata status politici & sceptrorum Moderatrice (Theologiam, cælestem Sapientiam intelligo) in omne nefas ac rebellionis prærupta laxasset habenas. Frustra sublato turgentium fluctuum aggere, scilicet validissima affectuum temperatrice Theologia, leues politicarum legum obices opponuntur cohibendis licentiosis quiduis agendi animis; quos vna duntaxat sanctioris disciplinæ formatrix Theologia, grauissimo æternarum legum pondere, in recti honestiq; studio potest figere. Taceo infelicem hodie, olim felicissimam Hungariam, magna regni sui parte ab Ottomannica subiugatam Cynthia, quæ quondam Marianâ triumphabat Lunâ, lectissimo encomio, Dominæ imperium nuncupata. Cessit in prædam & direptionem immanibus Turcarum manibus, postquam religionis caput septemcapiti Hæresum Hydræ submisit. Quanta porro stabilitate inter decumanas bellorum tempestates, & sexcenta publicarum rerum discrimina, stat, non minùs religione & pietate, quàm religiosissimis ac pientissimis Principibus florentissima Austria, & in Austria ceu inconcussa Religionis basi Romanum perstat imperium! Quod profligatæ fidei morumq; machinatoribus pridem fortè succubisset,

nisi tot Theologorum castris fuisset propugnatum, quor  
sub imperialibus Romanæ Aquilæ signis celeberrimas  
Vniuersitates, ceu validissimas Succenturiatorū Sapien-  
tiæ Militum acies recenlet. Quemadmodum; dirutis  
vrbiū mānibus, euerſis arcium propugnaculis, in-  
mem oportet cedere arctæ obſidioni populum; ita per  
factionum cuniculos, exploſis in auras, ſapientiæ præ-  
ſidijs, aut de ſtatione foundationum deturbatis fortissi-  
mis Sapientiæ Athletis, neceſſe eſt perſonatae ſapientiæ  
capita, venenatis Machiaueli principijs, ſacra omnia ſuſ-  
deq; vertere, & eментitos morum cultum formamq; ſan-  
ctitatis Atheiſtas & Pſeudopoliticos, nec non blandientes  
Janſenij Protheos, ſuſpenſo ad fraudem pede, regnis irre-  
pentes, in ſinu non tam prouinciarum quàm conſcientia-  
rum, atrociffimā licentiā graſſari; & quocunq; ſeſe ver-  
terint pedemq; intulerint, lethali morſu immedica-  
bile vulnus incautis inſligere mentibus, & tandem  
diffuſo impune contagioſæ doctrinæ veneno, longē  
lateq; per regnorum vrbiūq; tractus, miſerandam  
animarum ſtragem ubiq; edere. Documento ſint ſeriæq;  
cautelæ Galliarum regna, peſtifera Janſenij lue, non ſine  
innumera animarum clade, compluribus annis vexata.  
Quibus medendis, ſæpius coacta Gallicanæ Eccleſiæ An-  
tiſtitum Doctōrumq; concilia, ipſoq; adlaborante Sedis  
Apoſtolicæ Maximo Moderatore, etiam intentato ſtricto-  
q; in callidiſſimos fidei morumq; euerſores, anathema-  
tum gladio, vix vulneri altiffimo aut medelam fecerunt,  
aut putridam opinionum luem ex integro reſecuerunt.  
Felicia regna, felicesq; eas prouincias, quas pericula alie-  
na,

na, (si tamen aliena, nostris necdum illata finibus) faciunt  
cautas ! At verò faciunt etiam cautissimas. Ita me  
omnelq; sanctè arbitrari iubet, doctissima humanisque  
pariter ac diuinis literis cultissima Polonia, cui abunde  
suppetunt laureata Doctorum agmina, hodie etiam nouis  
colonijs ad Regum sedem traductis, adaucta. Vt non  
vana spe eos laborum fructus polliceri Ecclesiæ liceat,  
quos præterlapso seculo, ab hæresi per vastissima Septem-  
trionis regna diffusa propagataque, reportauit coronata  
fidei promotrix Theologia; è liliatis Sapientiæ castris, Pa-  
risiensem Vniuersitate, ad prælium quo pæne totus tunc  
ardebat orbis, subeundum sustinendumque, Duce Diuo  
Ignatio, educta. Gemebat, (infandum melior hodie  
rerum facies iubet non renouare sed releuare dolorem,)  
gemebat inquam, altero retrò seculo Septemtrio exitiali  
prostratus Venerei transfugæ hæresi, cum miseratus ef-  
fusam ad barathrum ruentium animarum copiam, nouis-  
simæ minimæq; cohortis sub militaribus diuinæ Sapien-  
tiæ signis Ductor Ignatius, paruam sed validam Theolo-  
gorum manum, maximis in Europa & Oriente, fidei ho-  
stium exercitibus opposuit. Conflixit magno orbis do-  
mitore Alexandro maior, minimæ Societatis Dux Ignatius.  
Veriùs quàm Alexander, altera manu, scilicet Xaverio, O-  
rientem; altera, cæterorum Sociorum manu Occidentem  
triumphans. Ita cum vastissimo D. Ignatij pectori, v-  
nius orbis non sufficerent emolumenta, expansis inter-  
minatæ suæ charitatis brachiis, orbem vtrumq; est com-  
plexus. Conflixit igitur doctissimum Theologorum  
agmen, non alio armorum quàm cælestis Scientiæ præ-



sidio instructum, & à profligata hæresi, ethnicaq; superstitione victrices Romanæ Religionis Capitolio intulit palmas. nulla vnquam ætatum obliuione hostiumque odio conuellendas; vtpote quibus immarcescibilem laudis gloriæq; vigorem, Vaticana Summi Præsulis oracula afflauerunt. Iam Vatiniano liuore succense Zoile, & laureatum nouem Doctorum agmen, Decano ipsoq; Doctore D. Ignatio, inuido sarcasticoq; dente, rabularum instar carpe atq; lacera. quia scilicet docti sacrique honoris fructus ipse decerpere non possis. Plus certè solatij & vtilitatis afflictissimis Ecclesiæ rebus, decemuiratus doctissimorum Patrum attulit, quàm innumera Erronum illorum publicis criminibus vstulata capita inflixerint detrimenti. Prodierant illa infelicissima ætate fastuosa Apostatarum capita, gigantum instar minis erecta, in Cælicolas & Supremum Ecclesiæ Caput; diceres Jouem Cælitescq; astris deturbatura, & inconcussæ petræ robur elisura, quod tamen vel fractus illapsusq; non labefactaret orbis. Ita illi dolos dolis, fraudes fraudibus, argumenta vel potius figmenta figmentis, ceu montes montibus superstruebant, & sexcentos confusarum mentiū errores, nouæ turri Babel ad Romanæ Ecclesiæ subuersionem erigendæ, comportabant: cùm ecce diuini instinctu consilij & Vaticani Antistitis Romaniq; Senatus sacroconsulto, Lecti Societatis Iesv decemuiro, at virium animique conspiratione, omnes vir vnus, confusam illam congestarum ex vetustis & obsoletis hæresum ruderibus machinam, ceu prognatas aranearum veneno telas, Spiritus Apostolici ac Theologicæ sapientiæ virtute in auras ventosq;

tosq; diffiarunt inanes. nemine virtuti illorum ac Sapien-  
tiæ, olim vel hodie inuidente ; nisi qui refragari audet  
Pontificio encomio, palam in precatorijs Ecclesiæ tabulis  
attestanti ; Deum sicut alios alijs temporibus sanctos vi-  
ros, ita Luthero, eiusdemq; temporis hæreticis, Ignatium  
& institutam ab eo Societatem obiecisse. Videbatur ve-  
nustissima semper florecentis Ecclesiæ facies quasi conse-  
nuisse, & inter caliginosas hæresum nebulas, auita illius  
obscurari elegancia, quin viribus labascere, militibus de-  
stitui, splendore Romani nominis obtenebrescere ; dum  
ecce Sapientiæ diuinæ inuento, diuinâq; Societatis decem  
Sapientum operâ adlaboratum effectumq; est, (ita locu-  
pletissimo Ecclesiæ ipsius testimonio, tanquam vaticinio  
Spiritus Sancti ore prodente ) vt & nouo militarium co-  
piarum subsidio, Antesignano Ignatio, Ecclesia grauif-  
simis laceffita bellis roboraretur, & diuini Romaniq;ue  
nominis gloria, ad extremam vsq; Thulen & inaccessos  
orbis marisq; fines propagaretur ; & in Europæ imperijs  
fidelium instauraretur pietas, deterfaq; vetustate, primæ-  
uus templis cum fidei vigore rediret religionis nitor ; hu-  
manæq; pretia salutis Sacramenta, cordi vsuiq; fidelium,  
& chariora æstimarentur, & adhiberentur frequentiora.  
Iam pace tua Hipponensis Theologorum gemma, dicere  
liceat. Magnus in mundum venit Medicus, medicinâ  
mentium, Theologicâ scientia allatâ, quam ab ipsis lite-  
rarum incunabulis exordiando, inaudito ab hominum  
memoria exemplo, comparauerat, Vir inter aulæ splen-  
dore & Martis laureas, heroica laude nuper consumatus ;  
hodie inter elementarios Grammaticæ commilitones pue-  
ros,

ros, & minaces Magistri ferulas repuerascens Ignatius. Magnus inquam in mundū venit Medicus, quia magnus in mundo iacebat ægrotus; Vniuersus scilicet Septentrio contagiosa Lutheri Caluiniq; lue lethaliter afflatus. Cū multorum primæua refrixisset charitas, ignis cælestis Ignatius, prælucente illustrissimo Nominis & Numinis IESV iubare, ceu diuinæ lucis fonte, animis cælestium bonorum studio iterum inflammandis est destinatus; vt & pietatis igniculos & lumen Sapientiæ teneræ instillaret ætati. Tot erectis vbiq; mansuetiorū literarum Athenæis, & publicis seueriorum disciplinarum Vniuersitatibus, quot à nascentis mundi incunabulis, ante Ignatii & Societatis IESV tempora, orbis vidit nunquam. Vt verò sapientiæ documenta, liberali in omnes dispensaret operâ, nullo sui suorumq; comodo, nisi augmento maioris Dei gloriæ vnico, non vni duntaxat regioni illustrandæ, Musarum & diuinioris Palladis lycæa crexit, sed quaquauersum illucescit Oriens, ardet Meridies, frigescit Septentrio, obscuratur tegiturq; Occidens, vbiq; constanti sapientiæ sanctitatisq; institutione, ceu aperto vigiliq; in publicam orbis vtilitatem oculo excubat. Qui nec in Oriente, exorientis primordia nominis, in priuatam reflectit lucem; nec in Meridie fastu propagati inflammatur nominis; nec in Septentrione, inter extinctæ fidei & pietatis hyemes, arctatâ & quasi à frigore constricta algescit charitate; nec in Occidente in otium & laborum vesperras languente occumbit constantia. Quid mirum proinde, si ad ortum lucemque tanti sideris, quod orbem studiorum suorum ambitu complectitur, nullasq;  
non



non errorum noctes dissipat, illico immanes hæresum bel-  
lua, Ecclesiam diductis in errantium animarum perni-  
ciem faucibus circumcursantes, spelæis antrisq; suis con-  
dantur, atq; à veritate errorū iudice & censore deprehen-  
sæ, suis se damnent latebris; neq; tantum audacis animi  
retineant, vt publico disputationum conflictu cum veri-  
tate congregi audeant, certæ nimirum, luci à tenebris fu-  
gatis, cessuram triumphalem veritatis lauream. Ita re-  
gium illud vaticinium & huic consonat elogio. Ortus  
est Sol, bestię in suis cubilibus collocabuntur. Ferue-  
bat orbis orthodoxus, distortis dissidentium ingeniorum  
sententijs, & vt magna incendia è tenui quandoq; nascun-  
tur scintilla, ita è leuium altercationum semine, etiam  
bella prodierunt, quæ distractis regnis, totâq; pæne Euro-  
pâ in accerrimos fidei conflictus & deplorandas innu-  
merabilium fidelium clades dilaceratâ, non vrbs vnus sed  
orbis totiùs excitarunt incendium. Non facile tantæ  
flammæ, aut sapientiâ cuiuspiam sopiendæ, aut authori-  
tate componendæ aut opprimendæ potentiâ videbantur,  
Sed fortior horum omnium extitit Sapientia, cuius præsi-  
dio instructus Ignatius, cùm è Vaticanis septemcollibus,  
ceu publicis sapientiæ exedris ipse detonaret, & distribu-  
ti per Italiam Germaniam Galliasq; Socij, circumuentum  
rabularum & fabularum fraudibus indoctum vulgus, ad  
saniora & pacatiora reuocarent, illico magna ecclesiæ pax  
est restituta, reddita orbi quam Hæresis eripuisse vide-  
batur veritas, veritati mentium serenitas, serenitati pu-  
blica regnorum tranquillitas. Euenit tum verè illud va-  
tis Heroici

-- -- magno in populo si forte coorta est  
Seditio, sauitq; animis ignobile vulgus,  
Iamq; faces & saxa volant, furor arma ministrat,  
Tum pietate grauem ac meritis, si forte virum quem  
Conspexere, silent, arrectisq; auribus adstant,  
Ille regit dictis animos & pectora mulcet.

Ita tum orbis tumultuans conticuit, & alta admiratione hæresis obstupuit, dum scilicet veritas & sapientia, publica vrbium compita, passim teneret arrectis animis suspensa. Finxit olim artifex fabularum antiquitas, turbulentum Oceani imperium, quà longè lateq; se porrigit, nullius sceptris iussisq; parere, præterquam vnius formidando Neptuni Tridenti. Dum nimirum omnia fluctibus miscentur, vndisq; in sublime elatis, Solem cælo eripere, terrasq; ruptis aggeribus inundare videtur, illico Neptunus irati fluctus maris suis coercet imperijs, & amæna Oceanum iubet stagnare tranquillitate. Tantum valet conspicuus regni insignibus Tridente Neptunus, dum caput extulit vndis. Si fabulosa licet componere veris, quantis tempestatibus, turbulenta illa Hæresiarcharum ingenia, sicut mare feruens in ecclesiæ nauim sese effuderant, ita vt orbis vniuersus grassantibus & exundantibus errorum procellis mergendus sepeliendusque videretur. At quis tandem tumentis fregit stititque fluctus, ne plus vtia ferocirent? Fregit stititq; Theologia, diuina illa Sapientia, meritò furentium hæresis tempestatum tumentisq; Oceani imperatrix dicenda; quæ circumdare mari terminum legesq; ponere aquis, & profundum abyssi penetrare, & in fluctibus maris ambulare, e Spiritus San-

Et oraculo perita, omnium excellentium fastuq; turgentium refractaria ecclesiæ capita, virtute irrefragabilis veritatis calcavit, ut in omni populo & gente, primatum relata de erroribus victoriæ triumphatrix obtineret. Fregit certè ac efferata Hæresis fluctus coercuit Tridentum, non secus ac Tridente formidandus Neptunus turbulentum composuit Oceanum. Expauit seditiosum illud mare feros despumans libidinū fluctus, excucullatus Lutherus, ad Tridentina Theologorum decreta, quibus exundantes errorum suorum fluctus magis coerceri sentiebat, quàm oggesto validissimo aggere aut Neptuni Tridente, maris teneatur licentia. O diuinæ mentis propago nobilissima, Theologia non degener à Dei ingenio partus, cælestium consiliorum arbitra, oraculum & lingua Spiritus Sancti ! Felicem Poloniam atq; nobilissimam, hanc Poloniæ urbem, regiam sedem Varsouiam ! Felices & hos Athenæi à Sacrosancta Theologia hodie consecrati lares ! in quibus diuina facultas, scientiarum scientia, mentium directrix & conscientiarum Regina, orbis Christiani Magistra, suam metatur figitq; cathedram. Si sensus quispiam, laribus his inesset, si interpretis animi lætitiæq; lingua, si ad venerationem & gatulationem composita facundia; diceret utique, tantæ hospiti, demisso cultu acclinis. Salue diuinarum sedium perpes affecta, nostris hodie illata dicataq; penatibus. Numinis æterni ingenio, à seculis genita; hodie Magni Antistitis diuinissimo consilio, iterum in terris renasceris. Dum à seculis & orbe condito expectata Virgo, hodie in lucem prodit, quæ increatam luci publicæ Theologiam sit edi-



tura; eodem planè felicissimo temporum & mysterio-  
rum concursu, vnus vix similem Præsul, visus habere  
secundum, è Polono an polorum sublimiore Solo pro-  
diit, non modò Præsuleæ dignitatis, sed genuini no-  
minis sui prærogatiuâ Sacrosanctus Antistes, qui San-  
ctitatis Matrem, cælestis sapientiæ Magistram Theolo-  
giam, communi ecclesiæ & reipublicæ emolumento, ho-  
die, (ô fortunatum diem ô felicem partum!) hodie in-  
quam publicæ prodit luci. Ingeniosæ antiquitatis sen-  
sus sententiâq; erat, Palladem Sapientiæ Deam, Iouis  
esse natam cerebro; quòd scilicet sapientissima antiquitas  
crederet, non esse humani inuenti consilijq; partum di-  
uinas literas, sed cælestibus immortalis Dei natalibus or-  
tas atq; inde ad mortalium sedes & conuictum descen-  
disse. An igitur credamus, humanæ cuiuspiam politi-  
cæq; rationis consilio constituisse decretum, vt sedem & do-  
miculum hîc figeret Theologia? an potiùs Magni in ec-  
clesia & repubilca Polona Numinis diuinissimo consilio  
constitutum? vt sanctissimæ soboles mentis, in cælis ge-  
nita Theologia, nomine quoq; & partu Genitoris sui, in  
terris sanctificaretur. Diuinum profectò pectus, tæcun-  
dum consilio caput, è quo non versipelles Machiaulli  
Prothei, non millicipites factionum & technarum hy-  
dræ, sed solida, cælestis, Diuina Sapientia, ad Christianæ  
reipubl. propugnaculum, ad decus & ornamentum Ma-  
gni, quia Orthodoxi Ducatus Masouiæ, ad exterminan-  
das è gremio & finibus Poloniarum hæreses, ad beatæ de-  
niq; & communis omnium perennitatis felicitatem adi-  
piscendam, felicissimo partu prodiit, Sacrosancta suo &

Fun-

Fundatoris nomine Theologia. Æterna immortalis Tibi  
nominis veneratione, illa Tibi viuet vigebitq; obstricta,  
Illustrissime Antistes Chelmenfis, & diuinæ Sapientiæ  
Patriarcha Reuerendissime. Quotquot illa Theologicis  
disciplinis excolet erudietq; clientes, tot Tibi Tuæq; mu-  
nificentia ad perennem nominis famam excitabit enco-  
mias. Quoties docta ingeniorum pugna inter subti-  
lia & acuta argumentorum spicula feruebit, toties Ti-  
bi victoriam triumphosque, victrix canet veritas. Quo-  
ties laureis infulsq; coronanda prodibunt è Tua Theolo-  
gia Capita, toties æternas in astris, post sera fata, Docto-  
rum Præfulumq; carpes laureolas. Stabit igitur Tuæ  
gloriæ & Sancto Præfuleoq; Nomini, æternum trophæum  
Theologia, hoc securiore nixum fundamento, contra  
liuoris odiiq; inanes machinas, quò solidiori tuæ auitæ  
SOLEÆ basi, in qua gloriosa Tua familia perennat, insistit.  
Ibit auspiciis, quibus cæpit passibus, in commune Eccle-  
siæ regniq; commodum; ibit doctas formare mentes, hæ-  
resum extirpare lolia, vitiorum profligare phalanges.  
Ibit nec alia premet vestigia ad palmam, quàm quæ  
palmaris Tua SOLEA, tot retro seculis, gloriosis signauit  
victorijs. Nemo verò fluctuantis aut fallentis sortis ve-  
stigia metuat, nostræ bene soleatæ solidatæq; Theologiæ,  
cui signum omenq; victoriæ prælucet, CRUX triumphat-  
rix. In hoc signo Illustrissime Antistes & Fundator, san-  
ctissimorū Tuorum conatuū elides vinctesq; aduersarios.

Vt vt viribus potentes, fraudibus formidolosi, autho-  
ritate magni, etiam Maximis & Maximinis maiores sese  
opposuerint, Tu benecæptorum constantiâ Constantinus,

ipſo polo, ſi Polonia renuat, (non renuet autem) in Tua  
conſpirante conſilia, triumphabis vanas ſine viribus iras.

Et certè decebat in hoc ſigno, auita Tua CRUCE, ceu  
Incarnatæ Sapientiæ olim publica cathedra pro commu-  
ni orbis ſalute erecta, Societatis Jeſu fundari Theologiam.  
Non aliam enim decemuirali Doctorem Societatis primo  
Collegio cathedrâ, cum primùm Romæ ſuæ eſſet Sapien-  
tiæ auſpicaturum Magiſterium, Diuina Sapientia Chri-  
ſtus, comprobante Patre, exhibuit ſpectandam ſponon-  
ditq; extruendam; quam in qua ipſe ſuæ olim tradidiſſet  
doctrinæ arcana, cæleſtisq; Sapientiæ myſteria ſublimiſ-  
ſima. Diuino proinde conſilio factum eſſe arbitror, vt  
quàm docendi exedram, æterni Patris Verbum, irreuo-  
cabili promiſſo fideq; primæuiſ nostris decreuit Theo-  
logis, è quorum ſapientia orbi docendo ſuppari, noſtræ  
etiãnum manat doctrinæ riuulus; eadem quoq; nobis  
hodie, in hac anguſta Poloniæ Regum ſede, obtingeret  
Sapientiæ docendæ Magiſtrale pulpitu; in Tua Illuſtriſ-  
ſime Præſul & Fundator, diuina cruce fundatum, & ad  
æternitatem, ſolidiſſimâ Tuâ perennis gloriæ Solcâ ſta-  
bilitum. Fateor illam Æuiternæ Sapientiæ in editiſſimo  
fatalis an triumphalis montis faſtigio, ſublimem cathe-  
dram, tanquam mortis victricem, melioriſq; authricem  
vitæ, mortuorum inſtituiſſe capitibus: at nec noſtræ cathe-  
dræ, id diuini ominis & augurij, ad triumphanda Hæ-  
ſum tanquam mortua Eccleſiæ membra argumentum  
deceſt; vtpote quæ à tot proſtratis & contagioſa lue nuper  
ſublatis vrbis huius capitibus quaſi altera Caluaria, &  
nouiſſimè à Religioſis ſuis naſcentis Theologiæ primitij,  
fato



fato præcoci ad astra transmissis, non dissimile fortitur  
fortunati auspicii prognosticon.

Ad te iam Doctorum Princeps, summe Theologo-  
rum Apex, sublimissima speculationum & contempla-  
tionum cælestium Aquila, Diue Joannes Euangelista,  
Vniuersitatum & comprimis Theologicæ facultatis  
supreme Mecænas atq; Patrone, præfatio mea sese con-  
uertat est necesse. Tu inaccessæ Diuinitatis & Triados  
magna & à seculis in Deo abscondita Sacramenta, irretor-  
to oculo speculatus, Theologiam speculatiuam de Deo  
vno & Trino primus es exorsus, editisq; publicæ luci  
prælectionibus, typo Spiritus Sancti eas diuulgasti. Faue-  
lis vt hæc ipsa inscrutabilis Dei vnus Triniq; Mysteria,  
felix fortunatumq; Theologiæ nostræ cedant auspiciū;  
& verò quid Deo auspice & argumento non cedat for-  
tunatum? Tu è Diuini Sacrario pectoris, ceu scientia-  
rum omnium Vniuersitate, inscrutabilis Theologicæ  
scientiæ thesauros, sacrasq; Doctorum laureolas, ad or-  
bis Christiani Athenæa omnia dotanda ornandaq; extu-  
listi: quando diuino pectori ceu expanso Sapientiæ libro  
intentus, totoque animo ad condiscenda sublimissima  
Theologiæ mysteria incumbens, eò subtilissimarum dif-  
ficultatum & difficillimarum subtilitatum es eluctatus,  
quò nullis antehac Theologorum ingenijs, eluctandi  
speculandiq; patuit facultas Admitte (ita nostra Tibi  
supplex orat Theologia) admitte inquam communi cæ-  
terarum Academiæ iure & solenni Theologicæ facul-  
tatis consuetudine, etiam has hodie nascentis Theologiæ,  
cum nascente Sapientiæ increatæ Parente, Athenas,  
Admitte

Admitte sub gratiæ Tuæ patrociniū, Joannes, æternā  
obseruantia & deuotione, Tuo Nomini dicatas. Admit-  
te & Tu Theologorum Principi & Primati Joanni Euan-  
gelistæ compar Diue Baptista Ioannes, Regum Institutor  
& Ecclesiastes, laureate de Iure & Iustitia quam contra  
adulteros Principes propugnasti, Doctor: Meritò in Tu-  
telarem nostræ Theologiæ de Iure & Iustitia pomeridianis  
horis auspicantis, adscite. At hæc est, Præsules, Abba-  
tes cæteriꝫ Proceres Illustrissimi & Reuerendissimi, Sa-  
cri Collegij Vestri Varſauiensis, cui tutelari iure & gratia,  
Magna hæc Cælitum Numina patrocinantur, gloria &  
felicitas, vt nobis & in cælis Protectores, & e gremio  
suo in terris Fundatores prouideat. Iam non modò ar-  
gumento & nomine Sacrosanctam: sed si e tantorum An-  
tistitum & Procerum splendore, qui Athenæo nostro  
Theologico hodie affulsit, gloriari licet, etiam e luce ve-  
stra sideris instar coruscantem se hodie gaudet miraturꝫ  
Theologia. Et quidni gaudeat mireturꝫ? quam nimi-  
rum suâ collustrant & coronant præsentia, summi huma-  
narum, politicarum, & diuinarum literarum Vertices atꝫ  
Infulati Præsules Abbatesꝫ; nec non Illustrissimi S. R. I.  
Comites & Regni Senatores: Vosꝫ; potissimum quos ho-  
noris & venerationis causâ iure meritò nomino; Tu com-  
primis Illustrissime & Reuerendissime Antistes Posna-  
niensis, sub cuius auspicijs nuper captæ, hodie consu-  
mantur Collegij Varſauiensis Societatis Iesv Scholæ.  
Tuꝫ; Illustrissime & Reuerendissime Chelmenſis Anti-  
stes, Theologiæ Fundator, æternis fastis super æthera  
sideraꝫ; inferende, nullaꝫ; non ætate, omnium linguis,  
potissi

potissimum gratæ Societatis Jesv pectore, & singulorum  
per orbem vtrumq; Sparforum Sociorum precibus, &  
Sacrosanctis Sacrificiorum Suffragijs, semper comme-  
morande. Tuq; Illustrissime & Reuerendissime Anti-  
stes Kiouiensis, scientijs omnibus, humanis diuinisque  
cultissime, vt meritò hac Poloniarum ætate, literarum  
illustre ornamentum & Senatorum Præsulumq; Iubar au-  
dias. Tuq; Perillustis & Reuerendissime Venerabilis  
Collegij Decane Regum dignissime Ecclesiastes ac Ze-  
losissime publicæ pietatis propagator. Tuq; Perillustis &  
Reuerendissime Abbas Paradisiensis & Venerabilis Col-  
legij Præposite; spectatæ & in Regum aulis & in mode-  
randis Religiosorum Tuorum Asceterijs, virtutis exem-  
plar. Tu quoq; Perillustis & Reuerendissime Abbas  
Tremesnensis, Generalis in Spiritualibus per Varsauien-  
sem Archidiaconatum Vicarie; sanguinis pariter ac Vir-  
tutis vinculo cognate Illustrissimi Fundatoris nostri Fra-  
ter, quem Magnum semper Foundationis conseruandæ  
augendæque Patronum & Societatis minimæ defenden-  
dæ Mecænatem colemus atque venerabimur. Tu quo-  
que Perillustis & Reuerendissime Abbas Claræ Tumbæ,  
qui fastis & factis, virtutum non vulgarium specimina pu-  
blicæ prodis luci, vt omnes illimi vita calamoq; ad cultio-  
ris sanctimonie æmulationem accendas. Vos quoq; Per-  
illustres & Reuerendissimi Sacri Collegij Proceres, quo-  
rum alter altissima Maiestatum iudicia docto exæquat  
calamo; alter regij sanguinis & nominis Nepotem, ho-  
die Illustrissimum Varmie Præsulem, Angeli vigilantis-  
simi vice per Europæ celeberrima Regna & lycæa duxis



reduxitq; virtutibus & literis politissimum. Vos quoq;  
ceteri omnes, Magni Ecclesiæ & Reipub. Prælati ac Pro-  
ceres, in quorū nobilissima corona velut gemmā splendi-  
dissimā te colo venerorq; præsentem, Illustrissime S. R. I.  
Comes & Palatine Liuoniæ, qui nouum Orthodoxæ  
Ecclesiæ Sidus, Fidei & Religionis Zelo feruentissimum  
nuper accessisti; hodieq; præsentia Tuā Illustrissimā tan-  
quā lucidissimo Iubare, Theologiæ nostræ Orienti collu-  
strando, gratissimus affulisti Phosphorus & Hospes. Vos  
deniq; vniuersi perillustribus Reipub. dignitatibus & of-  
ficijs ornatissimi Hospites: quorum ex æquo memoran-  
dis meritis & virtutibus, dies & dicendi facultas me de-  
ficeret.

Jam ad Polonorum Aquilam Serenissimo Polonia-  
rum Regi Ioanni Tertio sacram dicatamque, à Polorum  
Aquila, Theologia, Diuo Ioanni Theologorum Principi  
nuncupata; mea se vertat Oratio est necesse; vt nascenti-  
tis Theologiæ nostræ primordia, quò felici crescant &  
augeantur progressu, sub Regalis Scuti patrociniò, &  
victibus Aquilæ Sarmaticæ alis reclinet, Bellatrix Theo-  
logia est, Pallas est armis instructa, quæ superstitioni  
Ethnicæ hæresi que perenne dixit bellum, felicisq; toto  
orbe tulit victorias, atque opima non armorum sed ani-  
morum spolia, Vaticano inuexit Capitolio. Quidni igitur  
patrociniū præsidiumq; sub illo Scuto ambiat? Quod  
contra potentissimum Ottomanici imperij exercitum, va-  
lidissimum nuper extitit Poloniæ atque Ecclesiæ totius  
propugnaculum. Regina Scientiarum omnium Theo-  
logia est. Anne igitur Regiæ huius vertici pretiosissi-

mum


num diadema accesserit, si Regalis & Reginalis gratiæ;  
bonæq; erga bonas literas voluntatis Scuto coronabitur?  
Sol est humanarum mentium & abditissimorum con-  
scientiæ recessuum illuminatrix Theologia; anne igitur  
si Sol in aureum regnatricis dexteræ clypeum refulserit,  
non tam regni montes quàm reipublicæ magnæ men-  
tes, à repercusso Clypei Regalis fulgore resplendebunt?  
Resplendebunt profectò atque ita quidem resplendebunt  
magnæ Sarmatiæ mentes; vt & ipse regnantis Maiestatis  
thronus, & dominatrix Throni Domus, ad seculi vsque  
consumationem, sicut Sol in conspectu orbis Poloni æ-  
ternùm luceat, & in natis natorum & qui nascentur  
ab illis, nunquam Regij ac Reginalis  
nominis sanguinisque splendor  
occumbat.

*Habita in Auditorio Theologico Collegij Varsaviensis  
Societatis IESV.*


*A*


R. P. MARTINO KRETZMER  
Societatis IESV SS. Theologiæ Doctore, eiusdemq; Professore  
Ordinario, Sacræ Scripturæ Interprete, nec non  
Studiorum Præfecto.














Biblioteka Jagiellońska



stdr0029856







E.I. 13